



Handwritten text in a cursive script, possibly a signature or a name, located in the center of the page.

IOAN. BAPTISTAE  
PORTAE NEAP.  
DE REFRACTIONE  
OPTICES PARTE:-  
Libri Nouem.

- 1 De refractione, & eius accidentibus.
- 2 De pilæ crystallinæ refractione.
- 3 De oculorum partium anatome, & earum munijs.
- 4 De visione.
- 5 De visionis accidentibus.
- 6 Cur binis oculis rem unam cernamus.
- 7 De his, quæ intra oculum fiunt, & foris existimantur.
- 8 De Specillis.
- 9 De coloribus ex refractione, s. de iride, lacteo circulo, &c.



Ex Officina Horatii Saluiani.

---

NEAPOLI, Apud Io. Iacobum Carlinum, &  
Antonium Pacem. 1593.

JOHN BAPTIST

DE REFORMATIONE

CHURCHES

IN THE

WEST INDIES

AND IN THE

WEST INDIES

AND IN THE

WEST INDIES

AND IN THE

AND IN THE

AND IN THE

AND IN THE

AND IN THE

AND IN THE

AND IN THE

AND IN THE

AND IN THE

AND IN THE

AND IN THE

AND IN THE

AND IN THE



# OCTAVIO PISANO

ADOLESCENTI ERVDITO.

Io. Baptista Porta Neap. S. D.



*ANTVS* erat, Octavi carissime, Ioan. Antonij Pisani, (viri nunquam sine laudum prefatione nominandi) patris tui, vel in studiorum meorum infantia, erga me amor, vt vererer an à quopiam tam vehementer adamarer.

*I*psè enim, quum publicè doceret, scripta mea, quantumlacunq; fuerint, ad cælum laudibus extollebat, doctissimisq; suis in scriptis mei celebrius meminerat, suaq; insigni doctrina me studijs confectum, lippitudinibus, vertiginibus, & eiusmodi studiorum alumnis morbis labe factatū ex orci faucibus eripuit. Cumq; ego intelligerem à viro in excelsò doctrinarum fastigio constituto adeò diligi, quiq; in celeberrimo Neapolitano Gymnasio duo de quadraginta annos Philosophiam, & Medicinam, non aetlica modò, sed romanavenere professus fuerit, summo aduenarum, & incolarum concursu, doctòrumq; virorum plausu, qui etiam quintū archiatus, tam in super nostris Regis vicem gerētibus carus, Sereniss. Ioanni Austriaco, Regniq; proceribus, vt eum egregie coluerint, & muneribus condecorauerint, vt mecum ambiciosius gessè-

gesserim, (magnum est enim à magno viro laudari) & piaculum mihi videretur, si hominem præterissem, quin quoquomodo possem, officia rependerē, ac me tanto onere pressum reluerem. Itaq; librum hunc, qui apud posteros mutui amoris testimonia præstaret, ei nuncupare constitueram, qui tantopere meis nugis delectabatur. Ecce dum liber formis excuditur, moritur, sed quid moritur? non enim moriuntur, qui perpetuò vivere digni sunt, sed ad superos euolauit, cuius superstes fama. & in scriptis, & hominum memorijs nunquam consenescet. Aegræ ferens viri iacturam, Iulio eius filio nominare decreueram, qui togatus, & armatus nostri Regis amore flagrans suo ære sub auspicijs Inuietiſſimi Ducis Parmensis apud Belgas in quamplurimis bellicis functionibus ita se nauiter gesserit, vt ab eo aureis torquibus honestaretur, & literas ad Catholicum Regem eius præstantiam testantes fecerit, & dum liber sub prælo esset, fato & ipse cessit. Mox alter filius. Quare consentaneum duxi tibi superstiti ingenij, & doctrinæ tanti viri hæredi dicare, nec meo voto frustratum iri arbitror, si tui patris auspicijs cæptos libros leto animo susceperis, qui octauum vix decimum agens annum Musarum sacris initiatus, non philosophica modò, sed mathematica complexus es, dum me aliquando de eiusmodi scientijs ratiocinantem audiueris. At si quid ex indole longius prospicere licebit, futurum te nulla quidem ex parte parente inferiorem indico. Accipis igitur munus, & fruiere, meq; vt soles ama. Vale.



Digitized by the Internet Archive  
in 2018 with funding from  
Getty Research Institute

<https://archive.org/details/ioanbaptistaepor00port>







# AD LECTORES PRAEFATIO.



**R**EFRACTIONIS libros, totius optices spectatissimā partem, qui sub densioribus umbrarum tenebris hucusq; delituerant, Lectores candidi, in lucem adducimus, quæ subiecti nobilitate, necessitate, utilitate, admirabilitateq; inter cæteras scientias ita sua luce coruscat, ut pleraq; sine ea defectuosæ, & obscuræ censeantur. A subiecto igitur exordientes. Hæc de visu tractat, sensuum omnium nobilissimo, naturalium scientiarum instrumento, quæcumq; enim visu cognoscimus, & experimur. De luce, & splendore, de syderum, & cælestium corporum materie. Quomodo enim cælum ab aere diuersum esse, ac omnis tenuioris aeris tenuissimum cognoscemus, nisi syderum corpora, alibi, quàm sint, nobis videre viderentur? Refractionis enim lege admonemur, cælum aere, vel hoc

aeris conspurcata colluiei imo lympidius esse, vel quomodo astrorum globosum corpus ex sui orbis densioribus partibus concretum, aut expolitum metallum constitutum, nisi eius ope cognosceretur? Si necessitatem contemplerur, Videbimus scientias ferè cunctas sine eius lumine tenebricosas esse. Ex omnibus has præcipuas eligemus Astrologiam, & Physicam. Quid igitur de syderum motu sine refractione sentiemus, quum eorum phænomena inter se non congruant? nam sydera, quorum motus observantur, eò loci, quo videntur, non verè sunt, propè enim horizonta simul contigua, eadem cæli medio à se procul diuulsa conspiciuntur. Quid enim de eorum equabili motu? Quum horizontis imo tardius, in verticis culmine properantius à suis orbibus vectari concernantur, nisi refractione sancitum esset, rem in nebulofo tardioris, in lympido citatoris motus videri? Quid de syderum corporum quantitibus, quæ dum terræ propius cernuntur, se ipsis maiora, longius verò dissita minora conspiciuntur, nisi refractionis decreto constitutum esset lucem in rectum ferri, densioris mediij occursum refrangi, ac per varios à perpendiculari recessus distrahi, & magnitudinem, locum, lucem, & huiusmodi similia diuersari. Ex paralaxis quoque observatione, non solum cometas, sed lacteum orbem in firmamento esse ignoraremus, si refractionis scientia fuisset ignari. Quis non horret colores in Cometis, & Lunæ, Solisq; defectibus, cruentos, tetro, lucidos, cæruleos, nisi ex refractione lucis, & diaphani, aere densioris mistione gigni posse doceremur?



coronæ, gemini Soles, & tergemini, virgæ per nubes ex-  
tentæ, irides solæ, & geminatæ, adeò obscuris causis in-  
uolutæ sunt, vt maiores nostri Thaumantis filiam, quasi  
admirationis dixerint. Refractio ancipites Philosophiæ  
quæstiones explicat; & quid verè sint dignosci largitur.  
Medicina quomodo irides in oculis, vertigines, & eius-  
modi morbos in homine mederetur, nisi ex refractione  
causas cognosceret? Eius ope multa in Pictura, & Archi-  
tectura sublimia sunt inuenta. Venio ad vtilitatem, &  
iucunditatem ex ipsa admirabilitate. Hæc enim scientiæ  
ex Mathematices, & naturalis Philosophiæ mixtura or-  
ta est, & quicquid vtraq; in se iucundi, & admiratio-  
nis habet, in se recipit, & colligit. Hinc Geometricarum  
speculationum veritas innotescit, nam quæ Geometria  
fingit, & speculatur, ipsa explicat, & in lucem renocat:  
vnde ex his quasi fonte, mirabilium omnium profluit  
scientia. Ignis ex perspicui corporis obiectu, & Solis  
radiatorum coitu generatur, adeò validus ex refractione,  
vt longè parabolica sectionis vim exuperet: nam refra-  
ctio habet & radiorum unionem, & multiplicitem,  
qua caret reflexio, vnde multo remotius, & validior  
ignis potest explicari. Specilla condit, quorum causas ex  
refractione cognoscit, quæ debilibus, & cæcutientibus  
oculis accommodata, longius & perspicacius dat omnia  
contueri, quibus si priuaremur, ferè ipso visu orbaremur.  
Huius ope specilla quoque concinnantur, quæ ad mira-  
culum vsque elongant visum. Fiunt imagines vt in aere  
pendulæ videantur, tam clarè & perspicuè vt nisi ma-  
nibus

nibus tangas, vix oculis credas, vt oculorum fallacias,  
& praestrigia vincāt. Multa sunt, quae ne lectores tadio  
afficiamus, omittimus. De literaria igitur republica be-  
nemeriti viri eam sequantur, amplexenturq; . Causa,  
quae nos de refractione ad scribendum impulit, fuit, quod  
videremus ea de re maiores nostros breuiter, ac satis osci-  
tante perscripsisse, vt vestigia potius quedam, quam  
artis fundamenta iecisse viderentur. Vnde indulgendum  
nobis erit, si humiliora haec tradiderimus: necesse enim  
fuit, vt quantulacumq; haec fuerint nobis placerent, qui-  
bus non nisi noua & selectiora placere possunt.





# P R O O E M I V M.



REFRACTIONVM principia, quibus cum aliis cōuenimus, hoc libro explicabuntur. His problemata quædam adnectemus longè aliter, quàm nostris maioribus visa sunt, explicata. Errata si quæ nobis visa sunt, non dissimulabimus, etiã doctissimorum virorum, ne errores in infinitum propagentur, noua si quæ habemus libenter impertimur, & si vulgaria, doctiorum tamen animos vellicabimus, vt ornatiora, cultioraq; proferant in lucem. Interim definitiones quasdam audies, quibus in sequentibus vsuri sumus.

---

## DEFINITIONES.

I



*LINEA* incidens est per quam fulgor luminosi emicat, vel simulachrum per medium unius diaphani fluit.

II

*Linea refracta* est per quam radius, vel imago per alterum imparis perspicuitatis diaphanum effunditur.

III

*Punctus fractionis* est utriusque linea incidentis, & refractæ intercursum, in utriusque tenuioris, & hebetioris diaphani commissura.

*Linea*

## IV

*Linea perpendicularis est, quæ à fractionis puncto per corporis centrum, in quo fit refractionis ultra porrigitur, unde si lacus, maris, aut vasis contenta aqua observetur refractionis, centrum illud uniuersi erit, at si vitri, speculi, oculi, vel alterius consimilis, sui ipsius corporis centrum erit.*

## V

*Cathetus est linea incidens per visæ rei punctum, & corporis centrum in rectum extensa, ut diximus.*

## VI

*Angulus incidentiæ est incidentis linea, & perpendicularis in refractionis puncto coitio.*

## VII


*Angulus refractionis ubi linea refracta, & incidentis in puncto refractionis coibunt, trans punctum refractionis extensa.*

## PROPOSITIONES.

*Radius perpendicularis super corpus altero minus lymphidum penetrat irrefractus, obliquus verò retorquetur ad perpendicularem.* PROP. I.



**D** apparet experientia. Immittatur in peluim aqua plenam vulgare astrolabium centrotenus, (ne maiori paratu refractionum auida perdiscendi ingenia remoremur) erigaturq; perpendiculariter. Et si possibile est, transeat Solis radius, vel candelæ per pinnulas perpendiculariter erectas, & radius fundo tenus irrefractus permeabit. Si verò obliquetur regula in medio quartæ astrolabij, expecteturq; vsque donec Sol ascēdat, & per pinnularum oscula radium transmittat, non utiq; rectè vsque pertransibit, sed ubi ad punctum venerit, ubi aqua cum aere coibit, deficit ietus, & incuruabitur, & oblique defluet, ad perpendicularem radium accedendo. Exemplum erit.



Estoque peluis CDEFGH, astrolabium ALBI, transeat aqua per medium astrolabij, scilicet per umbilicum O, sit regula AB perpendiculariter super aquam erecta, & transeat lumen per A transibit per AOB: robustum, tantum enim est illi virium, ut à vehementissimo aquæ occurſu deflecti non possit. At si obliquetur regula IL, & expectes vsq; donec Sol occupet pinnularum foramina, non recta meabit, sed in puncto O deflectitur, confinio vniſq; corporis AOI tenuioris, & LOB hebetioris, accedetq; ad perpendiculum AB, quum minus virium habeat, & infirmior sit. Ratio ex astrolabij fabrica pendet: nam linea IL recta meat, semperq; basis fundo æquidistabit, & astrolabij manubrium, dum in libramēto steterit, ad perpendiculū pēdet.

---


*Res visa sub hebetiori aeris corpore perpendicularis penetrat robusta, obliqua verò à perpendiculari recedit. Prop. II.*

**H** AEC est iam dictæ contraria: nam simulachrum veniēs ex hebetiori ad lucidius diaphanum, scilicet ex aquis ad aerem, non ut prius ad perpendicularem accedit, sed reflectitur, & in contrariam partem abibit. Propositio experimento etiam probatur. Hæreat magnitudo colorata vasis fundo aqua pleni, mergaturq; in eo astrolabium centrotenus, erigaturq; perpendicularis regula, apponaturq; oculus in summo,

B & per



& per vtrumq; foramen coloratæ rei venientem formam aufpicabitur. Recta obliquetur regula, & è regione pinnularum foraminum res colorata aptetur sub aquis, intuentibus forma interit, & visum intercipit, videbitur enim visus aciem sublimius attolli. At si rem coloratam humilius submiseris, conspicias. Exemplo res clarior fiet.



Sit peluis aquæ plena CDEFGH, mergatur in ea astrolabium AILBM, centro tenus O. Ponatur res colorata in B, pendeatq; ex libramento astrolabium, per A B pinnulas videbitur coloratum. At si obliquetur regula, vt in IL, coloratum existens sub L, eius visus perit: nam regulæ pars altera OL in sublimè tolli videbitur, & coloratû ex repercussio obliquè accepto submittitur, scilicet res colorata M, rectè ad O veniens, non amplius in rectum extensa in V veniet, sed obliquè fertur ad I, à perpendiculari se contorquendo, sic res existens in M, ab oculo I existente conspicietur.


---

*Anguli ingredientēs, egredientesq; semper æquales in refractione reperiuntur. Prop. III.*

**C**LARE etiam experientia patet, angulos ex Solis radijs ingredientēs, egredientesq; nunquam non æquales esse, vt & visus quoque anguli. Nam Solis radius si obliquè ad aquâ fertur,



fertur, eius occurſu collifus ad perpendicularum contorquetur, & ſi vnde reſilierit exponitur, eò, vnde ingreſſus eſt, reſlectitur, in eandem ſedem à perpendiculari recedendo. Idem & de viſu dicendū. Res conſpectabilis ſub aquis commorans, foras egrediens, vbi in limpidiuſ diaphanum venerit, in eam partem inclinatur, quæ longè à perpendiculari ſemota eſt, videlicet ad horizontem. Contra verò ſi oculus ſub aquis eſſet, res verò in aere, rei ſpectrum ad vtriuſq; diaphani contactum veniens, ad oculum contorquebitur. Vnde non vaga, & ſine certa lege angulorum inclinatio eſt, ſed ſemper æquales vices ingrediendo, egrediendoq; ſibi mutuò ſeruant. Te verò, vt rem faciliùs teneas, decet exemplo admonere.




Sit aquæ superficies quieta A B C, Sol D non perpendicularis, sed transversalis cadat ipsi B, non in directum labitur ad E, sed alia erit, quàm antea fuerat, quia ex puriori ad hebetius diaphanum venit, ideo hærebit perpendiculari, H B I, & erit B F. At Sol sub aquis existens in F, sursum veniens per B, non in G rectus meabit, sed in contrariam partem abibit, ab ipsa perpendiculari H B I: veniet igitur ad D, vnde discesserat. Idè & de oculo dicendum. Re sub aquis existente in F, ac sursum perueniente ad B, quia ex hebetiori ad lympidius medium venit, à perpendiculari H B I separabitur, ideo non ad G, sed ad oculum in D commorantem accedet. Contra oculo sub aquis in F & re extra in D existentibus, non veniet rei imago D re-

Ita per D B E, sed ad F accedet, & sic conspicua erit. Quòd anguli ingredientēs, & egredientes sint æquales. Sit Sol in astrolabio D, in medio quartæ, ad gradus 45 non veniet ad E, vbi est etiam 45 gradus, sed accedendo ad H B I in F, erit 35, gradus. At existens Sol in F 35 non veniet ad G, vbi etiam 35 sed ad D, vbi gradus 45: Remanent ergo anguli in medio æquales GBD, & EBF ex lineis se decussantibus orti, ad inuicē æquales.

*Imago rei refracta visui occurrens, suo loco non videtur. Prop. IIII.*

**T**EMPVS iam est refractionis accidentia vestigare. Inter prima referemus, quòd rei simulachrum refractum vi sui occurrens, nunquam suo loco videtur, & id quemadmodum fiat, ratione, & experientia demonstrabimus. Rationes iam supra exposuimus, quòd visus ex obliquatione refracti radij ex aqua progredientis in commissuris alterius diaphani aqua tenuioris rei simulachrum non videt in sui oppositione, nec illud rectè comprehendit, nec refractè illud se comprehendere cognoscit, sed illud nec suo loco, nec in sua forma, sed alio modo, quàm putat. Experimento vulgari apparet, & à multis adducto, ex pelui aqua plena. Capitur ergo peluis alicuius profunditatis, in cuius fundi medio agglutinetur argenteus nummus. Inde à vase discedat spectator, quousque latere eius obice, nummi imago intereat (nam discedendo superior, accedendo vero humilior videtur), ibiq; sistatur, mox in peluim aquam suffundi iubeat, & videbit iacentes imaginem ad summa aquæ cōscendere, & ibi suā imaginē conspicuā demonstrare. Exēplum.




In vas CDEGH nummus B. visus existit in A. radius tran-

transiens per altitudinem lateris, vel marginem FD, pertransibit in L, nec tangit nummum in B existentem, nam sublimior volat: repleto aqua vase vsque ad CED summa, radius frangitur in I aquæ superficie ex B, & inclinabitur ad oculum A: sic nummus, qui prius profunditate erat inconspicuus, refractionis ope, conspicuus euadet, nec radius ad I frangi putabitur, sed suo loco videri, quod nulli dubium esse potest. Vrinatores, & qui tridentibus venantur pisces, non vbi eos vident ictus dirigunt, sed infra, nam si aliter faciunt, falluntur, & incassum laborant, ex refractione enim alibi, quàm sint, apparent.

*Imago refracta ad visum peruenit per rectas lineas. Prop. V.*

**Q**UOD imago ad oculos per rectas feratur, ratio est, quòd fractione res ad visum veniunt temporis momento, at si in linearum fractione temporis mora aliqua fieri deberet, & rei latione per rectas lineas velocissimè fieri non cõtingerit: peruenit igitur ad visum per linearum rectitudinem. Præterea in reflexionibus etiam imago ad obtutum per rectas velocissimè fertur, est enim rectitudo lucis cognata motui, quod & in alijs Naturæ operibus conuifitur, & id quoque instrumentis ad id opus concinnatis rimatum est. Mergatur astrolabium centro tenus in pelui aqua plena, & deorsum foramini coloratum opponatur, si centro obstaculum aliquod opponatur, peribit visio, à re enim ad centrum per aquas recta fertur imago, & si coloratum ita sub aquis locetur, & per foraminulum superius visatur. Si verò in centro sit obex, iterum & imago interit, quia à centro ad oculum rectè fertur.



In




In vas aquæ plenum C D E F G H mergatur astrolabiū A I M centrotenus I, & signetur in ore instrumenti in oppositione visus M. & si oculus A videbitur per lineas M I, & I A punctus M. Si opponatur obex in puncto. I. intercipientur visus rei M, nam ex M in I, & ex I in A rectè fertur punctus M. Si imagine- tur, vel signetur punctus in linea M I, & posito in aqua instru- mento quouis loco obex erit in linea M I, & quaquaversus te verteris ex illius recta oppositione, nunquam M videbis, quia ex M ad I recta meat forma. Idem eueniet in linea I M. Con- cluditur igitur per rectas lineas veniētem formam conspiciari.

*Rei imaginem ad aquæ summum perpendiculariter ascendere.*

*Prop. VI.*

**P**ROBABITVR id experimento, & aliter quàm à maio- ribus. Astrolabium, cui regula transuersa sit, atque aliquo puncto notata, aquis paulatim mersetur, & continget res maxi- mē mira: nam ima regulæ pars ex suo loco prodire, & sustolli videbitur, nec tam malè hominem feriatum reperiri arbitror, quin partē perpendiculariter ascendente confiteatur. Exēplū.




Assumatur sueta peluis C D E F G H, inclinetur regula I B A in medio quartæ, & mergatur astrolabium paulatim in aquam, colore aliquo vehementer relucēti, notato imo puncto regulæ I, &





ctum producta, necesse est eo loco videri, vbi vtriusque lineæ mutuus fiet concursus.



Sit vās aqua plenum C D E F G H, res visa in aqua I, peruenit ad summum per I B, refrangitur à pūcto B, veniet ad oculos per B A in rectumque producta, quousque occurrerit lineæ à re ipsa I perpendiculariter surgenti I L, in pūcto L, ibi ergo necessariò videbitur imago rei I. vt in fundo steterit.


---

*Res sub aquis refractè visa, quò magis ab oculo distat, eò sublimior videbitur. Prop. VIII.*

**N** V N C visus fallacias aggrediemur, quæ ex refractione contingunt, & primum quòd ea, quæ remotiora sunt in plano iacentia sublimiora vidētur, & quæ propinquiora humiliora, cuius rei demōstrationē à prioribus adductā, afferemus.

Estò visus A, pūcta sub aquis visa æquidistantia B C D E, quæ superficiei K F, perpendicularis à visu A F B, dico quòd maior refractione pūcti E, quàm D, & maior refractione pūcti D, quàm C, & ob id pūctū E sublimius videri, quàm D, & D quàm C, forma enim B non refrangitur, quia est in perpendiculari, sed pūcta C D E refranguntur ex varijs superficiei partibus, & quò remotior pūctus, à remotiori superficiei parte refrangitur. Refragatur ergo forma E à pūcto L, & D à pūcto T, & C A G,

C à G. & protrahantur perpendiculares à punctis refractionū, vt LG, MT, NI. Et ab A lineæ refractionis AG, AT, AI, & à punctis visis catheti extendantur CH, DT, ES. Et protrahatur lineæ refractionis ad cathetos AGH, ATR, AIS, Et quoniā trigoni AGI, exterior angulus AGF, maior est angulo ATF, & ATF maior AIF. Et quoniam anguli LGT, MTL, & NIK sunt recti & æquales, relinquitur angulus AIN maior angulo ATM, & angulus ATM maior AGL: detrahantur ab his æquales anguli OGL, PTM, & QIN, quia ad inuicem sunt æquales ab inferioribus angulis contrapositis: relinquuntur ergo OGA minor ATP, & ATP minor AIQ. Cōcludimus quòd remotiores anguli refractionis maiores sunt, vt in septima definitione. Quod si extendantur refractionum lineæ, vt AG in H, & AT in R, & AI in S, erit S punctus sublimior R, & R ipso H.




Sed Vitellio in hoc falsus est, quod & si æqualiter inter se distent in fundo iacentia colorata CDE, non ob id æqualiter distant in aquæ summo puncta refractionum GTI, & ob id anguli NIQ maior PTO, & PTO maior LGO: neque ob id falsa demonstratio: nam non tam maior est NIQ, ipso MTP, quin QIA, non sit maior ipso PTA, vt quis facile poterit experi in vase aqua pleno, notando in aquæ superficie puncta refractionum.



*Stellæ ascendentes ab Horizonte, citius videntur, quàm verè sint.*  
*Prop. VIIII.*

**Q**UIA horizon semper densi aeris ascendentium vaporū & nebularum profundo mergitur, erigentia se astra citius nobis conspicua sunt, quàm verè adsint super horizonta. Exemplo rem reddemus clariorem.




Non dum oriens astrum sit M, sub horizonte B A H, transiens eius imago per densitatem Sphæræ vaporum F G L, in puncto G refrangitur, & ad oculum tendit existentem in A terræ globi superficie D A C, & venit fracta, quæ extendatur in rectum, quousque cum catheto erecta ex C M, occurrit in N. Vnde stella quæ adhuc sub horizonte latet M, erit nobis conspicua in N, vt de nummo diximus pelui aquæ proiecto. Obid apud eos, qui tempestates prænoscent, quando Sol citius solito super horizonta apparuerit, signum est futuræ pluuiæ, quia tunc inter oculum & stellam non pauci, & crassi vapores interijciuntur.

*Plano rotundo perpendiculariter inspecto, concauus videtur, & maior.*  
*Prop. X.*

**D**ISCVS magnus sub aquis iacens, & perpendiculariter inspectus, concauus videbitur: nam extremitates suæ circumfe-

cumferētiæ centro sublimiores videntur, & ob id se ipso maior. Ratio ex superiori pendet : nam pars quæ longius ab oculo distat, sublimior videtur, & centrum in suo loco, videbuntur semidiametri obliquæ, & ob id maiores. Afferemus exemplum.



Sit vas B C D E, discus in fundo iacens D H I L M N E, oculus in perpendiculari respiciens A, aquæ superficies B G T Q Z X P C, linea perpendicularis A L. Punctus D venit ad G, refrangitur ad A oculum, extenditur A G in F, ibi occurrens perpendiculari D F B, punctus D videbitur in F. Sic punctus H propè D venit ad T, refrangitur ad A, extenditur A T in R, ibiq; occurrit perpendiculari ex H erectæ H R K: sic H videbitur in R. Eodem modo punctus I per Q in A, extenditur in S, semper humilior. Idem eueniet ex alia parte: nam punctus E per P venit in A, extendatur A P in O, & E punctus in O videbitur. Et N per X ad A venit, extenditur A X, peruenit in Y, & N videbitur in Y. Sic M per Z venit ad A, extenditur A Z in †, & punctus M erit †. Extensis lineis per puncta F R S L, & L † Y O videbitur planus discus D H I L M N E, obliquus F R S L † Y O, & quia maior linea F L ipsa D L, & O L ipsa L E, videbitur maior & concauus.

*Ex refractione sub aquis omnia maiora sua forma videri. Prop. XI.*


**A**LTERA erit refractionis fallacia, quòd omnia, quæ sub aquis videntur, maiora videntur. Sed quia maiores nostri



stri multipliciter falsi sunt, priusquā veritatem aggrediamur, eorum opiniones ad stateram expendemus. Aristoteles in Problematis, Euro spirante omnia maiora videri dixit, quòd eo flatu aer obscurior, & caliginosissimus reddatur. Idemq; in Meteoris dixit. Sed ratio reddenda erat, cur in aere obscuro, & caliginoso omnia maiora viderentur. Ptolemæus in Almagesto, & Alfraganus Solem & Lunam cæterosq; erroneos in oriente, occidenteq; maiores videri ex vaporibus, & humiditatibus: ut post pluuias in diebus hyemalibus inter visum & sydera intercedentibus, immo quanto clarior, & profundior, ubi mersa sunt, maiora cōspici. Aphrodisiensis pomum sub aqua maius videri dicit, quoniam aqua submerso adhærens corpori, eadem afficitur qualitate & colore, quo oculū fallit quasi corpus amplius sit, quum vndique aqua contineatur. Et hac eadem ratione Solem, Lunam, cæterosq; erroneos, quum vel exoriuntur, vel occidunt, ampliores videri. Sed si ex accessione aquæ pomum videtur maius, peto cur non videtur quantum vas illud capit? Seneca ait omnia per aquam videri longè maiora, sic & poma per vitrum aspicientibus. Literas quamuis minutas, & obscuras per vitream pilam aqua plenam maiores, clarioresq; cerni, & poma formosiora vino innatantia, sydera ampliora per nubem. Rationem addit. Quia acies nostra in humido labitur, nec apprehendere multo fideliter potest, quod manifestum fiet, si poculum adimpleueris aqua, & in id conieceris annulum, nam quū in ipso fundo iacet annulus, facies eius summo aquæ redditur, quicquid videtur per humorē, longè amplius vero est, quid mirum videri maiorem Solis imaginem, quæ in nube humida visitur? quòd duabus de causis id accadat, quia in nube est aliquid vitro simile, quod potest pellucere, & est aliquid aquæ, quam si non dum habet, tamen iam apparet eius natura, in quam extra vertatur. Sed Seneca mathematicam artem ignorans, quid dicat, nō capit. Dicit quòd acies nostra labitur in aquis, nec rem certam comprehendere potest, cur igitur si veritatem comprehendere nequit, omnia minora non videt? Sed cur sub vitro, & aquis maiora videantur, aliam quoque habet rationem, ex rotunda vasis forma, quam reddemus, quum de vitrea pila loquemur. Macrobius hanc opinionem dilucidius aperit. In aqua simul achra maiora videri, quod genus apud propinatores ple-  
raque




raque scitamentorum cernimus proposita ampliora specie, quam corpore. Quippe videmus in doliolis vitreis aqua plenis, & oua globis maioribus, & iecuscula fibris tumidioribus, & beluas spiris ingentibus. Et omnino ipsum videre, qua nobis ratione constet, quia solent de hoc nonnulli nec vera, nec verisimilia sentire. Aqua est densior aeris tenuitate, & ideo eam cunctatior visus penetrat, cuius offensa percussa videndi acies scinditur, & in se recurrit. Scissa dum redit, iam non directo ictu, sed vndique versum incurrit lineamenta simulachri, & sic fit, ut videatur imago archetypo suo grandior. Nam & Solis orbis matutinus solito nobis maior apparet, quia interiacet inter nos & ipsum aer, adhuc de nocte roscidus, & grandescit imago eius tanquam in aquæ speculo visatur. Sed hæc magis erronea sunt. Inquit enim, quod quum aquæ densius aere corpus sit, ab eius densitate nostra acies refringitur, & in nos denuo recurrit, & dum reddit in se, non directo ictu, sed vndique ad nos refert simulachrum. Errat quod visum per extramissionem fieri putat, & radios a corporibus diaphanis reflecti, quod non nisi à politis, dēsisq; corporibus euenit. Ptolemæus in suis Opticis rationem huius rei assignat, quam Theon in commentarijs Almagesti, Alhazen, Vitellio, & ceteri sequuntur. Assumit enim pro principio. Quæ sub maioribus angulis videntur, maiora videntur. Et si hoc in simplici visione minus verum, ut videbimus, multo minus in refractione verum apparet. Est ergo sua ratio.



Sit vasculum aqua plenum D E B C, sit oculus perpendicularis

ris in A, res visa in fundo vasis B C, aer in loco A D P H E. Punctus B peruenit ad oculum A, refrangitur ab aquæ superficie per punctum P. Sic punctus C per H peruenit ad A, extenditur A P vsq; ad L in rectum, & A H in K, trahaturq; L K, igitur L K est forma rei visæ B C. Videtur verè, & non fractè B C per lineas A B, A C, per refractas verò A L, A K, quia maior est angulus L A K, ipso B A C, igitur maior videbitur ipsa L K ipsa B C. Sed hoc falsum est. Quia B, vt diximus, videtur in puncto L, & C in puncto K, & K L non est maior ipsa B E, quia D B, & C E, perpendiculares sunt, & L K, B C æquidistantes. Et contra eius rationem adest experientia, quia res in fundo perpendiculariter inspecta modica maior non videtur. Et si aliquanto maior videtur, non sua ratione, sed longè subtiliori in rebus magnis, vt diximus. Sed falsam quoque eius rationem alia demonstratione confutabimus.




Sit semicirculus F A G M N, diuidatur bifariam per A Q, & quartæ eius F Q, Q G diuidâtur, rursusque per medium in R, & I, & erit angulus I A R rectus. Diuidantur denuo partes I Q, & Q R bifariam in M, & N, erit angulus M A N semirectus.

Ex



Ex puncto Q extendatur linea D E æquidistans F G, extendaturq; linea A I, vsque ad P, & A R vsque ad H, mox extendantur lineæ A M, A N in profundum infra, quousque pertranseant puncta P H perpendiculariter descendentiæ, & sit in B, & C, erigatur mox ex B C perpendiculares ad D E, & extendatur A P in L, & A H in K, & copulentur puncta L K, linea L K, & à puncto P, & H extendantur rectæ B P, H C. Dico si in hoc casu linea visa erit B C, in vasis fundo iacens, vas B D E C, & per lineas B P, & C H refrangerentur ad oculum H A, & P A, extendanturq; A P, in L & A H in K, videri deberet L K duplo maior ipsa B C, quia angulus L A K duplo maior est ipsa B A C. Nos demonstrationem ad id indicandum concinnauius, sed quomodo eueniet, nunquã ad refractum angulum respondebit anguli directæ visionis proportio. Sed cur res oblique in aquis inspecta per refractionem maior videatur, demonstrationem meam afferam, qua satis mihi ipsi facio. Quia rem in fundo iacentẽ rectam ex vno capite eleuatam cõspicimus ex refractione, obliqua diameter maior est recta, cui si orbis circumducatur multo maior erit. Exemplum.



Infundatur in peluim CDEFGH aqua, projectus nummus, vel pomum in fundo vasis iacẽs sit I L, cuius diameter I L, perueniat L ad aquæ superficiem Q B P R &, ex P refrangatur ad oculum, extendatur A P in rectum, & ascendat cathetus ex L, coincidet cum A P extensa in puncto N, & punctus L videbitur



bitur in L. Eodem modo I veniet ad aquæ superficiem in B, refrangatur in A, extendatur in rectum cathetus ex I, quousque occurrerit cum linea AB, & coibunt in M, copulentur puncta MN, per lineam MN, & eiusmodi diametro circumducatur circulus, qui maior erit circulo IL. Cuius ratio est. Quia inter duas æquidistantes MI, NL diameter IL rectè iacet, MN verò obliquè, sit æquidistans ipsi IL ipsa ON, & ex M trahatur MO, angulus MON rectus est, quia in semicirculo, potentia ergo ON, & OM æqualis est ipsi MN, ON æqualis est ipsi IL, ergo potentia MN superabit potentiam ipsius ON per ipsam MO. Igitur MN ipsa IL maior erit.


*Sydera maiora in Oriente, & Occidente videri quàm cœli medio.*

*Prop.*

*XII.*

**A**RISTOTELES, vt diximus, dicebat, quòd astra orientia, & occumbentia, magis quàm in medio cœli existentia maiora videbantur. Rogerius Bacchon ex Ptolemæo dicit, ideo maiora videri orientia occidètiaq; sydera, quia orientia longiori interuallo videre putantur: nam quum visus per terræ superficiem feratur, & videat montes, turres, & ciuitates intercedentes, distàtia maior iudicatur, secus autem in cœli medio, nam quum nullum adsit impedimentum, propinquiora putantur. Iudicant enim Philosophi distantias ex intersitis rebus, sed quæ longiora putantur, & maiora videntur multo maiora sunt re ipsa. Hanc eandè causam Cardanus vsurpat in suis subtilitatibus, sed nescio quibus principijs hæc innitantur, homo putat plus distare, ergo maiora ei videntur. Nos autem quæ æqualia sunt, & alia alijs plus distare videmus, remotiora minora & videmus & existimamus. Alij sunt qui dicant, aciem nostram in visione fatigari per densius medium illabentem, & quemadmodum qui titubant plus occupant spatij, sic titubans acies videt maiora. Alij verò. Sicut aqua diffunditur solidi corporis obiectione, ita species exiens, atq; in actum deducta per lucem, vbi in tenui aere nihil occurrit, æqualis sibi prodit, vbi verò quid sese opponit crassius, quasi retunditur, atq; propterea dilatatur, veluti fit in aqua, à cuius deinde superficie pingitur

gitur aer eadem, qua se in eam intulit quātitate. Sed vera causa est mediij densitas, vbicunque enim aer fuerit hebetior inter visum & astra, semper eorum species crassior videbitur, ratioq; ex præcedenti pendet. Sed ne rudi fide oculis credas, sic ad demonstrationem procedemus.



Sit terræ globus D A E, oculus eius in superficie situs A, sit densitas mediij aeris hebetioris inter oculū & stellam L M, ipsa sphaera F I G H, horizon B A H C stellæ diameter L M. Punctus M venit ad I, refrangitur ad A, extenditur in O. Eodem modo punctus L venit ad G, frangitur ad oculum A, extēditur A G in N. Ascendat cathetus ex M Q P centro occurret ipsi A in O, ergo punctus M videbitur in O, ex præcedenti.


*Altitudines in aquis per refractionem breuiores videntur.*

Prop. XIII.

**P**ROFVND A aqua inspecta, semper fundū sublimius videbitur, quum præcipuè ex obliquo conspicitur, & id in causa fuit, vt multi viri submergerentur, nam ex inspectione ipsis videre videbatur, quòd vix guttur, aut pectus attingeret altitudo, at in ipsis projectis multo ipsis altiores aquas fuisse experti sunt. Si quis igitur id clariùs conspiciere velit, dimittat lignum, vel columnam in aquis, cuius dimidium super aquam

D emineat

emineat, & elongetur ab ea, duplo enim ferè maior superextās pars ipsa merfa videbitur. Cuius causa est, quòd punctus imæ partis ad oculos veniens, sublimior videbitur, vt in subiecta figura patet.



Sit cisterna, vel lacusculus G D E F G H, columnæ aquæ submersæ pars L M, pars ima M, super aquas superextans pars altera L I æqualis. Pars ima M occurrens aquæ superficiei B, declinat ad oculum A, & oculo insinuatur. Occursans radius B A fractus dirigatur in rectum perueniet in N, vnde M, punctus in N videbitur, & quantitas M N te latebit: longior igitur pars I L videbitur, quam L N. Sed Cardanus in subtilitatibus docet profundum marismetiri, ex huius ignorantia ineptè fallitur.

---


*Ex refractione res tardiùs moueri videbitur.*

*Prop. XIII.*

**H** A E C est & altera visus fallacia ex superiori dependens: nam stellæ, quæ super horizonta mouentur, tardiùs ire videntur, quàm quæ in cœli medio. Cuius causa est, quòd duo motores æquales, qui per inæquale spatium mouentur, vt alter breuiùs, alter longiùs progressurus sit, & vterq; æquali tempore motum absoluturus, qui per breuius spatium se mouebit tardiùs ire creditur, quàm qui per longiùs. Rei exēplū erit.

Sit





Sit surgens astrum M, eadem terræ circumferentia DAE. Denſiorumq; vaporum FGL, idem oculus A, ac terræ horizon BAH, perueniat ad circulum FGL ipsa MG, & refrangetur ad oculum A, tunc oculus A videt astrū in linea AGN, vbi scilicet coibit cum ascendente catheto CMN, spatium ergo motus erit MN, breuius ipso vero : tardiùs ergo per spatium illud ire putabitur.


---

*Magnitudo obliqua partim infra aquam, partim supra existens, ex refractione refracta videbitur. Prop. XV.*

**V**ITRUVIUS de ædificiorum proportionibus loquens, docet quòd in nauibus remi, quum sint sub aqua directi, tamen oculis infracti videntur ; & quatenus eorum partes tangunt summam planitiem liquoris, apparent (vti sunt) directi, quum verò sub aqua sunt demissi, per naturæ perlucidam raritatem, remittunt enatantes ab suis corporibus fluentes imagines ad summam aquæ planitiem, atq; ibi commotæ efficere videntur infractum remorum oculis aspectum. Hoc autem, siue simulachrorum impulsu, seu radiorum ex oculis effusionibus (vt physicis placet) videamus, vtraq; ratione videtur ita esse, vti falsa iudicia oculorum habeat aspectus. Sed falsum est id, quia species merſi remi non ad aquæ superficiem summam suā

D 2 imagi-

imaginem mittit, sed infra aquam est. Alij sunt, qui remi fractam speciem dicunt. Sed hoc etiam falsum, nam species duæ sunt, & quæ ab aere, & quæ ab aqua. Sed ratio est quòd remi pars sub aquismersa propinquior superficies aquæ apparet, quàm sit verè, at pars ea extra aquam, suo loco videtur, igitur duæ istæ partes in continuum directæ apparere non possunt, videntur ergo fractæ. Veritatem lineis explanabimus.




Sit aquæ summum  $FBCDE$ , baculus semimmerſus  $GBH$ , super aquam pars extans  $GB$ , sub aquis  $BH$ , imum baculi pũctum  $H$ , veniat ad aquæ superficiem ad  $A$  oculum per  $D$ , extendatur  $AD$  in rectum in  $M$ , & eleuetur cathetus  $HM$  ab  $H$ , & occurrat  $AD$  in  $M$ , punctus ergo  $H$  erit  $M$ . Sit altera pars baculi in medio  $I$ , venit ad aquæ superficiem per  $IC$  ad oculum  $A$ , per  $CA$ , extendatur in rectum in  $L$ , & eleuetur cathetus ab  $I$ , & occurret in  $L$ , igitur punctus  $I$  videbitur in  $L$ . Continuentur ergo partes  $MLB$ , erit pars sub aquis  $MLB$ , & sublimior videtur ipsa  $HIB$ , non continuatur in directum cum ipsa  $BG$ , ergo fracta in  $B$  apparebit.

---

*Vasa aquis semiplena fundum minus ostendunt. Prop. XVI.*

**S**VNT apud nos vasa quædam ex semidolijs confecta, ad diuersos agricolarum vsus parata, quorum laterales costæ in summo

summo latiusculæ, in imo arctiores, vt commodiùs ligneis circulis constringi possint. Hæc eadem interdum aquis semiplena, fundum minus, quàm sit, ostendunt. Ratio est, quòd latera, quæ obliquè in aquam merguntur, pars immersa sublimior videtur, & infracta, infractio ad centrum vergit, vt diximus, quum igitur imæ partes & sublimiores, & in centrum còcurrentes videantur, fundum arctius ostendunt. Exemplum.



Sic vas A B C D, aqua semiplenum vsque ad E F G, & pars eius G M E F infra sit aqua plena, sitq; vna eius costa E M H, & E M extra aquam M H infra, igitur M H sublimior videbitur, & fundum ex hoc coarctabitur, & sic de cæteris intelligendum. Clarius loquemur. Sit aqua M F E, oculus A, latus obliquum semisubmersum E M G H, sit E M supra aquã, M H sub aqua H videbitur in L, G in I sublimus, magis ergo inclinatum latus M H sub aqua, eo supra aquam M E, magis obliquum, & minus.


---

*Quæ longè in aquosis locis conspiciuntur, ex refractione profundius mergi videntur. Prop. XVII.*

**I**N aquosis locis, palustribus, fluminibus, & mari è longinquo conspecta omnia, humiliora, & quasi profundius mersa conspiciuntur. Huius rei naturalem causam reddere curantes, vt author sphaeræ, his probant aquæ sphaericitatem indicijs. Vt  
si quis




fi quis abeuntis naus signum in puppi ponat, vbi non procul abierit, huius signi diligētius visuro aufertur obtutus, & huius causam esse aquæ tumorem. Sed miror profectò istius viri rationem: quum in tam vasta mundi magnitudine viginti, aut triginta millia .p. impedire possint naus visum, sed eius causa est medijs densitas, in qua naus est, ex eo nanq; vapores continuo eleuantur, vt roscidum aerem reddant, vt naus ferè sub aquis videatur. Exemplum apponemus.



Sit naus altitudo A B, supra maris superficiem C F B, sit ro-  
scidus & vaporosus aer E O F A B, tenuis verò E O F G H C,  
vbi oculus I, à puppis signo A veniat linea A O, & si in longum  
produceretur veniret in G. Punctus refractionis O, ducatur per  
perpendicularis super superficiem terminantem vtrumq; medium  
E O F, & sit perpendicularis H O L, declinabit igitur à perpen-  
dulari ad oculum, scilicet recedet ab O G, & veniet ad O I ad  
oculum existentem in I, extendatur I O veniet ad B, summitas  
ergo puppis naus A, videbitur in B, maris ima superficie. Con-  
sultus igitur Ptolemæus in primo Almagesti, non signum locat  
in naui, & minima eius elongatione, sed ad quæcumq; locum na-  
uigantes accedant, paulatim eorum magnitudines augeri viden-  
tur, quasi ab ipso mari emergentes, quæ antea ob nimiam  
longitudinem submersa videbantur. Diximus quoq; in 13. prop.  
omnia in aquis breuiora videri. Posset & aliquis dicere, quòd  
densius medium de facili visum impedit; vt rectè naus videri  
possit. Vel quòd vndarum motus circa nauim intercipit visua-  
lem lineam, quæ & si circa nauem pauca, sub tollitur ad ocu-  
lum longè existentem.

*Sub aquis existenti omnia quæ sub aquis sunt contrafactè videntur, vt in aere sub aquis afficienti.* Prop. XV III.

**S** V B mari degentibus eadem illa accidentia eueniunt, quæ si in aere steterint, & sub aquis aspexerint. Causa, vt videre videtur, est nostri oculi albugo, quæ a deò tenuis & pellucida est, & marina aqua hebes, turbidaq; , vt humor ille aeris vicem, & marina aqua communis aquæ sustinere videatur, vt latius postea explanabimus. Lineis clariora hæc reddemus.




Sit oculus sub aquis existens I H G, mare autem infra A C D pars lineæ A D, veniat ad oculum A B, penetrat irrefracta, suo loco videtur. C venit per pupillam H, transiret in E si rectè procederet, sed quia ex densiori ad tenuius venit, fugit à perpendiculari per B H, & refrāgitur in H F, extendatur H F, peruenit in D, igitur pars A C, videbitur C D, scilicet maior.

*In librationibus locorum accidit fallacia ex refractione.*

Prop. XV I I I I.

**D** V M aqueductus struuntur, è longinquo libratur planities, vt inter sexagenos, aut cētenos pedes in sesquipedem sensim inclinetur structura, vt vim currendi habere possit aqua. Librantur autem loca dioptris, aquarijs libris, aut chorobate, & quia summo mane plerunque opus aggrediuntur operarij, in caliginoso aere, & adhuc roscido, dum ex pinnacidijs transmittitur acies in densiori medio, quasi sub aquis existenti, regulæ & foramina, vti non suo loco visa, aliam atque aliam demonstrabunt

strabunt visionis lineam, & facillimè error committitur, vt in superiori vidimus. Exemplum.



Sit regula C B, pinnacidia A O, oculus I, librationis linea A O, progrediens in oculum, quasi in tenuius, vel si in medio denfiori fuerit, A O linea visus altiùs progreditur in oculum I, vnde quum I O radius extenditur, veniet infra in B, non in suum locum, sed inferiorem. Falluntur ergo qui manè aere caliginoso, & adhuc roscido eiusmodi instrumenta exercent, vt multoties sum expertus.

*Refractione debilitari luces, & colores. Prop. XX.*

**R**EFRACTIONE luces & colores debilitantur, de ijs loquendo, qui sub aquis respiciuntur, nam excoloratiores, & obscuriores videntur, quod passim clarè patet experimento. Immo si sub turbidis aquis aliqua conspiciantur, tene brofiora videntur. Nubes, quæ per lacus videntur, qui ferè semper turbidi sunt, obscuriq; , turbidiores, obscurioresq; nostris oculis offeruntur. Idem Seneca docet. Quoties defectionem Solis volumus deprehendere, ponimus pelues, quas aut oleo, aut pice implemus, quia pinguis humor minus facile turbatur, & ideo quas recipit imagines, seruat. Apparere autem imagines non possunt, nisi in liquido, & immoto. Tunc solemus notare quemadmodum se Luna Soli opponat, aut illum tanto maiorem subiecto corpore abscondat, stellæ in aere claro videntur splendentes, & claræ, vnde ex his apparet prognosticon tempestatis: nam quando obscuræ sunt, medium densum, roscidumq; & aquosum prædicunt, claræ verò serenitatem, & Boream spirantem. Aratus de coloribus Lunæ loquens.

*Prospice vel plenam, vel prospice dimidiatam,  
Aut hanc crescentem, aut ad cornu rursus euntem,  
Mensis cuiusvis atque excipe signa colore.*

*Si pura*



*Si pura omnino fuerit, tu crede serenum  
Venturum tempus, ventos, si plena rubore:  
Si nigrans, pluuias ruituras æthere ab alto. &c.*

*Commoto medio ex refractione res moueri videntur. Prop. XXI.*

**D**E stellarum scintillatione disquirentes maiores nostri, multipliciter falsi sunt. Aristoteles dicit stellas fixas scintillare, & Solem orientem, occidentemq; , atque id euenire ex maxima distantia, nam visus ad sydera vsque porrectus nutat, caligatq; , vnde scintillatio ipsa causatur, nam planetis non contingit propter propinquitatem. Sed hoc falsum: nam Venus, Mercurius, & Mars scintillant, & si non ita euidenter, vt stellæ fixæ. Præterea oculi facultatem ad stellas ferri affirmat: quod est quoq; falsum. Et si ex distantia fuerit, cur Saturnus non ita scintillat, quâ octauæ sphaeræ propinquior fuerit, & præ cæteris minus scintillet? Alij sunt qui scintillationis causam stellarum fixarum rapidæ celeritati ascribant. Sed id coarguitur falsum, quod stellæ, quæ iuxta polos sunt, tardiùs moueantur, & tamen vt illæ, quæ in æquinoctiali sunt, scintillant. Vel fortasse triplex octauæ, & multiplex planetarum motus, quippe diuersis motibus mouetur, ad dextrum, sinistrum, sursum, deorsumq; , in varijs axibus titubare, tripudiareq; videntur, quum titubatio, & tremor ex contrarijs motibus gigni videantur. Cantuariensis scribit causam esse, quod stellæ vices speculorum obtineant, & radios Solis reflectant, & quum cœlestia corpora continuò moueantur, angulus incidentiæ varietur. Sic & reflexionis, hæc igitur variatio facit quandam vibrationis speciẽ. Nos autem causam medio ascribemus, quippe semper ventis obturbatur, & inconstans est, quodq; nubes densas, & roridos vapores excipiat, facitq; vt lineæ, quæ ad oculos perueniunt, hinc inde moueantur, & varia iaculatione oculos verberent, & quâto lōgiùs distant, plus lineæ refractionum longiùs, & notabiliùs mouentur. Id conspiciere licet in lapillis fluuiorum fundo iacentibus, qui ob rapidum superfluentis aquæ motum tremere videntur. Aqua Sole percussa, & mota, quò longiùs lumen iaculatur, eò latiùs, crebriùsq; mouetur, in proximis locis mi-

E nus.

nus. Stellæ quo maiores clariùs, & magis scintillare videntur, vt Venus, & stellæ primæ magnitudinis. Accedit ad hoc quòd ascendentes, & descendentes stellæ magis lumen vibrant, quia ibi crassiores vapores, rorulentiores, crassioresq;. Idem euenit quo venti strenuiùs perflant, magis stellæ crispant lumen, immo ex eo prognostica ventorum cognoscuntur: nam ea cœli parte, qua plus tremere videntur, & plus radios suos stellæ mouent, & tremulæ aerem quatiunt, ex ea parte venti venient, & perflant. Extat etiam experimentum in nostra naturali Magia stellæ per fumum visæ moueri videntur.

---

*Ex refractione Solis radij in vicinia lucis & vmbre tremere videntur.*

*Prop. XXII.*

**A**RISTOTELES in problematibus quærit, cur extremum vmbre tremere videatur? Vel quia Sol rapidissimè fertur? Sed hoc falsum: nam tremor est motus in cōtrarias partes, & Sol non ita mouetur. Vel quia mouentur corpuscula in aere, vt atomi, transmeantes enim per fenestras modò de vmbra in lucem, modò de luce in vmbra mouentur assiduè, vnde terminus lucis & vmbre communis continuò moueri videtur, quum non hæc, sed illa hunc in modum soleant agitari? Sed hoc falsum est: nam mundo in loco, vbi atomus nulla, aut vix paucæ etiam vmbrae confinia mouentur. Sed vera causa est mediij motus, quod varijs, diuersisq; vaporibus repletum, vt diximus in superioribus, figuram omnem disturbat: aer enim qui rapitur non dat potestatem, vt confinia rectè possint conspici.







# LIBER SECVNDVS.



## PROOEMIUM.

**D**E refractione iam visum est in precedenti libro, subnectam speculationes quasdam de crystallina pila, scilicet quomodo solares radij in extimam eius superficiem proruentes suis statis locis refrangantur: ab antiquis enim præcisè neq; loca, neq; rationes memoratæ sunt. Hæc enim pila oculi specimen refert, nec verà à nobis loca visionum in oculis decerni possunt, nisi de ea paucula quædam præstrinxerimus, sic de visione sermonem absoluemus. Sed quia pile refractionis reciprocatione, et conuenientiam quandam cum cõcaui speculi reflexione habet, ideo de eius reflexione nonnihil attingemus, mox ad ea, quæ polliciti sumus, reuertemur: perpulchra etiam ad ignis accensionem ostensuri. Sed aliqua sunt nobis subroganda ab omnibus Perspectivæ authoribus accepta. Solis radios aliquos ab eo emergentes sibi inuicem parallelos esse. Præterea radios veluti rectas lineas




*se habere, & in geometricis demōstrationibus eam vim, quam mathematica lineæ habent retinere. Etiam solares radios in conuexam, concauam, aut planam speculorum superficiē incidētes, semper incidētiae angulos reflexionis æquales efficere. Iisq; acceptis iam negotiū auspicemur.*

*Vera loca reflexionum solaris radij in speculo concavo sphærico refigare. Prop. I.*

**R**EFRACTIONVM loca in crySTALLINA sphæra exploraturis, consultius visum est, vera loca in concavo speculo sphærico determinare. Vnde de ijs ordine referemus.


*Solis radius in speculo concavo sphærico tangens latus exagoni, reflectitur ad diametri calcem.*



Sit concuum speculum, D A B C, & linea A B exprimat Solis radium B punctum tangentem, circuli sextantem à diametri fine D C, dico reflecti ad circuli diametri calcem C. Porrigatur linea ex E ad B, & ex B ad C. Quoniam triangulus E B C, parium est laterū, per ea, quæ in 4. Euclidis libro ostensa sunt, angulus C E B par erit angulo E B C, sed angulus C E B par est ei, qui sub E B A, quia subalternus (nam incidentes solares radij cum speculi diametro in pari distantia mutuò supponuntur) ergo C B E angulo E B A æqualis erit, & linea B C erit linea reflexionis, quia pares sunt anguli incidentiæ & reflexionis.


*In re-*

*In reflexionibus speculorum concauorum sphaericorum radius reflexus  
semper est æqualis diametri parti interceptæ à circuli  
centro, & vtriusq; concursu.*



Esto Sphaericum concauum speculum CFBA, radius Solis incidens AB, feriat punctum B, reflectatur ad diametri punctum E, dico lineam reflexionis EB, semper esse æqualem lineæ DE, scilicet interceptæ inter centrum D circuli, & E contactum lineæ reflexionis. Quoniam in reflexionibus speculorum semper incidētix angulus ABD reflexionibus angulo æqualis est, & angulus ABD, æqualis EDB, quia subalternus, ergo angulus EDB, æqualis est sēper angulo DBE, & æqualibus angulis æquales bases oppositæ sunt, igitur semper reflexionis linea BE par erit semidiametri parti à cētro ad vtriusq; cōtactum E.


*In reflexionibus speculorum concauorum, radius Solis incidens super latus octogoni, reflexus cadit super diametrum perpendiculariter.*



Esto

Esto Solis radius AB, tangens punctū B speculi concaui, distantem à diametri fine F per octauam circuli partem, dico radium B E reflexum super semidiametrum D F esse perpendicularem. A centro D extendito lineas ad puncta A B, & à puncto B, fiat angulus D B E æqualis angulo D B A, & extendatur B E, quousq; coeat cum semidiametro in E. Quoniam angulus B D A rectus est (quia quadrati diametri in centro ad rectos angulos decussantur) & D A, D B æquales sunt, ergo anguli ad A, & B, æquales sunt, & semirecti, & D B E æqualis est D B A, quia reflexionis, ergo semirectus, & semirectus quoq; E D B, quia subalternus D B A; remanet ergo D E B rectus per ea, quæ constituunt ternos trianguli angulos binis rectis æquales, ergo B E, perpendicularis.

*In reflexionibus speculorum concauorum sphaericorum Solis radius quanto sub latere exagoni inferius incidit, tanto supra à diametri fine reflectitur.*




Quanto enim radius Solis incidens sub latere exagoni inferius tetigerit, tanto reflexus radius à diametri fine supra ascenderit: cuius ratio est, quòd incidens radius quanto magis diametro hærebit, semidiameter ex centro tangens punctum incidentiæ, & diuidens vtrinq; angulum incidentiæ, & reflexionis, tanto magis anguli angustabuntur, & reflexus radius supra ascendit. Esto incidens radius A B, tangens punctum B, latus videlicet duodecagoni, trahatur diameter D B, & à puncto B, fiat



fiat angulus DBE, æquali D B A, dico lineam B E ascendere supra latus octogoni, quod erat perpendiculare supra D F. Angulus reflexus exagoni erat  $\frac{2}{3}$  duodecagoni verò  $\frac{1}{3}$  scilicet dimidium, sic octogoni  $\frac{1}{2}$  sedecagoni verò  $\frac{1}{4}$  & sic angulorum cuspides semper angustabuntur.


*In reflexionibus speculorum concauorum reflexionis linea non ascendet vltra quartam diametri.*



Esto speculum C A B, incidens radius Solis A B, reflectatur in E, dico E esse infra quartam partem diametri, nec vnquam posse vltra quartam diametri partem ascendere. Cuius ratio ex superioribus patet. Diximus enim quòd reflexionis linea EB semper est æqualis diametri parti à centro ad vtriusq; concursum, si reflexionis linea vltra quartam diametri partem ascenderet, nunquam esse posset æqualis illi diametri parti à centro ad vtriusq; concursum, nõ igitur vltra ascendet. Hinc est quòd in concauis rotundis speculis incensiones non fiunt vltra diametri quartam, nam puncta incidentiæ infra exagoni latus à circuli axe circumuoluta, circulos describent in speculi superficie, à quibus lineæ reflexæ in diametri quarta concurrunt, quarum concursu incensiones fiunt. Hinc patet multorum, & Euclidis error, qui in sua catoptrica in circuli centro incensiones fieri pronunciauerit, quod est falsum, & impossibile.


*In re-*

*In reflexionibus speculorum concauorum Solis radio feriente supra latus exagoni, linea reflexionis inferius vltra diametri finem cadet.*



Esto speculum concauum CEB, radius Solis AB, feriens B punctum, quod ab E per pentagoni latus distat, & est supra latus exagoni, dico lineam reflexionis BF cadere extra finem diametri CDE, vltra E, inferius in puncto F. Quoniam pentagoni angulus maior est exagoni angulo per ea, quæ probata sunt à Campano supra 12. primi Euclidis. latior igitur angulus vltra diametri finem reflexionis lineam iaculabitur. Hinc specula, quæ ex ea semicirculi parte parantur, quæ supra exagonum est, vltra speculi fundum incensionis punctum habent, vt libro naturalis Magiæ demonstraui.

*Dato incidentiæ puncto in speculis sphaericis concauis, punctum reflexionis in diametro reperire.*



Esto


Esto speculum concavum  $E B A C$ , punctus in circumferentia speculi  $B$ , volo reperire punctum reflexionis in diametro  $CE$ . Porrigatur ex centro circuli  $D$ , ad punctum incidentiæ  $B$ , linea  $DB$ , diuidatur per medium in puncto  $F$ , & ex  $F$  excitato perpendiculararem  $FE$ , & producito diametrum  $DE$  quousque coeat cum linea  $FE$ , dico in  $E$  esse punctum reflexionis, quia ibi  $FE$  diametrum decussabit. Quia duorum triangulorum anguli  $D F E$ , &  $E F B$ , æquales sunt, quia recti, & linea  $FD$ ,  $FB$  æquales, & anguli  $F D E$ ,  $F B E$ , æquales, ergo  $DE$ ,  $EB$ , æquales, & ubi duæ hæ lineæ concurrunt, ibi punctus reflexionis.

*Vera loca refractionis solaris radij in Sphæra crystallina reperire.*

*Prop. II.*

**A**D Solis refractiones in crystallina pila radiorum vestigandas, organico experimento vtemur, unde oportet primò eius structuram explicare. Crystallina, vel vitrea tabella paretur nitidæ perspicuitatis, pedalis longitudinis, latitudinisq; , & digitalis crassitudinis, quæ tota ex utraq; parte rota quam exquisitè expoliatur, læuigeturq; , mox circini ope rotundetur, atque exæquetur torno, marginibus rectis, integris æqualiter seruatis: eius extimæ superfici ei ministerio ad explorandas Solis radiorum refractiones vtemur. Supra tabulam ferreis anconibus firmetur, mox tabellula superponatur incisoris, vel foraminulis peruiis, solarium radiorum suscipiendorum gratia, cuius circuli quarta vna figurarum latera notentur, notulisq; insigniantur, è cuius regione tabellulæ foramina respondeant, & sic paratum erit instrumentum, quod Solis oppositum refractiones ostendet.





Esto sphaerica crystallina pila GHILMN, aut cylindri pars plana explanata, supra locata tabellula A F, exiguis foraminulis peruia A B C D E F, quæ radios Solis transmittat A G, B H, C I, D L, E M, F V. Exploraturus igitur Solis refractiones in crystallina pila, Soli tabulã eleuet, opponatq; donec radius Solis per A, transiens & per V centrum firmus, & irrefractus permeet in infinitum, & diametri vicem obtinebit.

Mox Solis radiũ per E foramen pertranseuntem scrupulosius obseruabit, nam M punctum sphaericae superficiei crystallinae feriet, & erit G M latus exagoni, refrangetur igitur radius E M ad diametri finem in puncto P E T, erit M P.

Deinde obseruabit radium C I, & erit punctus I, latus duodecagoni, scilicet latus G I, dimidium lateris exagoni, & re-  
fran-

frangetur eius radius infra latus exagoni, scilicet extra diametrum in puncto R, nam quantum in concavo speculo supra diametri calcem feriebat in semidiametro, tãtũm hic infra extra diametrum descendet.

Deinde obseruabimus DL, tangentẽ L, à puncto G latus octogoni, refrangetur eius radius ad Q punctum, scilicet L Q, & descendet infra punctum P, quantum diximus.


Mox radium obseruabimus B H, latus scilicet sexdecagoni, dimidium octogoni, & refrangetur ad punctum S, extra diametrum inferius, & quanto diametro propius hærebit, tanto inferius descendet, secundum quantitatem, quam diximus.

Postea obseruabimus radiũ FN, qui tanget pentagoni latus GN, & quia infra latus exagoni est, ideo supra finem diametri ascendet, contra quam obseruauimus in concavi speculi reflexionibus: ibi enim descendebat, hic verò ascendit, tantũmq; supra, quantum ibi descendebat, nisi vitri crassities vetuerit, nam ægriũs obseruabitur.

Sed hæc irregularitas hanc habet regulam, vt contraria sint ijs, quæ de speculo spherico diximus concavo, nam vbi in concavo ascendebant, hic descendunt, & vbi ibi descendabant, hic ascendũt; solum in vtroq; latus exagoni metã habet, nam vtrunque diametri finem ferit, cuius rationem assignat Aristoteles libro Mechanicorum concavum esse conuexo contrarium.

*Vera loca determinare refractionum Solaris radij in concava spherali superficie. Prop. III.*

**A**D hæc vestiganda prius crystallinum instrumentum comminiscar parare, in hunc nempe modum. Tabella crystallina paretur tantæ longitudinis, quanta opus erit, scilicet pedalis longitudinis, & per transversum latitudinis ferè semipedalis, crassitudinis digitalis, tota quæ exactissimè explanetur, vt parallelis sit superficiebus. In media longitudinis extremi marginis linea pes firmus circini statuatur, vagus circumducatur, donec in eius superficie designetur semicirculus, vndiq; relinquatur solidum digitalis magnitudinis, vt firmum, integrumq; permaneat instrumentum, inde rotis ex





cauetur semicirculus, vt latera ad rectum angulum excidantur, illæsis, & illibatis marginibus. Mox tabellam cupream, vel ligneam supra firmabis, vt crystallino incumbat, modicæ crassitudinis, sed tantæ longitudinis, quantæ instrumenti: modicæq; ab eo distet, & in tot exigua foramina perforaueris, quot volueris, vt solaribus radijs peruiû, expeditumq; iter præbeat. Hactenus parato instrumento extollatur Soli, qui per foramina illabens, tangat latera figurarû. Exemplum infra descripsi.

Esto instrumentum vitreum excauatum  $VXYZ$ , tabellula foraminibus laceßita  $ABCDE$ . Radij Solis refrangûtur in contrariam partem eorum, qui in circulo conuexo diuarcabantur, diximus enim conuexo contrarium concauum, radius ergo  $EL$  per centrum transiens circuli  $LIHGF$ , penetrat irrefractus  $EL$ .

Radius  $AF$ , illabens per  $A$  foramen tabellæ tangit circuli concavi punctum  $F$ , latus exagoni à puncto  $L$ , refrangitur ad finem diametri, vt diximus: ideo circulum appinximus  $MN$ , cuius diametri finem  $N$ , refractus radius ex  $F$  attingit.

Sic quoque radius  $CH$ , tangens punctum  $H$  latus duodecagoni, refrangitur ad punctum  $R$  extra diametrum, vt videtur in eius circulo  $QR$ .

Sic radius  $BG$ , latus octogoni tangens  $G$ , refrangitur ad punctum  $P$ , vt suo circulo apparet.

Eodemq; modo  $DI$ , latus sedecagoni ad punctum  $P$ .


Solus radius  $EL$ , transiens per circuli centrum, transit irrefractus in infinitum, vt diximus.

*Vera loca determinare refractionum Solaris radij egredientis ex concava sphaericali superficie. Prop. IIII.*

**S**I præfatum instrumentum Soli obuertes, voti compos fies, nam refractiones Solis ex superiori parte in concavam superficiem incidentes, & exeuntes experieris: ijsdem enim angulis, quibus ingrediuntur, egrediuntur, vt eiusmodi schemate videre est.

Esto instrumentum obuersum  $VXYZ$  Soli oppositum, & ex tabellæ foraminibus radij Solares ingrediantur, refrangantur.

Primus



Primus ex E foramine ingrediēs, per L R G irrefractus labitur.

Mox radius A F, ingrediens, tangit latus exagoni, quia ingrediens prius ad diametri calcem perrectabat, nunc in contrariam partem labitur, iisdem angulis, ex F enim in C labitur, & angulis T F S, æqualis fit angulo S F R.


Deinde obseruabis radium C H tangentem latus duodecagoni, & in contrariam partem pergit H N. Sic angulus N H M, æqualis erit N H L.

Mox obseruabis B G radium etiam tangentem latus octogoni, labiturq; in Q, & angulus Q G P, æqualis erit P G O.

Postremò radium Solis D I, latus sexdecagoni, labiturq; in H. Sic angulus H I K, æqualis erit K I O. Animaduertendo quòd radij D I, C H, B G, A F, irrefracti permeant, vsq; ad I H G F, quia perpendiculares.

*Vera loca determinare Solaris radij refractionis egredientis ex conuexa sphaerali superficie. Prop. V.*

**H**I anguli sunt æquales illis, qui ingrediebantur in superficiem vitream conuexam, attamen contrarij, nam radij, illi Solares in contrariam partem labuntur, vt videbimus in subiecto exemplo.



Esto tabella Soli opposita, & perforata A B C D E, semicirculus vitreus Soli oppositus F G H I L, cuius recta diameter Soli obuersa, circumferentia aduersa.

Pergat radius E L, transiens per semicirculi centrum, penetrat irrefractus.

Deinde A F tangens F punctum, latus exagoni à puncto L, non ab A ad F penetrat perpendiculariter, & irrefractus, deinde foras egrediens ex F, in contrariam partem labitur in R, quãdo enim superficiem tangebat connexam, veniebat per F Q, rectus radius F M, nunc labitur in R, & angulus Q F M, erit æqualis M F R.

Sic radius C H, tangit latus duodecagoni, in superficie conuexa veniebat per H T, nunc per H Y, & angulus D H O, æqualis est angulo O H Y.


Sic radius B G tangit latus octogoni, labitur in X, veniebat G S, & D I, latus sexdecagoni labitur in Z, veniebat enim per IV.

*Dato*



*Dato Solis radio circulum, vel pilam crystallinam tangente, punctum, vel lineam refractionis reperire. Prop. VI.*

**D**A T O Solis radio, vel re quapiam pilam crystallinam inuadente, quo pacto refractionis linea reperienda sit, in hunc modum indicamus.




Sit circulus A B F, cadat radius A B tangens circulū in B, volo scire vbi refrangatur. Sit circuli centrum E, & dato puncto E, & linea A B, ducatur linea, quæ æquidistans sit radio cadēti A B per 32 primi Euclidis, & erit E D F. Inuenta igitur diametro æquidistanti ipsi A B, metiatur, vt diximus quota pars erit circuli, & si erit sextans, cadet in F, videlicet diametri fine, sic & reliquos metiemur.

*Cathetus secans lineam deferentis formam inter punctum fractionis, & visum videbitur simulachrum, inter visum & punctum in aere pendulum. Prop. VII.*

**M**V L T I S modis variatur visus in pila crystallina, idest multis varijs in locis simulachrum rei videtur, idq; euenit ex varietate concursus lineæ deferentis imaginem cum catheto. Exemplum afferemus.


Sit res



Sit res visa C, cadat super pilam in B, refrangitur in E per secundam huius, egreditur per E A per quintā huius, vbi firmetur oculus, ducatur cathetus ex C per D circuli centrum, occurret lineæ refractionis in K, ibi igitur videbitur simulachrum luminis, vel alterius rei C, per 7. nostri libri primi, videbitur igitur inter oculum A, & punctum refractionis E, non sine admiratione. Sed Alhazen & Vitellio dicunt, quòd clarum non videbitur, quia non suo loco. Sed hoc falsum est, nam clarius videtur, quam suo loco.


---

*Catheto secante lineam deferentem formam in superficiem pilæ, ibi videbitur simulachrum. Prop. VIII.*




**E**ST O res visa C, tangat B pilæ superficiem, refrangitur in E, & ex E occurret oculo existenti in A, ducatur cathetus per C, & D circuli centrum, occurrit in E, in occurfus puncto, qui est in pilæ superficie, ibi videbitur simulachrum.

*Catheto secante lineam formam deferentem in centrum visus, ibi videbitur simulachrum.* Prop. VIII.



**E**ST O res visa C, accedit ad punctum B, transit per punctum E, venit ad oculum A, ducatur cathetus per C punctum, & D centrum, occurret lineæ EA in puncto A, vbi oculus, ibi igitur videbitur simulachrum.


*Cathet o æquidistante lineæ deferenti formam, simulachrum nusquam videbitur.* Prop. X.





**Q**VVM cathetus non concurrit cum refractionis linea, imago nusquā videtur, diximus enim vbi earum concursus, ibi & simulachrum. Exemplum erit. Esto res visa punctum C, accedit ad punctum B, refrangitur ad punctum E, inde relabitur ad F, ducatur ex puncto rei C cathetus, & per centrum D, erit C D A, quia C D A æquidistat E F, nunquam concursus fiet, nusquam ergo videbitur imago.


*Linea refractionis occurrens visui ante concursum cum catheto, apparebit imago post visum, nec videbitur, nisi caput retrocedat.* Prop. XI.



**E**STO res visa C, venit ad B, refrangitur ad E, & denuo refrangitur, venit ad A oculum, ducta catheto per rem visam & centrum pile D, nunquam occurret lineæ E A, quia prius à visu A intercipitur, non videbitur ergo imago: at retrocedente capite in concursu illarum in puncto F, videbitur in oculo.

*Superposita pila crystallina oculo, maior se ipsa videtur.*


*Prop. XII.*



**E**ST O crystallina pila A C D O I, opponatur oculo existenti in EN, perpendicularis radius MEBAH irrefractus penetrabit. Mox ex parte D veniat visio ad O, exeundo veniet ad N iuxta egredientem angulum ad oculum N, & refrangendo producet ad F, ducta catheto ex B pilæ centro per D, occurret N F in puncto F. Eodem modo punctus C veniet ad I, exeundo veniet ad E oculum, refrangetur ad G, ductaque catheto ex B C, occurret G, & punctus C videbitur in G. Idem ex alia parte faciêdo, multo maior erit circuitus H G F, quàm A C D.

*Magni-*

*Magnitudine tangente finem diametri, parum vel longè imago videbitur  
in pilæ superficie quemadmodum annularis. Prop. XIII.*




**H** A E C est præcedentis conuersa, vbi primùm erat oculus  
E N, hic magnitudo A B. Diximus enim quando radius  
incidebat in sextam partem. quòd in diametri fine frāgeretur,  
nunc autem contrā, quando diametri finem tangat, ad sextam  
circuli partem refrangi. Magnitudo A B C D, loco posita vbi  
omnes radij intra F M concidunt, sic ex ea procidentes radij ad  
oculum I, tota pilæ pars F A L M obscuro colore tingetur.

Signum quòd lineæ moueantur ex D ad E, & ex E ad F, & ex  
F ad




Fad I oculum, quòd tangendo partem D, magnitudinis tango  
 F punctum & tangendo B ipsum H. Ex altera parte A, veniet  
 ad F, & refrangetur ad I. Et quia vndique æqualis pila, vni-  
 formis erit refractionis, imagnetur ergo diametro fixa manen-  
 te, eò pilam circumduci, quousque ad locum suum redeat,  
 vnde discesserit, sic punctus F describit in pilæ superficie circu-  
 lum in MF, & punctus H circulū HL. Vnde circulus videbitur in  
 sphæræ circumferentiæ quantitatis magnitudinis rei oppositæ.  
 Cathetus ex N ducta non potest alibi occurrere nisi in punctis  
 refractionis, sic veniet ad oculum magnitudo, A B in formam  
 annuli, vel armillæ: videbitur quoq; directè eadem magnitudo  
 sine refractione suo loco.



*Recta linea per vitream pilam visa, curua conspicietur. Prop. XIII.*

**E**ST O recta linea videnda A B C D E F G, quia longior est quam possit tam prope videri per refractionem, inuertuntur puncta incidentiæ, vt se possint pilæ insinuari ad visionem. Sic punctus G venit ad K, refrangitur ad P per secundam huius, inde ad X oculum progreditur per quintam huius: trahatur cathetus ex G per M centrum, peruenit ad P, ibi igitur punctus G videbitur. Sic F venit ad L, mox refrāgitur ad Q, & ad oculum X venit, ducta catheto ex F per M, occurret in Q lineæ refractionis. Sic E videbitur in Q. Sic E ad R, ad X. Idem faciendum altera parte A B C putauius: & vdebūt in pūctis S T V, quū igitur linea in superficie sphære videbitur, necesse est curuā videri.



*Possunt vnus magnitudinis duæ, vel tres imagines videri in pila.*

*Prop. X V.*


**P**VNCTVS A per D venit ad F, per secundam huius, & ad H oculum sinistrum per quintam, cathetus ex centro L per oculum H fecat incidentiæ lineam in C, ibi videbitur pñctus A, nam clauso oculo H, perit punctus C, & A nusquã videtur. Idem euenit de puncto A, ad oculum dextrum I, videbiturq; in B, aliquando vterq; oculus etiam in A eundem punctum videt. Euenit & alio modo, vt dicemus, quando res vna duplicata videbitur.

*Magnitudo extra punctum inuersionis posita conuersa videbitur.*

*Prop. X VI.*

**P**VNCTVS inuersionis maximè in eiusmodi apparentijs vestigandus est, nam ex eo omnes varietates nascuntur, qui punctus ex varia oculi positione, & rei variatur: nam si oculus longè abierit, minuetur rei magnitudo, quia anguli refractionis angustantur. Idemq; eueniet magnitudinis remotione, contrarium eueniet vtriusq; rei accersione, nam anguli refractionum dilatantur. De omnibus exemplo asseremus.






Esto magnitudo opposita  $GF$ , pila  $BCELD$ , oculus  $A$ , non insinuabitur punctus  $F$  ad oculum, nisi vertatur ex sinistro ad dextrum: veniet ad  $D$ , & ex  $D$  refrangetur ad  $B$  per secundam huius, & egrediendo veniet ad oculum  $A$  per quintam. Eodem modo  $G$  ad  $E$ , mox ex  $E$  ad  $C$ , & demū ad oculū  $A$  cathetus ex  $F$  per  $M$  centrum occurret lineæ veniēti ad oculum in  $B$ , vbi vide-

G bitur

bitur punctus F Sic G ad C, & inuersa videbitur, est enim in-  
uersionis punctus L.


*Magnitudine, & oculo pilæ propinquis, recta videbitur, at recedente  
oculo obuertetur. Prop. XVII.*



**E**ST O primò oculus A, respiciat magnitudinem GH pro-  
pè pilam, & sit quoq; A oculus ex opposito propè pilam. Pū-  
ctus G insinuabitur oculo per E ex secunda, refrangitur in C, &  
egredietur ex C per quintam in A. Idem ex alia parte H per F  
perueniet ad D, & ex D in A. At elongetur oculus in B, G non  
insinuabitur oculo B nisi per O, & ex O refrangeretur in M, & ex  
Megre-

Megrediendo veniet ad B. Idem ex alia parte H per N perueniet ad H, & ex L ad B, inuertetur ergo in puncto I. H igitur sinistra pars videbitur in dextra, & G in dextra videbitur in sinistra, recta igitur in C D videbitur, obuersa verò in Q R, & H, ior. Imago in Q R non verè extra videtur, sed satis obscuratur, ubi sit, & fixè intuentibus ibi apparet.

*Magnitudo propinqua pilæ intra punctum inuersionis recta videbitur oculo & proximè, & longè seposito. Prop. XVIII.*




**E**ST O conspicienda magnitudo G H, adeò propè pilam, vt se oculis insinuando, inuerti haud possit. Veniat primò H  
H a per



per F per secundam refrangetur ad D, & per quintam ad A, ubi  
 inuenito oculo, videbitur recta. At seponatur oculus in B, idem  
 rectus H, vt se oculo insinuet veniet per O, refrangetur ad M,  
 etur ad B per decreta angularum egredientium, videbitur  
 Magnit. B oculo etiam recta, nec tam propè pilam inuerti valet.

*Oculus si propinquo, magnitudine, & proximè, & remotè posita semper recta videbitur. Sed remotior breuior videbitur.*

Prop. XVIII.




**I**NTRA punctum inuersionis oculo, vel magnitudine positis semper recta videbitur magnitudo. Nunc esto oculus p̄ proximus A magnitudo proximè posita O, P, insinuet se P per M, re-

M, refrāgatur ad F, per secundam, egrediatur ad A oculum per quintam ex altera parte, O per L veniat ad B, & inde ad A videbitur magnitudo O P recta, & punctis T V, ductis cathetis per centrum. Longè igitur se ponatur eadem magnitudo, & sit G H, veniet H, ad N, vt se oculo insinuet, refrāgitur in E, egrediatur ad A oculum. Sic ex altera parte G punctus per I veniat ad C, & ad oculum labatur A, etiam recta veniet, nec datur alter cursus præter illum, videbitur ergo magnitudo G H R S, oculo propinquior, sed breuior, ductis ex centro cathetis, quod de monstrare nitebamur.

*Quantò remotior erit magnitudo à pila, eò breuior conspicietur.*

Prop. XX.




SIT

**S**IT primò magnitudo  $QR$  pilæ proximior, & insinuans se oculo  $R$  per  $N$ , venit ad  $F$ , & mox ad  $A$  oculum, sic  $Q$  ad  $O$ , & ad  $H$  ad  $A$  oculum, tractis cathetis occurrent lineis deferētibus imaginem  $FA$ ,  $IA$  in punctis  $DE$ . Sit magnitudo remotior  $VX$ , veniat  $X$  ad  $M$ , mox ad  $G$ , inde ad oculum  $A$  &  $V$ , item ad  $P$ , mox ad  $H$ , demum ad oculum  $A$ , ducantur catheti ex  $VX$ , per  $L$  centrum occurrent lineis imaginem deferētibus ad oculum  $GA$ ,  $HA$ , in punctis  $BC$ , minor erit  $BC$  ipsa  $DE$ : quia quantò longior magnitudo abibit, tantò angustātur linearum anguli deferentium ad oculum simulachra, & angustius suis occurrent cathetis.

*Magnitudo obliquè pilæ veniens longè à suo loco, & aliter videtur.*

Prop. XXI.



**S**IT magnitudo triangularis  $EFD$ , veniens ad oculum  $A$ , & veniat obliquè, scilicet non ex opposito, punctus  $D$  venit ad  $G$ , refrangitur ad  $N$  per secundam, egreditur ad  $A$  per quintam, cathetus ex  $D$  & per  $O$  centrū secabit propè oculum in  $A$ , sic punctus  $E$  venit ad  $H$ , mox ad  $M$ , inde ad oculum  $A$ , cathetus secabit  $MA$  in pūcto  $C$ , demum  $F$  punctus venit ad  $I$ , & refrāgitur in  $L$  venit ad  $A$ , cathetus occurret ex  $F$  ipsi  $LA$  in  $B$ , vnde punctus  $F$  in  $B$  erit, sic  $BCA$ , &  $DEF$ , obuersus triangulus, vt promissimus.


*Pila*



*Pila crystallina Soli opposita ignem accendit propè pilam.*

*Trop. XXII.*

**R**A DII perpendiculares supremam extimam pilæ superficiem inuadentes, refranguntur, vt diximus, & egredientes etiam réfranguntur denuo, vnde decussantur propè pilam, in decussationibus igitur radiorum ibi concursus, & combustio. Exemplum damus.




Sint radij æquidistantes Solis extimam pilæ superficiem inuadentes A B C D E F G. Radij B F, qui latera egaxoni tangunt, refranguntur ad calcem diametri D I, per secundam, radij item A G, quia latera pentagoni tangunt, refranguntur intra pilam M N, & hi sunt inutiles combustioni, radij verò, qui intra B F omnes extra pilam incendunt foris, & ibi producunt incendium, vt radij C E percutientes latera duodecagoni refranguntur in L.

Cantuarenfis in hac propositione duplici errore notandus venit: putat enim radios à Solis centro progredientes supra pilam igne accendere, quod est falsum, nam à Solis perpendicularibus ignis excitatur: nam perpēdulares & ex centro eadē sunt. Præterea nec si à Sole orientur à centro radij, sequeretur propè pilam ignem accēdi, nam tam longè dimissi radij à Sole, etiam

etiam longissimè accenderent, quod est falsum, si vera sunt, quæ priùs probauimus.

Maximè errat Vitellio, qui putat Solis radios superficiem pilæ inuadentes perpendiculariter, refrangi ad cêtrum, & quia ibi experimentum videri nequit, optat sphæræ portionem semicirculo minorem, vt videret an in centro illius ignis excitetur, quod est falsissimû. In vniuerso enim opere suo quidquid ex se supra illud Alhazeni est, falsum ferè est, semicircularis sphæræ portio, vel minor accedit loco prope finem diametri, & ex secunda refractione paulo propinquius, non autem in centro, ratio ex his quæ priùs diximus, deducitur.

*Lumen eminus pila crystallina eiaculari. Prop. XXXIII.*



**R** AD II, vt diximus, decussantur singuli propè pilam retro in diametro, propius, & longius, diffundunturque à puncto illo, vt à centro ad circumferentiam. Si ibi igitur locetur candela ardens noctu, radij, qui à candela egrediuntur à centro ad circumferentiam, atque per pilam refringentes, paralleli euadunt, & longius lumen iaculabitur. Possumus & ibi concauû speculum accommodare, vt ignem non lumen iaculetur. Sed memento proportionis sphæræ & speculi. Radius C E decussatur in L, inde spargitur, si lumen ibi sparsum à centro iaculabitur perpendiculariter.





# LIBER TERTIVS.



## P R O O E M I V M.



*Refractione, eiusq; passionibus initio libri, pro nostri ingenij captu, vt decuit auspicati sumus, nunc antequam ad visionem accingamur, operapretiū visum est; oculorum constructionem, eorumq; munia aggredi: frustra enim alicuius rei cognitionē assequi tentamus, cuius partium cōstitutionem ignoramus, unde insimulandum, aut prætereundum non duximus. Sic ijs præcognitis ad vltiora gradatim ascēdemus, ne quid ad exactam visionis cognitionem deesse videretur. Quorum maiorum quæpiam correximus, alia de medio sustulimus, & nonnulla addidimus noua. Nunc rem aggrediamur.*

*Oculum quatuor tunicis, & tribus humoribus compaginatum.*

*Prop. I.*

**S** T V P E N D A, ac admirabilis oculi constructio hæc est. Oculus, vt è cōcaua caluarix ofsis sede exemptus est, exa-

I


ctæ



etæ sphæræ orbitam imitatur, & tuniculis, & humoribus simul compactus est. Extima eius tunica oculum obducens, & orbiculatim conuectiens dura est, & à dura substantia cerebri orta, Græci σκληρότην dixerunt, neoterici, barbarè quidem, consolidatiuam, quòd ossi oculum cōsolidet, vniatq; & vniuersa oculi constitutio præstantissimè consueatur. Hæc non sibi semper persimilis, nec simplici donata est nomine, sed posteriorem oculi sedem constituens, crassa est, quæ in anteriori ad pupillæ regionem peruenit, illic tenuis euadit, & in cornu faciē abit, non solum quod pelluciditate, verum quòd cornu instar dura in laminas desquametur, Græci κερατοειδής, nobis cornea dicitur: tenuis, vt cornu, ne eius crassitie præpediretur visus, dura, loricataq; vt si quid extrinsecus occurreretur expelleret, cum cuiq; oblationi obuia futura esset. Hæc in fine visorium neruum conuectit, & tandem se explicans, cerebrum, ex dura meninge ortum habet. Interna huius tunicæ superficies, tota ea sede, quæ non pellucet (qua scilicet oculi album ab nigro distinguitur) alteram tunicam ambit, ipsiq; ad cubat, quæ verò parte lucida cernitur, ab ea subducitur. Id ei peculiare accidit, quod mediam fenestruit pupilla, nam fenestram illam pupillam dicimus, comprimiturq; vsque ad acus tenuitatem, dilatatur verò vsque ad lentis magnitudinem, instar loculorū, vt lucis accessu, recessuue, commodius visibilibus se species insinuarent. Vniuersam hanc tunicam fuscendo quædam obnubilat, ne incertam aciem vagari sinat, qua parte corneæ substernitur, variè tingitur, glauca, nigra, cæsia, fuluaq;. Totam hanc tunicam à conterminis vulsam si contempleris, vix nigro folliculo simillima est, à quo pediculus exemptus sit, foramen, quo pediculus visebatur, ipsi pupillæ comparabitur, si ex eo euacuari intelligas, ob id Græcis φαγοειδής, nobis vicia dicitur. Membrana hæc vsque ad visorij nerui ortum comes producit, mox neruum subiens, in tenuem meningem definit, quæ quia χοροειδής dicitur, Græci quoque illam χοροειδῆ vocant. Sed spatium, quod à concava corneæ superficie continetur vsq; ad crystallini humoris sedem, liquore quodam completur, qui quum tenuis, limpidus, fluidusq; sit instar aquæ, à Græcis υδατοειδής, à nobis aqueus dicitur. Antiquiores Medici albuginem nominarunt, non quòd oui albo collatus par sit, sed qualis cernitur

nitur in recentibus ouis transudare, quum igni admoûetur. Vnea in medio natat, ac hiatu, quo in medio pertusa est, humor in anteriorem corneæ sedem adlabitur, vt liberius spectra obiectorum committent. Hic globi portionem explicat, anteriori parte gibba corneæ parte concluditur, posterior tantum à plana superficie se subducit, quantum crystallini pars protuberans in eum se insinuat. Paulò supra oculi centrum humor, qui à nimia similitudine, quam cum mediocriter concreta glacie obtinet, Græci *κρυσταλλοειδῆ* vocant, construitur, non corporis habitu, soliditateue, sed luce potius, qui & si humor dicatur, non defluit, sed molliculus cæræ substantiam refert, globuli speciem, sed non adamusim refert, ac si duabus sphaeræ sectionibus compactus fuerit, lentis formam retinet, vnde etiã Græcis *φακοειδῆ* vocari arbitror, superficie constans læui, lubricaq;. Ipsi membranula circumtectæ est, instar tenuissimæ cæparum tunicæ (quæ inter earum orbes reperitur) exactè transparens, quam à telarum aranæ similitudine *ἀραχνοειδῆ* vocant Græci, sed non robore, & duritia, sed tenuitate, expanditurq; vnde quaque ad latera oculi ad vueam, at veluti interseptum humorem aqueum à vitreo disternit, ne laxioribus sese meatibus commisceretur. Cæterum posterior crystallini sedes alio humore fulcitur, qui non lucidus, vt crystallinus, neque eiusdem consistentiæ, duritiæq;, nec vt aqueus diffuens, sed quia liquati ab igne vitri consistentiam, & colorem referrat, ob id à Græcis *ὕχλοειδῆς*, à nobis vitreus nominatur, ex inferiori parte, dum in membranis continetur semiglobi formam refert, sed vbi crystallino adiungitur, planam superficiem habet, si in eius medio sinus non imprimeretur tantus, quantus crystallini humoris globus in eo mergitur, innatatq;, nil aliter inter ipsum, & vitreum intercedens. Reliqua pars, quæ à crystallino non occupatur, ex tenui membranula (si membranula, & non mucor dici meretur) quemadmodum oui pellicula albuginem cõtinet, vitreus humor circumsepitur, quæ Græcis *ἀμφιβλεψροειδῆς* dicitur, eo quod *ἀμφιβλέψω*, idest reti similis non formam, sed plexum referens. His tunicis, hisq; humoribus, natura oculum machinata est, qui vt lucidissimè nostris oculis exponatur, ipsum depingemus, ac si per medium secuissemus, cum medietate nerui optici, eo modo, quo Astrologi cælestes

sphaeras visui obiectant, vt vnico intuitu totius fabrica contempletur.



A B C D 'dura tunica', cuius pars A B instar cornu pellucet & degenerat in crassam meningem C D.

E F N H vnea, cuius pars I, fenestrata pupilla est, & degenerat in tenuem meningem T Y.

O R S aranea tunica.

& V X retiformis.

L R M humor aqueus.

G humor crystallinus.

P Q humor vitreus.

C D neruus opticus.


*Oculum necessario fuisse sphericum .*

*Prop. II.*

**N** V N C oculi singulas partes exactius perpendamus, nam quæ intus à natura conclusa sunt, ita locata sunt, vt nil eorum superuacaneum sit, nihil ad perfectam visionem non necessaria-




cessarium . Sed demonstrabimus primò necessariò fuisse rotundum . Primò ex capacitate : aliter enim capiendæ quantitati suffecturus non erat . Est orbicularis figura isoperimetrorum omnium capacissima, quum etiam ex omnium partium corporis multis particulis ad multa munia obeunda indigeret, humoribus , & tunicis, easq; angustissimo spatio coarctarentur, ne caput grauarent, ex nunquam satis laudatæ Naturæ munere largitum est, vt orbicularis constitueretur . Altera ratio ex necessitate, oportebat enim oculos sursum adducti, deorsum abduci, illuc, huc circumuolui , & deflecti ; nam si alterius figuræ triangularis, vel quadrangularis fuissent, horû motu oportebat partes mutuò contundi, dilacerariq; , & interceptas partes vacuas relinqui, vnde quo visus aboleretur, insignes noxas motus his partibus inferret . Vel si immoti essent, caput illuc, huc circumuoluendo, maximè hominem defatigari contineret, quod erat inconcinnum . Addimus præterea rotundationis illam rationem, vt liberiori motionis munere fungerentur, vt nostro arbitratu celerrimè multa visu apprehenderemus, quum omnium figurarum sphærica minus reuolutionibus obnoxia, globosisq; summa inest reuolutionis agilitas . Necessarium quoq; erat oculum circumacta, globataq; figura esse, vt rectæ linæ super eum orientes perpendiculares , & in centro concurrentes, quanto longius distraherentur, maiorem basim interciperent, quæ solæ veritatem ostendunt, quod nulli, nisi sphæricæ figuræ contingit: si planus enim esset, non perciperet vnico intuitu nisi æquale sibi spatium . Sit visus A B , à puncto A & B oriantur binæ perpendiculares A C, B D, interceptum solum spatium C D videret æquale ipsi A B, per 23. & 25. primi, & si C D longior esset vsque ad E, oporteret vt oculus ad dextrâ moueretur, & si proprius, vel longius superficies obiectaretur.




At si

At si concauus, contrariæ functionis opifex fuisset, nam multò minus, quàm ipse est videret. Estò oculus A B C D L I, & occurrat ei res videnda E F, cadit radius E A, refrangitur in C, per tertiam primi nostri, extendatur, perueniet in G. Eodẽ modo F, venit in B, refrangitur in D, relabitur in H. Sit oculi centrũ foris K, ex E, & F trahãtur catheti, occurrẽt lineis formã referentibus in G H, erit igitur G H forma minor re visa E F.



Plerunque etiam dextra sinistra, & sinistra dextra & quæ sursum deorsum, & quæ deorsum sursum viderentur. Estò oculus I A B L C D, visibile obiectum E F veniant ad pupillam A B, lineæ E A, & F B, ipsa E A refrangitur ad C, per tertiam primi, relabitur in H. sic B refrangitur in D, relabiturq; in G. Occurrent cathetis ex F E per centrum K transeuntibus in G H. Sic videbitur punctus F dexter in sinistrum G.



Vnde

Vnde in sphæricam figuram animaduersus sis, nullam nisi sphæricam exclamares, quæ tot munijs sola præstat, è centro enim per per pupillam, & si per angustissimum spatium lōgius exporrectæ lineæ, totum ferè hemisphæriū intercipiunt. Neq; est, quòd huic corroborando prolixius insistam. Gentilis Aui-cennæ interpres, medicam oculi rotūdationis rationem affert, ob id globosum fuisse, quòd figura ipsa sola quicquid impedi-menti, vel noxij se ingredientis declinare potest. Sed Vitellio-nis opinionem nō probo, oculum inquiētis sphæricum propte-rea esse, quia aque nature est, cuius proprietas est rotūdari sem-per, sentētiam Ioannis de Sacrobosco sequuti, qui aqueum ele-mentū rotundū dicit, quia gutta in terram cadens rotundatur.

---

*Organum visus, necessario aqueum futurum. Prop. III.*

**O**RGANVM visus vtrum ex igne, vel aqua esset, haud parua fuit inter principes philosophos cōtrouersia. Em-pedocles igneum oculum existimauit, quatuor enim elemen-tis, quatuor sensus assignauit, tactui terram, gustui aquam, au-dituui aerem, visuui verò ignem. Inquiens.


*Conspicimus terram tellure, liquore liquorem,*

*Aere naturam aeream, igni cernimus ignem.*

Galenus etiam igneum dixit oculum, Platonem sequutus, & opticos sui temporis, qui per emissionem visionem fieri existi-mabant. Tantos viros decepit splendor in oculis conclusus, vt videbimus. Democritus aqueum oculum dixit, & hunc se-quitus Aristotelēs libro de animalium partibus, & de sensu, & sensili. Tradit enim oculum aqueum potius, quàm aereum ab rerum opifice solertissimè constructum, quòd aqua non solum diaphana, sed euphana esset, nam & si pellucidior sit aer, aqua tutior vallari, conseruariq; potest, quum aer sua tenuitate fa-cilè diffletur, oportebat oculum densis, solidioribusq; tunicis construi, quod si ita factum esset, transmissioni fuisset inoppor-tunus, neq; constructionem suo muneri idoneū obtineret, nam animalia densam oculi tunicam habentia obtusi sunt visus, vt locustę. Præterea euphana est, quæ visibiles formæ melius infi-nuari, suscipi, conseruariq; possint, quod est oculo proprium, nam si aer suscipit, non retinet. Additq; melius terminari aquæ



aquæ diaphanitatem ex sua profunditate, sine alterius opaci oppositione, quàm aer, ut in puteis & aquæ plenis vasis videtur, quæ imaginem reddunt. Sed hæc isti nimis oscitanter aggressi sunt. Terminatio aquæ in oculo necessaria non est, nec color magis aquæ quàm aeri inhæret, nam si quis sub arbore decubuerit, viridi colore perfudetur, eadem lux colore intincta aquam & aerem tingit, quæ sublata, uterq; absq; colore est. Sed cur oculos sagacissimus artifex ex aqua eleganter extruxerit, explicabimus. Potissimæ binę sunt rationes, prima in refractione. Quia sola in oculo pupilla peruia est, & visio per eius arctum, & angustum foraminulū ducenda erat, nisi oculus aqueus fuisset, in eo refractioni fieri non posset, obiectarum rerum minimam partem videret, nil, nisi quæ intra perpendiculares lineas intercluderetur. Res linearum ductibus d. lucidior fiet.



Sit oculus  $KE L$ , rectę lineę huic perpendiculariter incumbentes sint  $AB I$ , hic recta visio intercipitur. Linea verò quę his impensius obliquatur sit  $EF$ , per pupillam  $E C$  inferatur. Si oculus inanis esset, progressus fieret ad  $K$ , & non tãgeret crystallinū, nil ergo videret, sed densioris corporis obiectu flexus faciet ad  $G$  per secundā primi nostri, & relabitur ad  $C$ . Videbit igitur, quę intra  $C E B$  continentur. Altera ratio est, quod rerum imagines per pellucidissimū aqueum humorē pertranseuntes, luculentiores crystallino deferretur: nam & claritate se induentes, fulgentiores conspiciuntur, ut apparet in Sole, crystallum pertranseunte, & nos specillis crystallinis multo clarius, quàm vitreis cernimus, multiplicatur enim lux per refractionē ut iam dicemus, aquea igitur claritate oculus donatus est, quā probē suum munus obire posset.

*Humorem*

*Humorem aqueum tenuem, & pellucidissimum esse.*

*Prop. IIII.*

**A**QUEVS humor intaminata pelluciditate, tenuitateq; visendus venit, interuallum intra crySTALLINUM & corneã implet, nec aliter fieri poterat. Oportebat enim visus instrumenta lucida futura, quia colorũ dignotionem habitura erant. Natura enim comparatum est, vt sola eiusmodi corpora à coloribus afficerentur. Diximus lucem omnium colorum expertem, quia omnibus coloribus tingi oportuerat, vt veros colores oculi repræsenteret, sic aqueum, vel albugineum humorem (quod gutta ex ovo igne transudanti par dictus est) nullũ colorem habere necesse erat, alioquin difficulter alienos admitteret, neq; crySTALLINO colores, & lineamenta visibilibus ostendere potuisset. Argumento icterici esse possunt, quibus bilis vaporibus oculis sese ingerentibus, omnia videntur citrina, vel sinubeculis, & fumositatibus conspurcarentur, fumosa, & defædata obiecta cerneremus, vt in senibus, & defluxione laborantibus est videre. Imitatur tenuitate sua roridum laticem illum Maio mense olerum folijs illabentem, irrorantemq; , & in argenteas guttulas coeuntem. Argumentum suæ tenuitatis est, vt statim dissecto oculo in tenues auras faciliè diffletur. Purissimus igitur, & ex omnibus defæcator à rerum opifice excolatus est, & aeri ferè par, vt per eum lux deferens simulachra, & intromittens, rerum veritatem inhibere non possit.

*Per pupillam rerum simulachra intromitti. Prop. V.*

**D**IXIMVS de aqueo humore, sequitur de pupilla dicamus, per eã nanq; simulachra crySTALLINO intromittuntur, quasi fida ianitrix oculo adsidet, ibiq; sua munia exercet. Sed veritatem medicis experimentis probabimus. Morbus est vnguis Latinis, pterigion Græcis dictus, carnosa excrescentia est, corneæ, vel duræ, quam diximus membranæ obueniens, hæc ab oculi cantho exoritur, & pupillam ad vsq; peruenit, quam vbi attigit, tenebris offunditur, & visu orbamur, sic Chyrurgi ma-




num passa, redit amissus visus. Hypochima supra pupillam est humor congelatus, quo visu homo destituitur, acum admit- tendo ex oculi angulo per obliquum vsque ad pupillam, com- pactum humorem illum in infima parte deducit, & statim visus restituitur.

*Pupillam accessu, recessuue luminis arctari, laxarique.*

*Prop. V. I.*

**V**ISVS instrumentum fulgidum, transparens, & tenuissi- mum diximus. Ob id immoderato lumini obnoxium: oportebat igitur tunica quadam circummoniri, foraminulo peruia, cuius famulatu ad lucis accessum obtenderetur, remitteretur verò ad eiusdem abscessum, vt in incerta luce rectius quid conspiciare valeremus. Pupilla igitur in die in oculi vestibulo huic mûneri præficitur, immoderato lumini obstaculo futura; in crepusculis verò retinacula relaxaret, vt spectra per latiore[m] fenestram intro liberius commearent. Vnde vnea circa foramen rugosa est, ac loculorum instar comprimitur, laxaturq; noctu verò post obitas functiones quiesceret. Sed prius rei veritatẽ, post artificium à Natura excogitatũ enarremus. Si amici oculos apertos, intentosq; vehementius Solis lumini obiectos contempleris, adeò pupillam coarctari videbis, vt per angustissimum foramen vix tenuis acus aciem admitteret; eosdem si in obscuro cubiculo conuertat, paruo temporis curriculo foramen adeò dilatari conspicias, vt ferè lentem capiat. Huius rei instrumento certius fies compos, quod Archimedes in dignoscenda Solis quantitate vsus est. Sit regula lignea pedalis longitudinis, & digitalis latitudinis  $ABFD$ , in medio linea  $EC$ , excauetur ex capite vno  $AEB$ , vt oculum commode excipiat, eligatur cylinder ligneus torno politus minor  $C$  propè oculum, maior  $G$  longius, appostoque vno oculo aperto, altero clauso in  $AB$ , conuerso contra Solem, tantisper cylindri accedant, recedantq; quousque radij per pupillam introeuntes latera vtriusque cylindri contingant. Hoc facto remoue oculum à regula  $AB$ , & protractis lineis contingentibus cylindrorum circulos, iterum eandem regulam in obscuro loco conuer-





conuertat, appositoq; oculo eodem loco, iterum cylindros appropinquet, remoueatq; , donec visuales lineæ latera contingant, sic videbis lineas circulos contingentes in obscuro latiores esse. Causas constrictionis, & dilatationis nos plures exco-  
gitauimus. Prima in Luna est, nam huius syderis auctu, nostri corporis humores augescunt, crassescuntq; , oportet igitur, vt luculentius oculus illuminetur maioris luminis inuasione, in defectu verò, quia humores tenuiores, defæcatioresq; sunt, minori lumine indigi sumus. Vnde si quis eodem lumine constitutus, vtraque tempora obseruauerit, veritatem inueniet. Hoc clarius in Aeluro, perspicere licet, nam lunaribus quotidianis incrementis, decrementisq; pupillas maiores, minoresq; habet. Ob id Isidis numen totâ in se complecti naturam Aegyptij credentes, illi hoc animal dicarunt, quod Lunæ imaginem quandâ in oculis repræsentet: vt ex Oro Apolline patet. Cardanus verò pro arbitrio selem contrahere, ac relaxare pupillas dixit, si-  
ne ratione, si enim ex libitu contrahere, aut relaxare possemus, essent à Natura muscoli ad id opus constituti, at nulli apparent ex dissectione, non igitur ex voluntate, aut constringere possumus, aut relaxare. Altera ratio est ætatis. Senibus humores crassescunt, & fæculentiores fiunt, maiori lumine indigent ad inspectionem, ob id eis relaxatur pupilla, iuuenibus verò quia tenues, purissimique arctius coarctatur pupilla, ne validæ lucis intromissu læderentur. Præterea quod nimio Solis, vel alicuius fulgidi obtutu lædatur visus, patet in ijs, qui diu in Sole deambulant, vel locis niue obfitis, nam tenebricosi euadunt, & diu illatam oculis affectionem seruant. Tandē si quis apertis oculis

aliquantisper Solem intueretur, & pupilla panderetur, ex Solis illapsu, ignem in oculi sine accenderet, vel ibi maximum ardorē ingereret, causam iam explanauimus superiore libro. Prop. 21. Sed maiorum nostrorum errata dissimulanda non sunt, ne & nos ipsi posteritati imponamus. Alhazenius doctissimus Arabs, dicit corneam, & vueam sphaeras eccentricas esse, ac se mutuo secari in contactu, & si sphaera, sphaerā secet, sectio circulus erit, ex Theodosio II. ob id pupillam sphaericam esse. Ab eo eadem simia Vitellio refert. Sed vterque fallitur. Horum fallaciā coarguit oculi anatomē, vt diximus, nam externa vueae superficies internae corneae adamussim adcubat vsq; ad corneae pellucidū, vnaq; fit, in eo loco ab illa recedit, & plana distenditur, & in medio paruo foramine scinditur, nec vsquam interfecantur, neque eccentricae sunt, difficultates ponentes vbi nō sunt, vt scientias admirabiliores faciant.

---

*Subitam pupillae dilatationem, & constrictionem non fieri  
sine dolore. Prop. VII.*

**A**NIMADVERSIONE quoq; dignū videtur, hiulcas aut obstrictas pupillas. repentino lucis occurſu non fieri sine dolore. Repentina luce illata ijs, qui in tenebris commorati sunt, non sine læsione euadunt, sic per Solem deambulantes, si ad tenebricosos locos illicō diuertant, cæcutiunt, nam pupilla Solis præſentia coarctata, repentino tenebrarū occurſu dilatari nequit. Dionysius Siciliae tyrannus domum super carcerē construxit clarissimam, ac longē splendidissimā, calce illitā, vt homines, qui diutissimē carcere fuissent conclusi, victos ipsos sursum educebat, qui ex multa profunda caligine in splendidiorem lucem egressi, quā cupide erant intuituri, occæbantur. Quod etiam oculi præpropere coarctatione oblādantur, argumento sunt sternutationes, nam subita pupillae restrictio, ad se telam trahit, intenditq; , quæ oculi latera ad se abducit, lancinatq; , quibus adhæret tunica, latera intra nasum respondent, & in vicinia sunt loco, qui delicatulus & pruriginosus est, vnde si quis filo, vel molliculo aliquo paxillo scalpet locum, ex ea tentingine sternuimus. Vnde obiter adnotanda venit



nit Aristotelis ratio in problematis. Nos ideo talis occurſu ſternutare, quia Sol caleſcens mouet, perinde atq; qui penna nares ſollicitant, eumq; calefacientes ocuus ſpiritum ex humore eliciunt, cuius ſpiritus excuſſio ſternutatio eſt. Sed Ariſtotelis propoſitum falſum eſt, nam non qui Sole ambulant ſternutant, ſed qui è tenebris exeuntes ſplendenti Solis lumini ſunt illico obuiam, vbi nulla calefactio intercidi: quod non alio euenit, quàm ſubita pupillæ conſtrictione. Mox quæ calefactio ex fili impoſitione in naribus? Multi ſunt, qui Solis eclipſim inconniuentibus oculis obſeruantes, vt effectum illum aſſequerentur, imprudenter occæcati ſunt. Ob id ſummus rerum opifex diei, & nocti crepuſcula intermedia conſtituit, vt conſtricta diurnæ lucis pupilla, tenebrarum aduentu in crepuſculis dilatetur, vt non & ſatis hiulca ſit, ſic aduentu Solaris lucis in matutino crepuſculo iam iam ex tenebris arctata, dilatari condiſcat.


---

*Qui colores pupillam referent, qui conſtringant, quiue mediocriter arctent. Prop. V. III.*

**N**E C ſolum lux pupillam coarctari cogit, ſed colores ſulgidis, & qui maximè viſibiles, vt albi, crocei, ſic & pulita metalla. Lædunt maximè candidæ res viſum, candidum enim luci affine, vnde quum lux cum multo candido ſe offert viſui, oblædit illum, & lancinat. Xenophontis milites læſi oculis fuere, quum per multam lucem iter fecere. Fabri, & aurifabri ſæpè cæcutiunt ex continua horum ignium inſpectione. Sed fabuloſos puto Philoſophos Indiæ, quos Gymnoſophiſtas vocant, qui ab exortu ad vſq; Solis occaſum contentis oculis orbem cãdidiffimi ſyderis intuentur, in globo illo igneo rimantes ſecreta quædam. Cõtra verò nigri colores, vel ad nigrum tendentes, vt cærulei, halurgi viſum hebetant, pupillam relaxando. At medijs colores, vt viridis, qui ex ſano & cæruleo conſtat æquis partibus, viſum refocillat, & cõſouet, quia neq; conſtringunt, neq; dilatant. Ideo permagnus ille rerum opifex arbores, herbam, & terram ipſam amæno virore amicit, & decorat, vt continua horum inſpectione affectus viſus refocilletur. Smaragdo nihil iucundius, nihil vtilius videt oculi, in primis virent vltra irriguagrami-



gramina, vltra amnicas herbas. Defatigatos obtutus coloris læuitate reficiunt, visus, quos alterius gemmæ fulgor retūderit, Smaragdus recreat, & exacuit, nec aliam ob causam, non scalpitur, ne offensum decus imaginum lacunis corrumperetur. Recte igitur Aristoteles se habere oculum in coloribus, sicut auris in consonantijs, nam sicut ex proportionē sesquialtera nascitur diapente, sic colores ex proportionalibus compositi adinuicē, sunt delectabilissimi, vt ex croceo & cæruleo viridis. Sed id aliquo experimento comprobemus.



Sit quadrata tabula cubitalis F D G E, eam nigerrimo colore tingēs, centro H infige clauum, vt semipede à tabulā distet, pone oculum supra H, & immota acie, quousq; visus extendatur, lapillos circumpones, mox amoue visum & in circumactu lapillos dispositos inuenies, quia pupilla rotunda est, vt videbimus. Eandem tabulam albissimo colore illines, eodemq; loco oculū accommoda, & iterum quousq; acies extenditur, lapillos dispones, & amouendo oculum, paruum inuenies circulum C. Deum colore viridi tabulam superlines, & oculum eodem loco constituendo, eodemq; modo operando, circulum tertium B inter vtrosq; extremos medium eadere conspicias. Sed interim falsa eliminemus Mathematicorum familia. Stoici, referente Plutarcho, tenebras cogere visum, aggregareq; & propterea hebetare dicunt, contra lumen disaggregare. Sed satis improprie loquuti sunt, vt oculorum acies disaggregari possit, vt gallina pedibus tritici aceruum, & congregari, vt gallina pullos suos. Aristoteles in problematibus dicit oculos ad omnium rerum colores fatiscere, & deteriores reddi, sed quum ad virides declinat,

optimè

optimè se habere. Albi enim colores & nigri, viribus suis efficiunt, at viridi, & medijs coloribus refocillantur, corroboranturq;. Et quemadmodum quum corpora nostra laborant, deterius se habent, quum mediocriter, optimè efficiuntur, ita oculi ad res solidas offendentes, laborant, ad humidas, quia nil obstat, oberrant, quum verò ad virides, qui a solidæ mediocriter sunt, & aliquid humoris continent, faciliter acquiescunt. Bone Deus, quid commune habet visus cum solido, & liquido?

*Qui lata pupilla sunt nocturnè melius, interdum hebetius, qui arcta interdum acutius, noctu caligant.* Prop. *VIII.*

**S** VNT qui arcta, & qui lata donati sunt pupilla, quorum Physiognomoniam suo loco diximus, sed qui lata sunt pupilla nocturnè melius, interdum hebetius, qui verò arcta interdum acutius, noctu verò nil penitus vident. Noctiuaga animalia, ut bubones, noctura, feles, & lupi lata pupilla donati sunt, ut & vespertilioes, at gallinae, columbae, & passeris, & eiusmodi nil penitus noctu, interdum tantissimè vident, & illa in die cæcutiunt, & hæc paruis pupillis prædita sunt. Aphrodisiens ob id animalia quadam interdum vident, noctu nequeant, dicit quia spiritum vsui visus accomodatum habent crassiores, quam ut aerem permeare ad rem vsq; videndam valeat, crassescit enim per noctem, quum Solis absentia refrigeretur, interdum extenuatur aeris beneficio, qui tenuis, & calidus est: feles tamen, hyenæ & vespertilioes contra se habent, quum enim interdum, nil ferè videant, acutè omnia per noctem conspiciunt, spiritum quidem illum visorium, & tenuissimum, & dilucidissimum habent, ita ut per noctem hic modicè incrascescens idoneus ad rerum conspectum reddatur, per diem luce præclara supramodum extenuatus expandatur, & evanescat. Leones per acriorem Solem ingredi non patiuntur, sunt enim oculorum acie acutissima, & igitur interdum eam obrem fugiunt, constat talem Leonis aciem esse argumento pupillæ, quæ præfulget, atque etiam partis humidæ oculorum, quæ dilucidissima est. Hæc eadem ab eo Rogerius Bacchon. Sed hæc mihi falsa videntur: qui enim lata sunt pupilla interdum lumine multo, splendoreq; offenduntur, ac no-



Et ob sui amplitudinem rerum simulachra faciliè subeunt, & videntur, contra verò qui arcta sunt oculorum acie, quia lumine non offenduntur, acutiùs vident, noctu rerum simulachra penetrare nequeunt.

*Pupillas ad vsum animalium accommodatas varias esse.*

*Prop. X.*

**O**B id prouida Natura secundum animalium vsum, & necessitatem pupillas construxit, noctiuagis, vt à summo ad imù referentur, quasi fores, vt citiùs, & liberiùs suo fungi munere possint, oportebat enim vt vniuersa pupilla operiretur, & oculi semiglobus foras prominens undique apertus, & fulgentissimus foret, non enim in eorum oculis albugo est, sed quicquid intra palpebras continetur, id totum pupilla sit. Contra se habent homines, & diurna animalia, columbæ, gallinæ, & huiusmodi, nam quū die ab eis res gerendæ sint, paruo pupillæ hiatus contentæ sunt, nam si laxius aperirentur, hebesceret potius nimia luce visus, & cæcutiret. Noctiuaga hæc, quia sursum, deorsumq; conspiciendi vsus erat, ab imo ad summum pupilla scinditur. Contra autem in quibusdam piscibus, quorum vsus ad latera erat, à dextris ad sinistra hiatus erat, sic pro vniuscuiusq; officio pupilla, & eius scissura animalibus est accommodata.

*Pupillam necessario rotundam fuisse, magnitudines sine impedimento oppositas rotundas videri.* *Prop. XI.*

**P**UPILLA nostra rotunda est, & ex omni parte radij exeuntes, & liberè vagantes, rotundum spatium intercipiunt, quod crystallini centrum in medio pupillæ sit. Vnde si quis humo supinus iacens, & vno oculo calam contueatur immoto, intuitum spatium rotundum erit, à puncto enim crystallini exeuntes radij, & oppositam super faciem ferientes, non nisi rotundum spatium intercipient. Sed si propè res contuenda erit, hoc experimento te ipsum docebis, vt diximus in 8. huius. In plana tabula fac oculus in centro immotus maneat, & dextra manu lapillos confi-



constitues, vbi radij oculares plus extendi non possint, sic remoto oculo, circumactum lapillis spatium reperiēs. Idq; hoc modo demonstrabimus.




Sit crystallini centrum I, & pupilla A B C D rotunda, opposita ei superficies E F G H, Linea I M erecta perpendiculariter super superficiem E F G H, & transiens per centrum crystallini I. Protrahantur lineæ à centro crystallini I ad pupillæ extremitates ad subiectũ planum, & erunt I B F, I C G, I A E, & I D H. Sunt ergo æquales I B, I A, I D, & I C, & quia subiectum planum æquidistat ei, erunt quoque lineæ A E, B F, C G, & D H, æquales, & quoq; simul iunctæ I B F, I A E, I D H, & I C G, trahantur mox à centro plani M, ad linearũ extremitates lineæ M G, M N, M E, M F, quæ quoque æquales erunt, nam anguli omnes ad M planum recti, & æquales quoque qui ad I, erunt quoque iam dictæ M N, M E, M F, & M G, pares, ergo M centrũ circuli E F G H.

---

*Planum pupillæ non æquidistans ouale videbitur.*

*Prop. XII.*



**S**ECVS autem eueniet in plano obliquè pupillæ opposito, nam & si lineæ I B, I A, I C, & I D æquales erunt, quia planum ex vna parte longius distrahitur, vt F E, & altera pars proprius accedet G H, lineæ productæ inæquales erunt, vnde A C, B F longiores, breuiores verò C G, D H. Sic subtenfa latera inæqualia erunt, nam M H, M H breuiora, M E, M F longiora, igitur M non erit centrum F E G H figuræ circularis.

---


*Crystallinum humorem præcipuum esse in visu.*

*Prop. XIII.*


**A**RISTOTELES nō inefficaciter probauit cor primariam esse corporis partem, quod Natura illud in animalis medio locauerit, sic nos crystallinum humorem, quia suam regiam in oculi ferè medio habet, non ineptè præcipuum visionis instrumentum dicemus. Medius locus declarat, quod ab omnibus custoditur, iuuaturq;: aliæ circumadstitæ partes eius gratia factæ sunt, à vitreo namque tanquam gemma continetur, com-  
mitti-







Præterea si in centro esset, & difficilius lineæ illuc peruenirent, & maior pars visionum amitteretur. Punctus H perueniat ad pupillam B, lex refractionis cogit eum in O, satis longè à crystallino F K. Concedamus vt tangat eum in puncto F, relabitur in G, totum spatium G H non videbitur. Sic eorum maior pars non videretur.




Præterea si in centro crystallinus esset, pyramidales lineæ ad eum peruenientes perpendiculariter, & in centro se decussantes dextra viderentur sinistra, & sinistra dextra, & quæ sursum deorsum, & quæ deorsum sursum, & demum omnis visio conturbaretur. Rei visus dexter punctus B, peruenient ad centrum C, laberetur ad D, & A ad E, sic destra sinistra videretur. Sed Vessalius suis in anatomicis administrationibus, & plerique medicorum humorem crystallinum in centro oculi locatum dicunt, putantes, ut nil referat Medicis, ita & Mathematicis, vel aliis artificibus: quod est valde erroneum.

*Vtramq;*

*Vtramq; corneæ superficiem, humorem albugineum, aqueum, vueam, & crystallinum concentricos esse omnes. Prop. XV.*

**D**IXIMVS vtrasq; corneæ superficies mutuo æquidistantes esse, vnde & si extrema circularis, quoque interior circularis erit, nam eiusdem soliditatis orbis perpetuus est. Continet interior cornea albugineum humorem, contenti pars cum suo continente eandem superficiem habet, impletq; oculum vsque ad crystallinum, sic vitreus humor concavam quoq; corneam replet, vt vna sphaera cum albugineo sit. Sic vuea quæ interiorē etiam tunicam corneæ conuestit, sequitur eius formam, & illa quoque concentrica, nisi tantum ea pars, quæ à lucida corneæ parte se subducit, vbi fenestrat. Crystallinus etiam humor, & si longè à centro abest, eius tamen suprema superficies oculo est concentrica, oportebat enim & concentricam esse, & propē vueam, ob id summa Dei prouidentia factum est satis vtriq; , vt & concentrica, & longè à centro absit. Pyramis igitur visua per corneam, & pupillam, per aqueum humorem vsque ad crystallinum infracta peruenit; hoc modo.




Esto visua pyramis quadrilatera C B A D, dirigens se ad cētrū oculi M. transit corneam G H, pupillam E F, & aqueum humorē E F, sic vsq; ad crystallinum I L, vnde tota pyramis irrefracta, & incolumis peruenit, & rem, vt est, repræsentat, non conturbatur visio, seruatur in ea partium ordo, & concinnitas, sine confusione rei visæ. Hæc videtur germana visio, & ita ex anatome apparet.

paret. Vnde me nescire fateor quæ infania, vel furor sit Alhazeni, Vitellionis, & reliquorum perspectiuorū, inquentium vuae sphaeram eccentricam esse, eiusq; centrū ad auterius oculi plus accedere, sic vitreum eccentricum, & centrum eius ad anterius oculi plus adhærere, vt Astrologi nō tot eccentricos & epicyclos in magno mundo confinxerint, quot isti in tam paruo oculi corpusculo. Cur in re tam clara, & perspicua tot ambages? vt potius ad puerorum terriculamenta, quàm ad veritatem indagandam conficta esse videantur, vt tyrones scientiam prius odisse, quam amasse incipiant?

*In crystallino visionem non fieri nisi aliqua rei latitudine intercepta.*

Prop. X V I.

**O**CVLVS nunquam rem visam comprehendit in suo esse, nisi quum pyramidis cuspis ad eum perueniēs depingit in eius superficie rem, vt est ordinata in suo esse. Igitur vt crystallinus rectè diiudicare possit, oportet, vt pyramidis conus alicuius sit in eius superficie quantitatis, aliter enim nil videret, aut satis perturbatè. Quomodo autem id animadvertere possimus, instrumento, quod in sexta huius propositione descripsimus utemur.




Assumatur regula decem, vel octo pedum, quæ sit A B, sint duo cylindri inæquales C D minor, E F maior, erigatur minor circa oculum, regulæ pars, quæ oculo accommodabitur, excavetur, vt commodè oculum excipiat, sic tandiu cylindrum accedes, & remouebis, quousq; pyramidales oculi lineæ per eius latera excurrant, tunc amoue regulam ab oculò, & per extrema cylindrorum lineæ protrahantur, & videbis circa oculum tantæ latitudinis, quantæ ad crystallinum productæ super eius superficiem ad rem depingendam sint suffecturæ.

LIBER





# LIBER QVARTVS.



## P R O O E M I V M.



*Ostquā oculum construximus, singulares eius partes, & partium munia exequuti sumus. Ingerit se nunc in hoc ordine demonstratio, an fiat visus per intromissionem, & optimè quidem fecerimus, si vnā visionem partim obliquè, partim refractè fieri declaremus, & vera loca, in quibus res videantur demonstramus, quæ maioribus intentata, & obscura fuere, sic passim ad alia progrediendo vniuersam videndi formam absoluemus.*

---

*Visionem fieri per imaginem receptionem. Prop. I.*

**I**NTE R vetustiores, & recentiores Philosophorum, & Medicorum procures ad facietatem vsque de videndi ratione exagitata quæstio est, num radorum ex oculis emissionem, vel illationem fieri contingeret. Res adeò ambagiosa difficultatis, ut plerique rerum scientia nō incelebres, sigillatim rationes reddere non sunt ausi, nos ab alijs prætermittas mathematicas rationes

tiones afferre, & alia ad veritatem indagandam, quantulacunque fuerint, referre iam tentabimus. Democritus, & Epicurus (ex Macrobij recensione) è corpore opinati sunt simulachra quæpiam iugi fluore manare, quæ quasi corporum exuuiæ ad nostros oculos veluti receptacula, & deputatas à Natura sedes remeare. Argumento, vt Aristoteles refert, quia rei visæ simulachra in oculo apparent: nam quum pupilla sit corpus læue, tersum, terminatumq; ab aqueo profundo, potest idolum repræsentare. Sed hi falsi sunt, vt posteriores probauere. Putabant enim sicut vox ad aures vtrò venit, odor in nares influit, & sapor palato ingeritur, sic imagines rerum in oculos penetrare. Sed res aliter se habet, nam facies nostra oculo obiecta, recto meatu profluit, vnde posteriorem sui partem respicere deberemus. Histrio personã sibi detractam ea parte videt, qua induit, scilicet non faciem, sed posteriorem cauernam, sed nos aduersam videmus in speculo imaginem. Alia ratio. Si imagines, quum inspicimus, è rebus euolant, vel vndiq; nullo inspiciente simulachra emicant, si quis teneat, quum inspicit, quæro cuius imperio simulachra præsto sunt intuenti? Si perpetuo fluore rerum manant simulachra, quæro quo vinculo ad permanendum vincula permanent? & quomodo spectra colorem retinent, si colorè non nisi corpora retinere possunt? Tertia ratio. Quomodo tot rerum imagines, cœli, montium, maris, pecudû, quas vno oculorum iactu oppidoquàm paruo videre possumus? Alij sunt, qui dixerunt, per radios ab oculis egressos res contueri, sed posteriores tanquam falsissimum redarguerunt. Nam vel illi radij corporei, vel corporis expertes sunt, si corporei sunt, si lumen ex oculo ad rem obiectam egreditur, homo ad astra aspiciens, lumen ad astra vsq; pertingeret, si corporei essent, vniuersa oculi quantitas quantacunque exinaniretur, nec ad ea pertingere posset. Præterea si per aera transeundum esset, daretur corporis penetratio, si absque corpore sunt, radij non sentirent rem visam, quia non sunt sensus nisi in corpore, neq; corporeus oculus incorporeas res contuetur. Subsequentes ætates Philosophi vtraq; opinione coacti sunt vsi, putantes has ambages euadere. Democritus, & Epicurus, Plutarcho referente, per quosdam radios ex oculis exertos subiectam rem ferientes, rursusque redeuntes, & in eosdem resiliences, per hos incurfus visualem potentiam




rentiam fieri arbitrabantur. Empedocles imaginibus radios admiscuit, & id coniunctum radios vocauit. Addit Aristoteles ignem in oculis adnatum esse, ac foris emicare, vt lumen de laterna, quod si tunicis non clauderetur, fortius extramitti. Hipparcus ab oculis ad corporum lineamenta radios exporrectos perinde ac manuum admotu summa corpora perrectare, eorum apprehensionem ad eosdem referre. Stoici per radiorum ex oculis in ea, quæ videri querunt, emissionem, aerisq; simul intentionem. Addit Galenus per circumfufum aerem, quasi per baculum, neq; visile ad spectatricem facultatem traduci. Plato in Timeo per *συναγχαίαν*, vel corradiantiam fieri existimauit. Lumine quidem ex oculis exerto, ad aliquantulum interualli per cognatum sibi aerem effluere, à corporibus verò illato occurrente illi, aeremq; intermedium diffuso, amolituq; facilem cum visuali igne intendente. Galenus Platonis opinionem sequitur, roboratque, vt libro de placitis Hippocratis, & Platonis. Ait enim, Ignis, qui mundum suauiter illuminat, similis & congenitus oculorum nostrorum igni, quum diurnum lumen se visus radio applicat, duo lumina inter se similia, & conuenientia, quo oculorum acies dirigatur, ibi minus externi, interniq; luminis fit concursus, id totum igitur eandem passionem sortitum, quum aliquid tangit, vel tangitur, sensum efficit videndi. Et his rationibus persuadet. Corpus, quod videmus duorum alterum erit, vel ex se ad nos aliquid mittit, vel vis aliqua sensitiua à nobis ad se vsq; peruenire expectat, si aliquid mittit, per pupillæ exiguum foramen pertranseundum erit, quomodo igitur alicuius montis, vel vastæ rei spectrum in oculos ingreditur? quod est absurdum. Et si innumerabiles sunt, qui id vident, quomodo ad singulos eedem feruntur, & si spiritus intuitiuus exit, quomodo in tanta diffusionem dilatari potest omnes visui res expositas circumfusus complectatur? Euclides philosophus Platonicus per radios ex oculis egressos visum fieri dixit, probauitq; his rationibus. Sensuum receptacula alia concaua, alia non concaua constructa sunt, auditus, olfactus, & gustus concaua sunt, & extrinsecus vltro procidentia corpora locum aptum inuenirent, & permanerent, nec è vestigio transilirent, visus contrariam habet formam, nempe conuexam, vnde in eo radij recipi non possunt. Præterea falsum esse è corpore continuo simulachra pro-



fluere, & nostros sensus laceffere, nam si id verum esset, quærentes acum, illicò nostro obtutui ultro se offerrent, & librum legenti omnes literæ occurrerent. Heliodorus Larisseus, quod eiecto lumine, emissioq; fieret visio hoc argumento innititur. Quod oculis infit fulgor, splendorq;, vt eum noctu ad cernendum nullo extrinsecus lumine indigent, & in tenebris eorum coruscant oculi, exemplum bubo, felis, & alia noctuaga animalia. Et Tiberius ille Romanorum Imperator paulisper hand alio modo, quam luce clara contueretur omnia, paulatim tenebris se offundentibus. Addunt ad id Platonici, animalium quorundam vires, quæ cum radijs è visu ipso diffunduntur. Sunt in Africa familiæ quædam effascinantium, Isigono, & Nimphrodoro testibus, quorum laudatione intereant probata, arescantq; arbores, moriantur infantes, Esse eiusdem generis in Triballis, & Illyrijs. Adjicit Isigonus, qui visu quoq; effascinent, interimantq; quos diutius intueantur, iratis præcipuè oculis: quod eorum malum facilius sentiant puberes, alijsq; locis alias esse gentes eiusmodi virtutis tradit Plinius. Aphrodiseus esse homines, qui summa animi nequitia perpolluti, liberalem aliquam formam conspicati enecant, radios sui conspectus viciatos transmittunt, quasi veneno quodam vitio sui animi radios, veluti telum illinant, iaciantq; in rem, cuius inuidia tenentur, & desiderio. Prodit igitur de pupilla radius exitialis, qui per oculos obducti hominis, subdit, vertitq; quam naturam aggressus est, maloq; habitu deprauat. Quod verò aditus per oculos pateat contagioni, constat etiam ex ijs, qui mortua hominum corpora contueri recusant, ne radij sui conspectus refracti aliquam sibi lucem, pestemq; referant. Lupi visus noxius est, vocemq; homini, quem priores contemplantur adimere ad præsens. Basiliscus hominem, vel si aspiciat tantum, dicitur interimere; Sic & menstruata mulieres obtutu speculum inficiunt, obnubilantq;. Ex Peripateticorum placitis sancitum est, quorum princeps Aristoteles, rerum simulachra ad sensum vehi, & si ipse in Meteorologicis, & prolematis extraferri dixerit: illuminato enim aere, qui inter visum, & obiectam rem interpretet, è corpore species quædam per aeris medium ad oculum vsque pertensa aspectum vulnerat, oculusq; per virtutem animæ insitam illius colores intuetur, & indicat. Nos dilucidius rem aperie-

mus,

mus, & perficiemus. Forma rei videndæ in ipsa re materialē ha-  
 bet naturam, sed lumine susceptam, materiam subito eximere,  
 & spiritali quadam ratione emicare, & quo magis ab obiecto  
 veniēs appropinquat oculo, eò magis ex latiori base accommo-  
 dare se ipsam ad pupillam, & oculum, sicut & corpora liquida  
 per se locis insinuant. Vnde per radiorum lineas pyramidales  
 ex se ad oculum figuram portendit, & cono crySTALLINUM verber-  
 rat. Quod fiat per simulachrorum in oculos illapsum, ita pro-  
 bamus. Si vehemens lumen Solis per se, vel à corpore polito  
 reflexum pupillam inuaserit, adeò lēdit, vt lucis reliquiæ diu in  
 oculis residentes, post clarioris luminis prospectum, clausis ocu-  
 lis etiam in obscuro remanet, quousq; à sua natura fuerit dissi-  
 tum: lumen igitur pupillam subit. Præterea si cubiculi fene-  
 stræ claudantur, & per angustum foramen ingrediatur secunda  
 lux, albaq; papyrus ei obex opponatur, quæ lumen illud exci-  
 piat, quod in platea, & oppositis parietibus illustrabit, suis for-  
 mis, & coloribus vestita in albo papyro repræsentabit. Dico  
 quod sicut corpora à Sole illustrata per arcum fenestræ for-  
 men in subiectum papyrum lumen repræsentat, sic idem visa-  
 rum rerum spectra per pupillæ foramen subiens, in crySTALLINUM  
 depingit: nemo igitur tam duræ ceruicis, insanæq; mentis ab  
 oculo ad Solem per papyrum reflectionem fieri argutabit, tum  
 quod papyrus non reflectit, tum quod reflexio ad pares angu-  
 los fieri iam sancitum est, sed quoquo versus paginam inspexe-  
 ris, semper easdem figuras inspicies. Tertium addemus argu-  
 mentum. E sui regione quis aliquam figuram intentissime aspi-  
 ciat, alter homo è leua vel dextra parte digitum ostendat, si aspi-  
 ciens manum iniecerit, vt digitum tangat, profectò longè à di-  
 gito aerem verberabit, quod erit signum visionem fieri per in-  
 tromissionem. Rem demonstrare clarius iudicamus.





Sit oculus D C, aspiciat rem sibi oppositam F E, alter homo è dextra sui parte digitum obliquè in A ponat, aspiciens si voluerit tangere digitum A, manum iniiciet, vbi non A est, sed in B, & ibi non inueniet. Ratio est, quia A ingrediens per pupillam C, refrangitur in D, relabitur in B, tunc ex centro circuli F, per A punctum rei visæ trahatur cathetus F A, coit cum D C in B, & ibi apparebit. Si radius ex oculo egredietur contrarium eueniret. Sit res visa B, pupillæ punctus D, quærens videre B, per D B, vbi ad C peruentum est, cadet à perpendiculari F E, & veniet ad A, producta catheto ex B ad F, occurret lineæ C A, in A, ibi igitur videbitur B, sed contrarium experimur. Nunc argumenta soluemus. Dicimus quod omnia ferè argumenta vtrinq; adducta *ἀντιστρέφοντα* sunt, à nobis reciproca dicta, quod propositum argumentum referri, conuertiq; in eum possit, à quo deductum est, & vtrumq; pariter valet, vt ex Gellio videre est. Qui fieri dicunt visionem extramittendo, quia idolum montis, aut vastæ alicuius quantitatis ingredi per angustum pupillæ foramen non potest, respondet alter, quia neque ingredi ab eodem foramine radij possunt, vt tantam molam intercipient, si eadem lex erit exeundi, introeundiq;. Si in oculum penetrans radius acum affert, cur egrediens eam non offendit? sic & reliqua. Quod autem vnà cum Empedocle tradit Plato effici visum per luminis ab oculo emissionem, proinde ac è laterna, id esse omnino vanum autumat Aristoteles libro de sensu, & sensibili, quando si ita foret, deberemus etiam in tenebris vti oculis, radio inde promicante, ad medium illustrandum idoneo. Verum quod infert Plato, restingui radium offensantibus tenebris, vanius multo est. Quæ enim luminis extinctio esse potest? extinguatur siquidem humido, aut frigido calidum & siccum; vt in prunis videmus, sed neutrum in lumine recognoscit. Quod sic est, ac ob debilitatem nos latet, interdum claritatis excellentia perire debuerat, aut aqua, aut glacie, quippe ignita corpora hæc omnino patiuntur, sed in oculorum lumine nil prorsus eiusmodi sit. Vnde certa coniectatione Platonis opinionem, vt minus veritati subnixam ruere. Præterea vel lumen lumini coniungitur, quoniam coniunctio corporum est, sed qualitates intenduntur, neq; id etiam assequerentur, nam & intenduntur, quæ eiusmodi sunt rationis, modo exterius lumen & interius

oculorum



oculorum non sunt eiusdem rationis. Qui dicunt ignem oculo contineri, vana dicunt, quoniam intra aquam, cuius naturam sapit oculus, ignis conseruari non potest. Euclides dixit Naturam fabricasse instrumenta sensus concaua, quia receptura erant sonus, odores, & sapores, sed oculum conuexum construxerat, quia foris radios emissurus erat. Dico in illis bene dixisse, sed oculus quia spirituales radios excepturus erat, non nisi conuexus futurus erat, eiusmodi enim figura ad id opus aptissima erat, nel aliter fieri oportuerat, vt suo loco declarabitur. Quinimmo nec necessario lumē ab oculo recipi volunt, vt videmus, quū densioribus tenebris obuallatos, nec luce prorsus vlla oculum contingente, ē longinquo multa visu apprehendamus, vbi comperiatur lumen retegens obiecta. Præterea verum est oculum obiectæ rei imaginem in pupilla ostendere, nam extima corneæ superficies mirè pellucet, intra pupillam verò nigricans videtur, sicut speculis retrorsum allinitur plumbum, vt obscurior illa densitas sit imaginum sufflumen, quod per vitri delapsæ lucidum læuorem densiore obiecto suppressæ non euanescerent. Sed falsum est, quod inde causetur visio, nam res obliqua oculo opposita etiam videtur, cuius tamen imago in oculo non videtur, sed ad pares angulos in alteram partem delabitur, necessaria enim foret rerum oppositio, vt videretur. Si animalia vident noctu, id euenit ex visus præstantia, adeo enim visu vigent, vt splendore in tenebris videant peculiari natura à creatore donata, nobis autem secus euenit, nam ea bonitate visus deficiamus. Et animalia quæ visu affascinant, vel interimunt, non radiorum extramissione id euenit, sed aerem eis contiguum inficiendo, & paulatim ad suum adhærentem transiens, ad hominem vsque pertingit.

*Lucem secundam Idola ad nos deferre. Prop. II.*

**L**VX reflexa ē speculis, vel ē marmore polito, aut metallo eandem lucem generat, vt in speculis cernimus, immo si in speculo fuerint literæ exarata, aut alia signa impressa, in opposito pariete lumen reflectit idem, & cum eisdem characteribus impressis, vt latius alibi docuimus. At si hæc lux non ē corpore poli-

re polito, sed è terra, vel lapide reflectitur, generat lumen, siue secundam lucem. Et si prima lux supra virides arbores, aut rubeas res inciderit, reflectit secundam lucem iisdem coloribus defædatam. Hæc reflexio non ad pares angulos, vt prima lux, sed ex omni parte, vt è centro ad circumferentiam, nec colores solum, sed formas, effigies, & omne quod in luce illuminatur reflectit, vnde lux secunda secum rerû imagines suis coloribus, & figuris insignitas adfert. Hæ nempe imagines non semper in opposito videri possunt, nam vehemens lux Solis debiles illas reflexas obscurat, sed si clauso & obscuro loco resilierint, videntur personæ, & motus, at si per arcta foramina immittantur in obscurum cubiculum, clariora rerum simulachra conspiciuntur, vt diximus. Lux Solis inuisibilis est, nec videtur, nisi reflexa, nam si per obscurum antrum à foramine in parietem ingreditur, & per alterum egredietur, nec aliquid obex ei fuerit, inuisa per illud transibit, si manum opposueris videbitur manus illuminata, & reflexa tunc antrum illuminabit. Solem in die videmus, quia eius radij à terra reperiuntur, nocte non videmus, quia non habent, quo percutiant, solum astra lucida conspiciuntur, quia solida, & Solis lumen transuerberant. In crepusculis videmus, quia radij vapores circa terram existentes offendunt, & matutini, clariores serotinis, quia matutini vapores crassiores ex anteaactæ noctis frigiditate. Feriens Sol oculos visionem impedit, si ferit fenestræ foramen, secum imagines non affert, sic ignium, & candelarum, sed secunda lux imagines, & simulachra secum affert. Aristoteles quod secunda lux & imagines ferat, & videre faciat, ignorans, ait in Problematis. Quamobrem causam manu præ lucerna, aut Sole obiecta melius inspicere possumus? An quia lucernæ, Soli siue lux nostris occurrens luminibus, reddit suam ob nimietatem infirmiora, quippe quæ rem etiam sibi cognatam interimere præ sua possit exuperantia, at verò manu ita arcente, nec luminum acies officii potest, & res visui obuia nihilominus in luce posita est, vnde fit, vt acies plenius agat, & res spectanda nihilominus videatur. In magnis defectibus stellæ ob eandem causam nobis apparent, quod suis temporibus accidisse Thucydides memoriæ mandauit, & nos quoque vidimus. E profundis puteis stellæ interdum videntur, & si Sol sit in meridie, in lapidicinis, & metallicis



licis elaborantes homines quotidie eas aspiciunt. Non est igitur necesse in visione ut oculus illuminetur. Sed res visa, & nos in tenebris commorantes venientes imagines non videmus sed venientes se spectari sinunt.

---

*Lumen per aerem imagines deferre.*

*Prop. III.*

**S**I aer præterea non esset, nec visui locum omnino foret, quæ in parte operæ pretium arbitror Plotini placita inferere, astringentis corpus per se minime necessarium esse ad emicantem ex oculo radium sustinendum, atque perferendum, qui nullo fulguris tibicine, aut substrato suapte natura fertur, nec metuendum ne radius ipse decidat, qui naturam habet luminis. Inter visum & visibile medium per se necessarium est lumen externum, vel proprium, vel objecti valde lucentis.


---

*Visionem fieri in instanti.*


*Prop. II II.*

**A**NTIQUOS & neotericos exercuit hæc quaestio; utrum in instanti fiat visio. Eadem enim est ratio delationis specierum ad oculum in instanti, & delationis radij à Sole ad corpus illuminatum. Alacen Arabs in tempore ferri his rationibus probavit. Non comprehenditur forma à sentiente nisi post eius peruentum in corpore sensibili, nec ab ultimo sentiente comprehenditur nisi post peruentum ad concavum nervi communis, ut lux à corpore luminoso delata ad oppositum corpus, & quum id tempore fiat, igitur visio fit in tempore, & si sensum lateat. Præterea nec sensus sentit venientes formas, nisi postquam passus est ab illis. In passione est alteratio, & nulla alteratio nisi in tempore, ergo forma, aut lux non nisi in tempore defertur, & alia etiam eiusdem rationis adducit argumenta Alchindus contraria his assert, ex experientia quoque in contrarium est. Si igitur visio fit in tempore, & si tantillum illud erit temporis, erit tamen parva magni temporis pars.





Esto punctus A visus, res visa B, perueniat ad A tempore imperceptibili. Sic C duplo maius, ergo tempus quo deferretur C ad A, duplo temporis maius, & si tempus ad huc imperceptibile. Sit res visa D, feratur ad A, veniet ergo in tempore triplicato, quàm C ad A, sed quia eodem tēpore videtur A, & D, idest & quæ propè nos sunt, & stellæ in subitanea oculi apertura, impossibile est igitur, vt tempore fiat. Aliam addimus. Lux incorporea est, sic & radij deferentes imagines, mouentur ergo sine tempore. Sed qui dicunt ad probandam repentinam lucis celeritatem ab Oriente ad Occidentem deferri in instanti, improprie loqui videntur, quum fieri non possit, vt ab Oriente in Occidentem lux mittatur, illuminat semper Sol hemispherium, immo maius, quo illustrato adeò sensim radius repit, & sibi succedit, vt non percipies quomodo ferri videatur.



Esto A Sol in nostro orbe, tellus F. Sol illuminet hemisphaerium B D E moueatur in G, radius, qui prius erat B C fiat D E insensibiliter, quando igitur ex B in C momentum fuit, hac motionem impossibile est deprehendi. Visio igitur in instanti perficitur, lux educens visibiles species, ipsa sese effundit, easq; simul per aerem transuectas in eius extremam superficiem, à qua palpebra coniungitur, statim aperta palpebra, pupillæ species offertur, eiq; coniungitur minimo temporis momento. Neque est verum quod inquit Ptolæmeus, a pertis oculis eorum radios tempo-

temporis momento ad cælum ferri, sed aer pingitur omnibus speciebus, quare aer ubicunq; aliqua specie terminatur, illicò species præsto est, quamobrem & oculus.

*Visionem fieri per rectas lineas.*

*Prop. V.*

**V**T Solis radij per foramen angustum excidentés, & recto prorsus tendentes, nusquam deflecentes, sed inflexibili via videntes, talem intellige & visus viam. Et obiectis etiam corporibus emicant radij, qui ad oculos vsque protensi suapte natura referuntur, quod ratione & experientia perspicuum est. Præterea si consulueris eos, qui dioptræ radijs, chorobatis, & eiusmodi instrumentis vtuntur, videbis lineas ad visum venientes per pinnacidia, & foramina inuicem opposita recta ferri, & si cui eorum quid obieceris, visum impedies, & sic clarè perspicies non in obliquam, sed in rectum radiorum fieri porrectionē. Species è corpore fluunt, & per lucē è corpore elicita, & in pupillam delata, si inter oculum & rem tabula ponatur, tollitur visio, id est si obuium sese efferat opacum corpus. Præterea visionem in instanti fieri iam sancitum est, & quum lineæ rectæ sint omnium breuissimæ, vt forma igitur quamcitissimè ferretur, tectis lineis ferri necessarium erat.

*Visionem fieri per pyramidem.*

*Prop. VI.*

**Q**VVM nos oculos ad rem aliquam contuendam conuertimus, è rei visæ oris radij emanant, qui ad oculos vsque porriguntur, & pupillam pertransientes crySTALLINUM verberant. Imaginari itaq; debemus radios ex oppositè superficiei simbrijs fluentes, quasi tenuissima fila in oculos illabi, & in oculi centro, velut in manipulum vnum colligi: hoc modo visionis pyramidē contemplari licebit, cuius basis in re obiecta, vertex in crySTALLINO erit: si obiectæ rei basis quadrata, vel multilatera, sic quadrata, vel multilatera pyramis erit, si circularis conus, tandem ex basi pyramis nominabitur. Nam vt oculus perfectissimè aspiceret, non nisi per pyramidem opportunum fuerat: nam si

N aliter



aliter vidisset, fluxa, & imbecillis fuisset visio, videlicet si per parallelas lineas, & oculus latior esset, vt parallelas recipere posset, quum parallelæ in pyramide ex vna parte contrahantur. Exemplum erit in Sole, qui à centro ad suam circumferentiam lumen diffundit, ex centro in plures partes, & lumen in pyramides diuisum, nam in circumferentia laxum & diffusum est, in centro verò in cono coarctatur basis in angustum collecta, fortior ibi erit. Igitur ex illuminato corpore lumen cum coloribus ad oculos veniens, in pupillæ angustijs se accommodat, in conum se colligit, & quod in longa progressione debilitatum, & diffusum est, se contrahit, vnde in arcum compressa conus, omnium vigor ibi aderit. Idem euenit in specillis: nam pyramidem diffusam magis cōtrahunt, & coarctant, ob id cum illis acutius videmus. Nos ad hanc rem melius contemplandam artificio contenti erimus, quo Durerius libro suo de pictura vtitur. Figit enim clauiculum capite perforamen in pariete, ex quo trahit filum, ex vna parte pondusculum habens, deinde aliquantisper longè à clauo mensam sternit, supra impagem figit, habeatq; valuam, quæ aptè claudi, & referari possit: habeatq; impago duo alia fila cera affixa: mox stylum capit, in cuius acie filum è clauo propendentem colligat, & socio præbet retinendum. Demum locata super mensam figura polygonâ, vel si mauis solidâ, iubeat socio vt stylum cum filo ad angulos figuræ imponat, tunc fila in impage locata, donec se intersecent in loco, vbi filum pertransit, affigit, hoc facto socius filum remittat, et clausa valua notet punctum intercisorum filorum, postea aperi valuam, et idem faciat, vt prius, donec omnia figuræ puncta in sua valua signauerit, et lineis continuabis puncta, et figuram habebis. Euclides à visibus figuram comprehendens, conum verticem habentem vocat. Sed verè conus non est, sed multilatera pyramis. Idem & Larissens ait, nisi conum intellexerit omne, quod ab oculo comprehenditur, quum in visionem fertur, quia pupilla rotunda est, vniuersæ visionis terminus circulus erit semper, et ob id conus.


---

*Visionem partim rectè, partim refractè fieri. Prop. VII.*

**V**ISIO, nostra partim recta, partim refracta sit, recta visio veritatem et perfectionem, obliqua vel refracta, res aliter quam




quàm sint, ostendit, et imperfectionem, et quia de hac refracta visione maiores nostri nil, aut parum meminere, ob id in multos errores inciderunt, ideo de ea nos pro viribus conscribemus. Nos ea perfecte videmus, quæ intra pyramidem conspiciamus, sci licet quæ ab objecta re proficiscens, et per pupillæ hiatum pertransiens perpendiculariter crystallinum ad recta ferit, et hæc intra radiosam pyramidem concludi dicitur. Radiosa pyramis est figura corporis oblongi, ab cuius basi brevissimæ rectæ in opposito tractæ ad vnicam cuspidem terminantur, cuius basis visa superficies est, latera pyramidis visui radij, qui externi sunt, cuspis intra oculi centrum consideret, si eousq; progrediretur. In pyramidis medio axis est, quæ sola obiectum perpendiculariter ferit, vt pares vtrinq; angulos, et sibi cohærentes faciat. Hæc axis, vel hic radius omnium radiorum acerrimus, et viuacissimus est, nec vsquâ res clarior, perfectiorq; videri potest, hic enim vnica, quasi quadam congeries, à cæteris radijs constipatus fouetur, vt merito radiorum princeps, ac rex dici mereatur. Radij verò medij in pyramide sunt multiuida illa, quæ ab extrinsecis radijs septa intra pyramidem continentur, atq; hi radij velut chameleon, polypus, cæteraq; animalia facillè pauitanti proprietate quadam rerum colores suscipiunt, ne à venatoribus capiantur, vt et ipsi faciunt, nam à contactu superficie, vsque ad pyramidis cuspidem ita colorum, et luminum reperta varietate insciuntur, vt quouis loco intercideretur, eodem inhaustum lumen, acceptumq; colorem expromant. In veniendo colorum proportio, et stylus seruator, et custoditur. Medij hi verò radij visionem quasi minus perfectam faciunt. Est et refracta, vel obliqua visio rerû, quæ ad pyramidis latera consistit, quæ quum per arctum pupillæ foramen ingredi nequeunt, illic corneam, vel aqueum humorem contingentes refranguntur, & ad crystallinum refracti veniunt. Hæc visio omnibus imperfectior est, & quanto à recta pyramide longius recesserit, tanto imperfectissima, quippe nec rerum certos colores, nec locum, sed lucem, et confusam quandam visionem affert. Exemplum apponemus.




Sit oculi pupilla  $EF$ , centrum oculi  $K$ , oculus  $E F I O$ , crystallinus  $M G H N$ . A centro  $K$ , pyramidales lineæ trahantur, in oppositum planum  $CD$ , totum id igitur intra pyramidem contentum  $CD$ , perfectè videtur, omniù perfectissime axis  $PK$ . Sit quoq; pars plani  $CAB$ , veniat  $B$  ad  $O$  punctum, refrangetur in  $H$ , relabitur in  $Y$ , cathetus ex  $K$  &  $B$  occurrit  $HY$  in  $Y$ , & in  $Y$  punctus rei  $B$  videbatur. Eodem modo punctus plani  $A$  veniet in  $I$ , refrangetur in  $G$ , relabitur in  $L$ , & occurret catheto in  $L$ , extensa ex  $K A$ , & in  $L$ , videbitur  $A$  punctus, non suo loco ubi est, nec eodè colore colorata, ut diximus, sed claritatem, & indistinctam rerù molem induet, & quanto ab  $F$  longius recesserit, imperfectius videbitur, sed minus confusa visio in  $L$ , quàm in  $Y$ , & minus in  $D$ , quàm in  $L$ . Quod punctus  $B$  videatur in  $Y$ , hoc pacto demonstrabimus, ne idem toto hoc opere sit repetendum. Diximus a' ibi omnis aquæ corpus rotundum esse, & si cyathum aquæ plenum in Lunæ globo locetur, etiam suprema eius aquæ superficies illi rotunda est, & mundi centro concèntrica, & res in aquis videbitur ubi linea visus distenta cathetum à re visa ad centrum mundi tracta secatur.





Sit aquæ superficies A B, vt nobis videtur plana, sed reuera circularis est, sicut D E C, sit oculus F, sit res visa M, veniat ad aquæ superficiem E, refrangitur ad oculum F, trahatur cathetus à mundi centro K per M, & occurret F E in longum extensæ in puncto L, ibi videbitur M. Sed quia lineæ à centro terræ ductæ vsque ad aquæ superficiem ob nimiam distantiam à mundi centro, quasi perpendiculares sunt, non in I res videbitur sed producta ab M perpendiculari ad aquæ superficiem A B, occurret F E in L, in L igitur videbitur. Eadem est in oculo ratio, nam quando aliquid refractè, vel obliquè conspiciatur, non suo loco, sed vbi cathetus à re visa per oculi centrum ducta occurret lineæ deferentis formam. Exemplum.



Est oculus F, densius scilicet medium, nam aer tenuior est aqueo humore in oculo concluso. Centrum oculi C, res conspecta B, veniat obliquè ad F, non in G decurrit, sed refrangitur in E, extenditur G F in A, extendatur cathetus ex C per B, quousque occurret E F in A, ibi igitur videbitur B. Noctu cubili stratus,





*Visionem fieri veluti per infundibulum.* Prop. IX.

**E**T si vulgò dici soleat visionem per pyramidem fieri, non tamē per integram, sed turtam, & detruncatam, vel ad modum infundibuli: nam radiosā pyramis sola, quæ perpendiculis ad crystallinum producitur, si crystallinus non obijceretur, proculdubio ad conum cuspidatim procederet, sed crystallino obice eam decurtat. Præterea obliqua pyramis plus deformatur, nam lineæ ad oculum se frangentes coincidunt, quasi per infundibulum.




Sit visibile obiectum A B C D, oculi pupilla F G, crySTALLINUS H I, occurrit recta pyramis B C L M, quæ si usque ad k descenderet, proculdubio perfecta pyramis esset, sed crySTALLINI occur-  
su scinditur ab ipsius superficie H I. Esto & refracta pyramis A E, veniat E ad oculum G, refrangitur in M, sic A ad L occur-  
ret crySTALLINO H I, decurtabitur, & erit veluti infundibulum A B F G L M.

*Oculum plusquam cœli quartam videre.* Prop. X.

**M**A X I M A diligentia ab opticis perquisitum est, vtrum  
pyramidis angulus, quem facit in pupilla fuerit rectus  
nec ne: idest si oculus quartam cœli partem vno intuitu videre  
possit, qua in re turpiter lapsi sunt. Larisseus ait visionis angu-  
lum esse rectum à Natura in oculo conformatum, quia anguli  
acuti, obtusiq; incerti sunt, nam augendo, & minuendo infiniti  
sunt




sunt specie, rectus verò finitus. Natura quod est infinitum, veluti indeterminatum, horret, finitum verò tanquam præstantius amplectitur, vnde rationi consentaneum retur visionis angulum rectum esse, idq; etiam phænomenis ostendit. Si quis cælum aspiciat, eius retrartemorion vno obtutu conspicit, & si ad horizon-  
tis circulum oculum conuertamus, eandem ambitus partem cōspicit, constat igitur Mathematica ratione rectum angulum retrartemonem continere. Præterea in circuli circumferentia locatus oculus, totam diametrum conspiciabitur, quod nō eueniet nisi angulus rectus esset, quod vt clarius eius sententia perspiciatur, addemus exemplum.




Si oculus positus fuerit in C, videbit cœli quartam A E, idemque videbit horizonis quartam E B, & A C E, & E C B recti anguli sunt. Præterea si oculus in D positus fuerit, scilicet in circumferentia, totam diametrum videbit ergo A D B rectus est angulus. Vitellius dicit quod maximus angulorum sub quo fit visio est quasi rectus, quod diameter foraminis vueæ quæ subtenditur illi angulo in centro visus est, quasi equalis lateri cubi inscriptibilis sphaeræ vueæ, vel lateri quadrati inscriptibilis circulo magno illius sphaeræ. Rogerius Bacon arduè dicit id esse determinationis, tamen foraminis aperturam, & si sit latus quadrati inscriptibilis intra totam sphaeram non videre cœli quadrantem: ratio est, quia in centro terræ oculus non moratur, commorans igitur super superficiem non videt cœli quadrantem, oportet quod maiorem recto angulum contineret. Sit cœli quadrans A B, terra E F, & à centro D, lineæ D A, & D B trahantur ad angulum rectum in D, & à superficie terræ C, lineæ C A, & C B protrahantur, clarum est angulum A C B maiorem esse recto A D B. Igitur  
vt oculus



vt oculus existens in C, quartā cœli videre posset A B, maiorem recto A C B foraminis aperturam habere deberet.



Præterea nec sphaera vueæ concentrica est glaciali, vnde etsi glacialis, & mundi concentricæ essent, non ob id vuea concentrica est; concludit ergo non posse videre cœli medietatem. Causa vniversalis verò ait, diametrum vueæ esse latus quadrati, quod describitur intra sphaeram vueæ, etsi sphaera vueæ, & glacialis concentricæ essent, sub latere quadrati videretur, & esset angulus ad centrum rectus, sed quia centrum glacialis interius est, remanet latus aperturæ vueæ, minus lateris suis quadrati inscriptibilis. Sed hi omnes sine experientia, & ratione locuti sunt. Sed quid de cætero eis credendum sit, aliis iudicandum relinquo. Primo in oculi dissectione pupillæ foramen vsque ad duodecimam, ne dicam vigesimam partem suæ sphaeræ aperiri, & in luce vsque ad acus tenuitatem constringi diximus. Præterea proprium pupillæ munus esse constringi, & aperiri, vt vidimus; neque vnquam in eodem statu esse, quando igitur determināda erit suæ aperturæ qualitas? Sed re vera oculus maiorem, quàm cœli quartam videt, & præcipuè sero, quando solis abest præsentia, sed id alio modo quàm ipsi putant, sed partim directè aspiciendo, partim refractè. Et id sensui manifestum est nobis ambulando, & sedendo, quod à nostri dextra parte, vsque ad sinistram videmus, & si id non esset, satis homo infelicitè viueret, vt demonstrabimus.




Sit oculus H I, & eius pupilla, accedat radius F à dextris, refran-  
 gatur in M, extendatur in E. Sic K veniet ad H, refran-  
 gitur ad L, extenditur ad B, videbitur tota  
 cœli pars B E, quæ est ultra quartam:-





# LIBER QVINTVS.



## P R O O E M I V M.

**P**OST QVAM affatim visionem per intromissionem, & partim rectè partim refractè fieri recensuimus, mox vbi fractionis linea præcisius incumbit, ne de ijs amplius posterius verendum sit, nunc operæpretium duximus problemata quædam attexere secundum Euclidis, & maiorum placita, sed aliter quàm ipsis visa sunt, soluenda, & fortasse notioribus principijs, & experiētijs.


---

Proximiora maiora, remotiora minora cerni.

Prop. 1.

**Q**UIA vniuersa ferè, quæ hoc libro clauduntur de visione, huic innituntur propositioni, vt quæ propria sint, auctiora, remotiora quidem defectiora videantur, ob id, quæ à nobis exigenda sunt, vt solidiori fundamento nitantur, solertius hoc problema trutinandum censemus. Prius audiat Euclides, quid sic probat. Id præmittens axioma. Sub maiori angulo spectata maiora videri, sic demonstrat.





Sit oculus B, linea proprius admota CD, longius verò KL, priori parallela, & æqualis, perueniat linea KL, ad oculū B, per ductus KB, & linea CD, per CB, CD. Quia angulus SBD maior est KBL, igitur maior videbitur CD, quàm ipsa KL. Sed Plotinus Platonici inficiatur hoc ab Euclide depromptum axioma verum esse, eiusque rationes redarguit, quas, quia alibi attulimus, huc afferre non necessarium visum est, sed vterque lapsus est. Suppositionem, cui Elucidis demonstratio innititur, non omnino veram esse censemus: nam obiectum vastæ magnitudinis si proprius oculo adhererit, maxima illius pars eum latebit, at longiusculè remotum, latiorē partem videbit, nam quum species in conum desinat, quò aciei cuspis longius protēditur, eò laterales axes latiorē intercipiunt magnitudinem. Exemplo res dilucidior fiet.






prop. lib. nostri vestigetur diameter IF, & quia circuli pars IE sexta est totius circumferentiæ lineæ BE, ad diametri finem declinabit F, extendatur EF, & occurrat catheto ex oculi centro H, per B, punctum, extendaturq; cathetus quousq; occurrat lineæ FE in G, puncto igitur punctus B refractus in G, videbitur satis remotè. Secus autem eueniet remotiori puncto D, nam & ipse oculo in O occurrat, inuenta diameter erit QR, lineæ ergo DG propè R refrangetur, & erit OL, longius prorogetur in M, & centro H per D, trahatur cathetus vsq; ad eum locum, vbi decussabit refractionis lineam in M punctus tandem D, in M, videbitur propinquior lineæ parallelæ BM, quàm G. Vnde quanto quacumq; ex parte procliuiiores oculo occurrant radij, tanto refractionis lineæ, quousq; cum catheto coeat, longius egredietur, & visa res res lōgius emicabit: quare si idem ex altera parte feceris, A in P, & C in N videbitur. Maior igitur PQ, ipsa MN.

*Parallelae in plano existentes visui obiectæ, concurrere videntur, nunquam tamen concurrunt.* Prop. II.

**A**VDIAMVS prius maiorum placita. Euclides, quem sequuti sunt omnes, id ita probat.



Sint parallelæ lineæ vtrinq; pductæ AB, CD, oculus E, & sint tria intervalla etiã parallelæ inter eas cõstituta GH, IF, BD, protrahantur










perne monuimus, inferne facias, & planitiem eleuari videbis  
visus acie in medio respiciente.

*Oculus alterutri parallelo plus inherens minus, remotior verò magis ea  
concurrere videbit. Prop. I V.*

**E**T si hoc Theorema minus ex dictis necessarium videretur,  
quo tamen non mirentur ambulâtes per cænacula, aut dor-  
mitoria cænobiorum, aut per regias aulas, quum videant sum-  
mâ laquearia magis descendere, quàm pauimenta ascendere,  
apponere constituimus. quod non alia euenit ratione, nisi quia  
aspicientes oculorum aciem figant in opposito pariete ad sui  
corporis altitudinem, & maior erit verticis distâtia ad rectum,  
quàm ad planum, ob id minor erit refraçtio ex inferiori par-  
te. Et si minus id egere exemplo videremus, vt rudioribus con-  
suleremus, apponere contentis erimus.




Sit oculus S, & vbi aciei mueronem dirigit in opposito pariete  
ibi pone lineam A, & ab oculo Strânsuersam lineam ducito S A  
Parallelus longè à vertice superius distans siue rectum sit R P  
propinquior, siue planities F H. Descendat satis obliquè R pun-  
ctus ad oculum V S, refrangetur, & occurret catheto in puncto  
P C. &




C. & sic R videbitur in puncto C remotissimè, I verò videbitur in D, & M in K descendens à culmine linea CD K videbitur. At F punctus, qui propè oculum minus declivis, minus refrangitur, & videbitur punctus in X, & L in Y, & N in Z. Erit ascensus linea XYZ.

*Aequalibus intervallis in plano oculis subiecto existentibus, quæ remotiora, minora spectantur. Prop. V.*

**I**T A probat Euclides. Sit oculus A, aequalia quidem intervalla B C, C D, D F, ex oculis prodeant linearum ductus K B, K C, K D, K F.



Sed B K ad rectos angulos ipsi plano F B substrato superftet, aut subsistat. Quia maior est angulus B K C ipso C F D, & C K D ipso D K F, maior igitur videbitur B C ipsa C D, & C D ipsa D F. Plotinus Platonius inquit plura oppida longius remota, minus inter se distare videntur, quàm sint, rationemq; affert, quod tunc rei dimensionem planè assequimur, quando singulas eius partes gradatim intuemur, at quum res longius seposita est, particulæ plurimæ latent, meritò igitur totius mensura nos fugit. Secus autem ex nostris principiis.




Sit planum substratum F H B C, æqualia intervalla S D, D E, & sublatus oculus G I O veniat punctus D ad O, refrangitur, & progreditur ad X, cathetus ex G oculi centro per D extensa occurret prædictæ in X, punctus igitur D in X videbitur, sic E in M, & T in A, maior igitur est distantia H M, quàm M A.

*Parallelæ in imum, aut summum extensæ concurrere videntur. Prop. VI.*

**E** A D E M quoque demonstratione ostendere possumus, cur intra puteum conspiciētes paralleli parietes in summo latiores, in imo concurrere videntur, & ex imo cocleas dum aspiciamus in imo latiores, in summo angustiores videātur, quod quia ex eadem dependent demonstratione, sola delineatione rei contenti esse poterimus.

Sit aspicientis oculus in summo putei E, & paralleli parietes A B, C D, intervalla eorum æqualia F G H. Accedat proximior punctus F ad oculum O, relabitur ad E, inde refractam lineam protraham donec concurrat cum futura catheto ex centro oculi E, & puncto F, & erit concursus in puncto I. Sic enim ex puncto G accedat ad oculum linea, & refrangatur, & fluat, quousque ea cum catheto iungatur in L. sic punctus H, in M. Angu-

P 2 stabitur




stabitur igitur linearum concursus in imo putei. Hoc autem euenit, quia centrica linea  $EE$ . per medium excurrrens veritatis vindex recta, obliquas ad se conuenire videbit. Si oculus mox statuatur in imo, & sursum aspiciat, eadem euenient, quæ supra euenerant, stans ad perpendicularum erectus latera in argius coire videbit. Nec Euclidis in hoc loco superfluitas insimulan-



mulanda, duodecimo enim Theoremate probat, quæ obliquitur longitudinem habentium, quæ sunt à dextris ad sinistra procedere videtur, & quæ à sinistris ad dexteram, quod ex nona suppositione probat. Dixerat enim ibi, quæ dexterioribus spectantur radiis, dexteriora apparere, quod ex eodem principio demonstrari poterant: nam lineæ, quæ ab oculis longe concurrunt, dexteræ sinistrorsum, & sinistra dextrorsum accedere videntur.

*Æqualium altitudinum supra oculum positarum, quæ propinquiora altiora, videbuntur. Prop. VII.*

**P**ER octavam suppositionē hoc theorema Euclides soluit. Quæ sub humilioribus radiis videntur humiliora apparēt, & quæ propè oculum sunt, altioribus radiis conspiciuntur. Nos autem eodem principio demonstramus. Quæ enim propè oculum feriunt, & refracta longius fluunt, quousque cum catheto iungantur, sic à suo loco longè superius conspiciuntur, si magnitudo supra fuerit. Eadem res exemplo dilucidior.




Sint tres æquales altitudines AB, CD, EF, & sit AB, propè oculum, & accedat à punctus ad pupillam M. frangatur, & fluat, & deinde cathetus ex oculi centro I. per idem punctum protrahatur, donec incurrat priorem lineam in G. sic punctus A. subtilius

blimius in G apparebit. Idem eueniet de puncto C, qui in H humiliori loco videbitur, & E in I. Et hoc modo in plateis domorum æqualium altitudines in plano erectarum, quæ propè oculum ad astra tolli videntur, quæ vero longè absunt, ad solum descendere.

*Æqualium altitudinum sub oculo positarum remotiores sublimiores videri. Prop. VIII.*

**P**ER septimam suppositionem probat Euclides, quod quæ sublimioribus radiis videntur, sublimiora apparent, nos autem ita probamus. Vbi visionis mucro oppositum locum feriet, quæ proximiora sunt, obliquius feriunt oculum, & longius in imo refranguntur, minus autem, quæ longè, ob id remotiores exaltari videbuntur, mergi verò propinquiora. Exemplum.




Sint tres æquales altitudines sub oculos substitutæ A B, C D E F, & sit A B propè oculum L; & veniat punctus ad pupillam M frangitur, & decurrat linea, mox cathetus trahatur ex L centro oculi, & puncto A, donec accurret priori lineæ G, & sic videbitur in H, & E in I. Trahatur exilis linea per puncta cõcurfus, & erit G H I, remotior pars L sublimior est, depressior verò G, quæ propinquior fuerat.



*Si erecta perpendicularis magnitudinis summitatem inspexeris, procumbere videbis. Prop. IX.*

**Q**UAMPLEVRIMA theoremata quæ sequuntur ab Euclide, Ptolemæo, & Alhazeno prætermittuntur, & ex iam dictis sequuntur, quæ pictoribus, perspectiuis, lapicidis, architectoribus, & cæteris, qui circino, & visu sua opera examinât, quam maximè futura necessaria iudicamus, nam nisi quis aciei cuspidis lineam, quam centricam dicere possumus, quum per oculi centrum, & circuli basis visuæ pyramidis pertranseat consideret, in maximos, & ferè infinitos errores prolabetur, & maiorum dicta inter se aduersantia pernoscet. Ad rê igitur nostram redeunt, si quis erectam ad solum magnitudinem inspexerit, & superne in summo aciem exaltauerit ad oculum procumbentem videbit; nam ex visu lineis solum centrica veritatem assequitur, videbit igitur ædificij apicem in suo loco, at imû oblique oculis feriet, frangetur linea, & longè à suo loco retrocedere facit, vnde retrocedens imum, videbis procumbere summum. Hoc exemplo fiet res clarior.




Sit erecta perpendicularis altitudo ABC, oculus K in imo existens à summum punctum feriat, videbit ædificij apicem in suo loco. Veniet ad oculum imi punctum C in O. relinabit ad centrum, & producta excurrat tantum, quantum cum futura catheto con-



to concurrat, & erit in D, retrocedens ab ipso imo. Sic punctus B in E videbitur, igitur rectam A B C magnitudinem procumbentem videbis, vt A E D.

*Erectæ magnitudinis si imum inspexeris semper summum retrocedere videbitur.* Prop. X.


**C**ONTRA autem si imam ædificij partem quis conspexerit etiam ad perpendicularum erectam, vertex resupinari videbitur, nam quum centrica verum in imo cõsequatur obliqua ex summo veniens ad oculum linea, præ acie refracta fallitur, et falsa oculo exhibet resupinam magnitudinem. Exemplo fiet clarior.



Sit eadem altitudo A B C, oculus in imo existens centrica sua punctum C inferiorem feriat, punctus A ad oculum veniens obliquabitur, et refracta excurret ad D, longius. Sic B, ad E, minus longè. Vnde perpendicularis altitudo A B C transuersa retro C E D ab summitate resupinata apparebit. Vitruuius huius animaduersionis meminit, inquiens Membra omnia, quæ supra capitula columnarum sunt futura, idest epistylia, zophori, coronæ, tympana, fastigia, acroteria inclinada sunt in frontis suæ cuiusq; altitudinis parte duodecima, ideo quod quum steteri-

mus

mus cōtra frontem, ab oculo lineæ duæ si extensæ fuerint, & vna tetigerit imam operis partem, altera summã, quæ summam tetigerit, longior fiet, ita quo longior visus lineæ in superiorem partem procedit, resupinatam facit eius speciem. Cum autem (vti suprascriptum est) in fronte inclinata fuerint, tunc in aspectu videbuntur esse ad perpendicularum, & normam. Sed Vitruuij opinio quoquomodo vera, falsa ve videtur, & dum optices gnarum architectorem optat, se penitus illius ignarum ostendit, sed vt quæ ipse dicit, & nos refellimus, plenius intelligantur, eius rei descriptionem apponemus.




Sint membra A B, supra columnas collocanda B C, oculus D, radij extensi D A, D B, quia A D, longior est B D, ergo A B, resupinata videbitur. Sed propositio hæc à nullo, quod sciam, perspectiuæ scriptore adhuc demonstrata est, nec scio vnde excerpserit, multasq; habet in se difficultates, & nodos, & multorum opiniones afferre oporteret, quas omittimus, ne tædium lectoribus ingeramus. Præterea duodecima eius parte inclinata, nō erunt æquales lineæ, nam si oculus ab ædificij imo abfuerit per suam altitudinem, tunc lineæ D B, & D A æquales fiunt, vt in E: nam quum A B, & A E æquales sint, & axis ad rectum illum angulum secat, erit vterq; triangulus æqualis A E D, & A B D, & sic latera E D, D B æqualia erunt, at solum duodecima pars inclinabitur longè ab imo C seducendus est oculus. Præterea, vt opticæ ignarus neq; locū præscripsit, quo sisteret oculus membra illa inspecturus. Nos autem dicimus, si oculus verticem obnixè aspexerit propendere potius, quàm resupinari videbit, ra-

Q tione

tione iam dicta in præcedenti propositione, & in sexta, qui<sup>a</sup> semper circa centricā angustantur lineæ, si oculus propè imum fuerit, at si oculi cuspidem columnis affixerit inspector, tunc videbit membra illa aliquantisper resupinari, vt diximus.

*Ereclæ magnitudinis perpendicularis si medium inspicietur, illud surgere, extrema resupinari videbuntur. Prop. X I.*

**S**I ereclæ magnitudinis vmbilicum centrica inspectoris feriet, illum tuberosum, & globosum inspiciet, extrema verò recedere, cuiusdam arcus similitudine. Exemplum sic oculis subijciam.




Sit perpendicularis erectus paries A B C, oculus F, cuspis medium feriat B, & sit centrica F B. Summus parietis apex ad oculum veniat F, frangitur, & relabitur extra, & vbi attigerit cathetum, ibi fac punctum D. Idem facies de imo puncto, & vbi C videbitur in E, ibi aliā notam ascribe, deinde prolonga lineam per puncta, quæ super annotasti, & singulari quodam modo se flecti videbitur, vt in medio tuberosa, ventricosaq; appareat, quia summum, & imum recedunt.

*Reclæ*



*Recta linea oculis exposita, cuius medium centrica feriat, conuexa videbitur. Prop. XII.*


**I**DEM eueniet de muris in plano iacentibus erectorum ædificiorum, nam si recta fuerit, oculis in medio respicientibus, conuexa repræsentabitur, nam extrema retrocedere videbuntur. Exemplum ante oculos ponimus.



Sit recta linea ABC, describens ima erectorum ædificiorum fundamenta: oculus sistatur in medio F, vt cuspide percurrat medium ipsius B, veniet ad eum extremus punctus longe remotus C, reclinabit ex fractione, tunc longius producat, & vbi conuenit cathetum, illic adijce notam E. Eodem modo facito per aliam partem vt dextrorsum, vt sinistrorsum procurrent lineæ, postremo de puncto E ad punctum B, & D trahere lineam suam curuam, extremitates omnes adiungendo, & globosam te signasse comperies.

*Concaua linea oculis exposita, cuius medium centra feriat, recta videbitur. Prop. XIII.*


**C**ONTRA verò si muri concaui fuerint, eorumq; medio visus pyramidis cuspis insinuetur, non amplius concaui, sed recti videbuntur: nam eorum extremæ partes ad oculos oblique venientes, & ultra suos limites retro apparentes, concaua superficies recta demonstrabitur. Verum hæc exactius explicantur subiecto exemplo.



Est cōcaua superficies ABC, oculus F, cuius centra FB medio dirigatur, concauæ lineæ extremum C ad F oculum veniat, refrāgetur, & retro iaculabitur in D, ex alia parte idem eueniet ex A, videbitur in E, protracta linea erit recta EBD. Euclides hoc contra quàm nos statuimus docet conuexū inspiciendo planum videri, idq; quia paulatim inspicitur, quod ad rem facere nullo modo videtur.







Sit planum  $A B C$ , oculus in medio inspector  $F$ , vbi visus acies dirigetur  $B$ , & extrema  $A C$ , veniant ad oculum  $F$ , ex refractione retrocedunt, vnde videbuntur retrocedere. Hac ratione quū mare ex alto inspexerimus, in medio conuexum videmus, & præcipue vbi centrica fixa erit, & extrema compressiora, & ibi visus debilissimus, quia vastæ magnitudinis mare.

---

*Visionem terminatam esse.*


*Prop. XVI.*

**V**ETERES, Macrobio referente, humanū radium per planetiæ extentum, sine impedimento nō progredi alterius 180 stadijs: stadium continet octauam partem mille passuum, vt sint millia p. 22 & semis. Aelianus verò docet, quod humanus visus in mari vsq; ad 30 passus potest. Sed hoc simpliciter prolatum vtrumq; falsum est, nam sunt homines, qui acutissimè vident, & sunt lusciosi. Strabo vocatus à M. Varrone 135 millia p. videbat, solitum Pōtico bello à Lylibeo Sicilia promontorio exeunte classe Carthaginis portu omnem numerum dicere. Et sunt

sunt alij tam obtusi visus, vt quæ ante pedes habeant, non cernant. Oportet quoque distinguere visibilia, velut splendores, magnitudines vastas plusquam 50 millia p. videri. Stellas etiam in firmamêto videmus ob earum magnitudinem, & splendorem.


*Cælum vbicunque homo fuerit, rotundum ferè semper videri. Prop. XVII.*

**M**Aximus est ineptorum numerus, qui putat cælum globosum videri, quod verè globosum fuerit, quasi eorum visus ad extremum vsque cæli ambitû protendantur. Sed vbicunque homo steterit, si oculos sursum sustulerit, se circumuolundo rotunda quadam cæli conuisione contineri videbitur, ad oculum enim, tanquàm ad centrum venientes radij vndiq; æquales, longitudinis puta 22. millia p. nec vltra progredientes, oportet rotundum videri. Idemq; in horizonte euenire fatemur, nam vbicunque homo fuerit, se conuertendo rotundû horizonta cernet. Eadem ratione, sed re vera non rotundum, sed ferè rotundum, aut oualis figuræ dicas, nam intercapedo à summo cælo ad capitis verticem breuior est, quàm à vertice ad horizonta. Sunt qui dicant id euenire, quia à capitis vertice ad cælum minor est distantia, quàm à vertice ad horizonta, hoc modo.



Linea enim A B minima est, quia minor ipsa B D, & B D ipsa B E, ex tertio Euclidis, ob id oualis figuræ videri. Sed hoc falsum est: nam in tam longa distantia ferè nulla est. Sunt non parux authoritatis viri Philosophi, qui id euenire dicunt, quod inter nos, & infimum horizonta multa sint interiacentia corpora, sed inter verticem, & cæli summum nullum intermissum corpus, & hæc intersita corpora faciunt, vt distantia

dia productior videatur. Sed hoc quoq; falsum, nam vera causa est, quod dum sursum cœlum aspicimus aciei cuspis ad zenith dirigitur, Horizon obliquè oculum feriet, & ratione refractionis longiùs conspiciari. Hæc clara sunt, vt exemplo non indigant, sed vt huius disciplinæ initiatis demereamur, non grauiabimur apponere.



Cœlum erit  $GLCIH$ , zenith capiti imminens  $C$ , quod centrica ferit, punctus  $H$  ad oculum  $F$  venit, frangitur, & relabitur in  $E$ , vnde punctū  $H$ , longè in  $E$  apparebit. Eodem modo  $I$  punctus in  $D$ , &  $C$ , suo loco, &  $GL$  in  $AB$ , si hæc puncta exili circumscribes linea, ouatam figuram te fecisse cūperies circa horizonta. Ob id non pauci fuere ex antiquorum philosophorum scholis non minimè autoritatis, qui ouatum cœlū putauerunt & confessi sunt, hac, vt spero, ratione fulti, quod ouatum oculis eorum videretur.


---

*Oculo in theatri rotundi medio constituto ouale videri. Prop. XV III.*

**E**X his etiam pendet ratio, cur oculo in aræ medio existente, vel theatri rotundi spatio ouale videatur. Circumferentiæ enim obuiam partem centrica ferit, quæ verò destrorsum, & sinistrorsum fuerint, obliquè ad oculum venient, & ex refractione longè à suis punctis, vnde accesserant, relabuntur, ob id circularis figura, qualis apparebit. Exemplum effingere nitar, & si ex superiore minore necessarium videatur.

Sit






Sit area, vel theatri medium F, vbi oculus statuatur, theatrum GLCIH, ex oculi regione punctus C, vbi centrica feriet. Venit H ad F oculum, veniens obliquè, frangitur, & longius emititur in E, punctus I in D. Ex alia parte idem facies, si G, & L punctus in A & B, videbitur, exili linea circumscribendo puncta, videbitur A B C D E.

*Est locus, in quo æquales magnitudines inæquales videantur. Prop. XIX.*

**H** AEC, quæ sequuntur problemata ad multiplices perspektivæ usus, quam vulgus practicam vocat, necessaria sunt, quum res aliter, quàm sunt, oculis repræsentandæ sint per linearum flexus, circuitus, & obliquitates. Possunt enim res æquales inæquales videri, & inæquales æquales. Hoc problema Euclides ita docet.




Sint magnitudines æquales B C, C D. & circa B C magnū circuli  
R                      culi




*Est locus, in quo inæquales magnitudines æquales videntur.*

*Prop. XX.*

**C**ONTRA verò locus est, in quo oculo appposito inæquales magnitudines æquales videantur. Euclides ita probat.



Sint duæ magnitudines, quarum maior  $CB$ , minor  $CD$ , super vtramq; describantur duo maiora circuli segmenta, sed similia, scilicet quæ angulum æqualem suscipiant, vt æqualis sit  $DAC$ , eo, qui sub  $CAB$ , connexis lineis  $DA$ ,  $AC$ ,  $AB$ , quod per 33. 3. in similibus segmentis æquales anguli, ergo magnitudines æquales videbuntur. Ex supiori ratione falsam dicimus. Exemplum nostrum in medio apponemus.



Sint duæ magnitudines  $AB$ , maior  $B$ ,  $F$  minor, veniat directè magnitudo  $AB$  ad pupillâ  $E O$ , quæ vt est videbitur, veniat pun


R 2 etus




Etus F ad O, obliquè relabitur ad G, extensaq; linea ad C, occurret catheto ex D, in C, connexa B C, æqualis est A B, videbitur ergo æqualis B C, ipsi A B.

*Sphæræ hemisphærio semper minus spectabitur.* Prop. XXI.

**E**VCLIDES contrarium sentit. Ait enim sphaera binis spectata oculis si dimetiens sphaeræ equa intervallo oculorum fuerit, ipsiusq; hemisphærium spectabit.




Sphæræ dimetiens B C, centrum D, & supra tria puncta B D C oriantur tres perpendiculares, diriganturq; in rectum, quarum terminis designetur linea F K L, ipso dimetienti æquè remota, loceturq; alter oculus in F, alter in L. Quia diametro eorum distantia par est, si manente axe D, circumferatur parallelogramum B F C L, circumscripita figura circulus erit, quare hemisphærium tantum ipsius spectabitur sphaeræ.



At si oculorum intervallo illud sphaeræ superabit, plus hemisphærio

sphærio conspicietur. Esto oculorum intervallum  $CB$ , centrum sphære  $K$ , à punctis  $CB$  procidant radij tangentes sphæram in punctis  $DF$ , productiq; mutuo congregiuntur in  $H$ . Pars igitur  $FN$  minor est hemisphærio, ex ijs, quæ probauerat in 23. theoremate, remanens pars  $FKD$ , visa maior erit.



Contra verò si oculorum intervallum minus sphære dimetiente fuerit, minor illius pars spectabitur. Probatq; hoc modo. Esto sphæra cuius centrum  $K$ , oculorum distantia  $BC$ , minor ipsa sphære diametro. Procedant radij ab oculis  $BC$ , tangentes sphæram & sint  $BF$ ,  $CG$ , congregianturq; mutuo in  $H$ . Quoniam distantia  $BC$ , ipsa sphære diametro minor est, igitur ab  $H$  procidentes radij minorem sphære partem intercipient, per ea, quæ supra probauerat. Sed hæc falsa sunt, supponit enim eodem tempore vtrumq; oculum videre posse, quod suo loco falsum demonstrabimus. Semper enim vno oculo aspicimus, & si binis inspectare necessum fuerit, velocissimo ictu visiva virtus huc, illuc discurrit, quod idem esset, ac si oculo huc illuc moueretur. Semper igitur cuiusque sphære oculus minus hemisphærio spectabit, idemque sensit vigesimo tertio proplemate.

---


*Quanto oculus sphære propinquior fuerit, tanto minorem eius partem videbit. Prop. XXII.*

**P**ROBAT Euclides oculum plus hærens sphære, vel columnæ, quod idem existimat, minus videt, & plus videre existimabit, idq; hoc modo probat.

Esto








æquè rotundum Connectantur B A, B F, B C, B D. Quoniam B K & K F, binis B K, K C, altere alteri æquales sunt, & æquales anguli, quia recti, ergo & bases B C, F B sunt æquales, eadẽ quoque ratione B A, B D æquales sunt, sunt & diametri æquales, angulus igitur, qui D B F, angulo C B A, æqualis, videbuntur ergo æquales dimetri.

*Si in lineã supra circuli centrum obliquam, sed semidiametro æqualem oculus steterit, circulus non videbitur rotundus. Prop. XXIII.*

**H** A E C contra Euclidis sententiam est, inquit enim ipse, si quæ ex centro excitatur, non fuerit ad angulos rectos ipsi



plano æqualis autem fuerit, quæ ex centro, circulus æqualis apparebit.


Sit circulus, cuus centrum K, & ab ipso K excitetur non ad angulos rectos ipsi plano K B, sed æqualis ei, quæ ex centro circuli, connectaturq; B D, C D, B C, B A, B F. Quoniã D k, K B, K F, sunt æquales, & rectus est angulus qui sub D B F, quia in semicirculo: eademq; ratione, qui sub A B C, & quæ sub æqualibus angulis æqualia spectantur, vnde diametri, & ex inde circulus æqualis videbitur. Hoc falsum probabimus: nam si quæ ex centro obliqua fuerit, alia pars propius, altera longius erit, ea quæ propè, rectè, quæ longius verò refractè videntur, & refracta longè à loco, in quo sunt videntur; impossibile est ergo vt obliquè iacens oculus plano æqualem circulum videat.

*Ex pupillæ dilatatione omnia se ipsa maiora videri.*

*Prop. XXIIII.*

**M**YDRIASIS, siue platicoria, siue pupillæ dilatatio est, quum maior sit pupilla morbo, quam iustum poscat, vt iridis circulo proxima fiat. Interdum ex toto visum impedit, interdum permultum, vt omnia quæ conspiciantur, ab ijs maiora, quam sint, videantur esse. Causam dicunt excrementitium humorem illapsum, qui aut acruatim, aut palatim fertur, vnde visionis tunica distenditur, & foramen dilatatur. Auicenna, & medici omnes inquirunt ab ijs omnia minora videri, quam sint. Aetius causam affert, ex diffusionem visui spiritus. Sed inuestiganda est mathematica causa. Nos dicimus quod cui pupilla stricta est, omnia ferè obliqua veniunt, & refranguntur, cui lata rectè accedunt, ob id minus refranguntur. Exemplum. Sed hæc distanti variari dicemus.

Sit oculus cuius pupilla A B lata, sit magnitudo C D, ad eam veniat, videbit eam directè, vt est: sit autem stricta O I, veniat C ad O, refrangetur, & relabitur ad E, cui catheto occurret, ex altera parte, veniet ad F, maior est igitur E F, ipsa C D.



*In pupillæ angustia maiora omnia videri. Prop. XXV.*

**P**HTHISIS, seu tabes pupillæ morbus est, quando ipsa fit angustior, rugosiorq; , vt omnia, quæ conspiciantur ab ijs, maiora, quàm sint videantur esse. Causa morbi est condensatio, quam ex siccitate acceptam ferunt. Aegineta id accidere dixit, quando res lumini obiectæ sunt. Exemplū in superiori apposuimus. Sed ne putet quis hæc contraria esse illis, quæ iam diximus, nam in serotino, & matutino crepusculo res maiores videntur ob pupillæ laxiorem obtutum, quàm meridie in pupillæ angustijs. Hoc animaduertendum in naturali pupillæ dilatatione, & constrictione omnia opportuniora videri secundum naturæ necessitatem: nam à natura factum est, ne plus dilatetur, angustieturq; , quàm deceat, quæ verò à morbo fiunt præter naturam accidunt, & naturæ opera peruertunt.

*Senes propinqua minus videre. Prop. XXVI.*

**E**X supradictis iam pendet ratio, cur senes, vt acutius videant res, ex oculis longius diuertunt, velut legere, aut filum in acus foramen immittere. Aristoteles senes procul videre dixit, quia procul radij non coeunt, abducunt rem vbi coire maximè ra-


S

mè ra-



mè radij solent. Sed id falsum est, putat enim ipse hominẽ duobus oculis simul videre, & esse locum visionis vbi radij illi simul coeant. Sed cur senibus radij illi remotius coeunt, & non propinquius? adhuc sub iudice lis est, & quod hoc quoq; falsum sit, monoculi senes rem etiam longius amandant, vt perfectius videant. Sed vera ratio est, quòd senibus pupilla diducitur, reseraturq; , vt cætera quoque membra non rectè suo funguntur officio, humor quoq; incrassatur, vnde maiori luce ad videndum indigent, & ferè ijs similes sunt, qui mydriasi laborant, necesse enim habent, vt quæ videre velint lucidiora sint, magisq; coacta, quod vtrumq; crySTALLINIS specillis emendatur, hæc enim refractione radios vniunt, & lux multiplicatur in eis, humor enim, quem natura pellucidissimum oculis indidit, sordescit senio, & fit tenebrosior. Interrogati à me senes, cur res longius abstrahant, vt perfectius videant? respondent, propè confusa omnia videri, & hebescere visum, quod non nisi ex pupillæ latitudine euenire contingit.





# LIBER SEXTVS.



## P R O O E M I V M.

**P**OST QVAM huc prouecti sumus, vt de visione tractatum, sicut decuit, absoluerimus, videbatur ultima his manus imponenda, nisi problemata quædam superesse viderentur, quæ aliter accepta, nostram institutionem infirmarent, eaq; expendisse valdè præstiterit, eoq; libentius ad ea enodanda accedimus. Cur scilicet binis oculis donatus homo, & vnusquisq; per se satis suo fungitur officio solus, simplicem rem non duplicatam aspiciat? Sed videamus ecquid maiores senserint?

---

Binis oculis obiectam rem simplicem conspici. Prop. I.


**A**EGERRIME nostrorum maiorum animos inquirentium contorfit disquisitio, cur binis oculis simplicem rem contuentibus simplex visio occurrat, iidemq; symptomate quodam correpti duplicatas res videant? Principio ab Aristotele incipiemus, qui querit in problematis. Cur vinolentis quod vnum est, interdum multa appareant? Aitq; conspectus initia

S 2 intus

intus esse, & à vino moueri, & quum initia mouentur conspectus, vis vtraque obiectæ rei partem attingit, ob id res vna geminata videtur. Idem quoque oculo subter oppressio euenit, & quum initia conspectus mouentur, alterum cum altero coire nequit. Idem etiam euenit ex motu intrinseco, & extrinseco vini. Et alibi. Cur distracta conspectuum societate res vna geminari videtur. Rationem dixit, quod vtriusq; oculi radius nō ad idem punctum deuenit, & quod bis noster animus inspexit, inde geminatum se inspexisse existimat. Aphrodiseus eadem, quæ Aristoteles habet, quod oculorum muscoli variè vino completi, factiq; languidi deprauantur, vertunturq; alter sursum, alter deorsum, vnde radij oculorum non eundem in locum concurrere possunt, ob id conspectū rei geminari necesse sit. Constat hoc etiam eo, quod qui alterum oculum premit, sursumq; impellit, gemina omnia videt. Galenus dicit quod nerui optici in vno loco circa cerebrū coeunt, ex quo egressæ per vtrāq; pupillam, & reuertentes eadem rectæ lineæ ad eundem locum, non coeunt. Auicenna medicinalem affert rationem, ex oculorum manu contactu, ex ebrietate, veloci motu, & pupillæ morbo simplicem rem geminatam videri. Idq; ex quadruplici causa euenire. Putat enim primum visionis instrumentum esse crystallinum humorem, sed penes illum nō perfici visionem, nam si in eo visio fieret, res geminata semper videretur, sed simulachrum à spiritibus, qui videndi ratione præditi sunt, per opticos neruos concauos deferri ad eorum occursum, & spiritibus alijs communicant, qui communis sensus virtutem retinent, & hic videndi virtus perficitur. Hi communicant imaginatiuæ, quæ velut penu conseruat, & in vsu promit. Prima igitur causa cur res vna geminata videatur, est instrumenti dimotio à suo loco: nam imagines in crystallinum venientes, quum à spiritibus diuersimode in opticorum neruorum coitu deferantur, rem singularem duplicem vident. Secunda causa ex spirituum per turbatione euenit, vt in ebrietate, nam & si imago in crystallinum fuerit, spiritus, qui illam laturi sunt ad neruorum decussationem opticorum, si conturbentur, visionem conturbant, & ad sinistrum, dextrumq; videtur. Tertia, quod post neruorum decussationes sunt spiritus communi sensui famulantes, qui imagines illi diiudicandas ferunt, qui si conturbentur, velociter ante,



ante, & retro simplicis rei duplicem imaginem exhibent: vt qui ignem circumuertit, nam prius quàm vna pars iudicetur, sequitur velociter altera, & sic altera post alteram, vt igneus circulus conspiciatur. Sic spiritus in anteriore cerebri parte circūuoluti, imagines plures, & se circumuoluentes ostendunt. Postrema ex pupillæ morbo accidit, videlicet constrictione, dilatatione, & conuersione à suo situ, vt rerum simulachra contorqueantur. Albertus ab his eadem. Ex opti-  
corum neruorum dimotione, vt quæ ab oculis adferantur spiritibus communis sensus, non se contingant in vno puncto, idemq; euenire in digiti suppositione. Vel dum mouentur visui spiritus ex cerebro ad oculos propter inclusum ventum, extra metas à Natura præscriptas mouentur, dextrorsum, & sinistrorsum, apprehendunt rem vnā, quasi duplicem. Vel redundantia eiusdem spiritus in communi sensu intra, tunc reddunt, accipiuntq; & priusquàm vna compleatur, inchoat altera, vt vnum stet, alterum moneatur. Sic gutta cadens videtur linea, & mota virga circulus. Vel ex vix morbo, vt diximus. Inter recētiore perspektiuos Alhazen, rem exactius docet, dicit enim, quod duæ rerum formæ ad crySTALLINUM perueniētes, si ibi visio perficeretur, duæ vnus rei formæ viderentur, sed forma recepta in superficie glacialis pertransit suum corpus, & per foramen opti-  
corum neruorum ad communem neruum peruenit, & ibi altera alteri supponitur, vt ex illis duabus formis vnica efficiatur, & tunc vltimum sentiens, vnā rei imaginem sentit, & dum ordinantur non cōprehendit illas, nam si non dum ordinatas comprehenderet, duas sentiret. Ratio quæ eos ad id affirmādum duxit, est, quod quando oculus peruertitur à suo situ, res vna geminata videtur, quum vterque oculus suam recipiens imaginem alterum alteri supponere non possit vltimo sentienti, vnde & dexter oculus vnā, sinister alteram sentit. Argumentum afferunt, quòd fiat per opticos neruos, quod quando aliquo morbo humoribus infarciūtur, perit visus, & remedijs exinaniti, redit visus. Vitellius rē lineis demōstrat, quæ Alhazen longissimis verbis. Dicit enim quòd in medio cuiusq; visuæ pyramidis axis est, qui transit per foramē opti-  
corū neruorū, & quādo duo axes in puncto vno coeunt nerui oppositi, pūcti circundātes axem alter alteri etiam supponitur, & simul concordant in vltimo sentienti.




Est ovifa res A B C, dexter oculus G H I, sinister D E F, pyramis dextra, cuius basis A B C, conus G I. Veniat ad dextrum oculum A C, per neruum opticum concavum H M, usque ad sensum communem L M N, sic punctus basis A per G veniet in L, & punctus alter basis C per I veniet in N, axis verò pyramidis B H, veniet in M. Sic sinistrae pyramidis punctus basis C, venit per F in N, & punctus A per D in L, & axis pyramidis B E, veniet in M. Sic axis punctus M dextrae pyramidis erit idem cum puncto basis sinistrae, & L punctus basis dextrae, & sinistrae pyramidis, sic N utriusque quoque pyramidis, & hoc modo congruentes puncti eiusdem rei per utrumque oculum ultimo deferenti coaptantur. Hæ sunt antiquorum, & recentiorum opiniones. Nos autem aliter sentimus. Virtus enim sentiens, videntisq; una est, & si duo sint oculi, quæ utriq; in paruo temporis momento, ubi necesse erit præsto est, & tam facile, ut nos met ipsi, quomodo id fiat minimè sentiamus, famulantia instrumenta tam citam eiusmodi virtuti obedientiam præstant, ut prius opus exequantur, quàm imperatum sit. Oculos binos Natura largita est nobis à dextris vnum, à sinistris alterum, ut si à dextris aliquid visuri sumus, dextro utamur, at si à sinistris sinistro, unde semper vno oculo videmus, & si omnes apertos & omnibus videri existimemus. Idq; his argumentis probamus. Inter utrumq; oculum mediet aliqua tabula, vel paries, ut alterum ab altero distimet, ac dextro oculo librum opponamus, & legamus, si quis sinistro alterum librum ostendet non solum non legere, sed neque


neque paginas videre valuerit, nisi breui temporis momento videndi virtutem à dextro oculo subtrahat, mutuetq; sinistro. Idem in alijs sensibus euenire videmus, si dextra aure aliquem loquentem audierimus, non poterimus alterum sinistra admittere, & si vtrunque audire velimus, neutrum audiemus, vel si ali quod dextra audiemus, tantundem sinistra deperdemus. Sic etiã si vna manu scribemus, altera lyram tangere, aut aureos numerare nequimus. Alterum argumentum erit, si quis baculum ante se locauerit, & illum parietis alicui rimæ è regione existenti obiecerit, notaueritq; locum, quando sinistrum oculum clauderit, non videbit baculum ab opposita rima dimotum: ratio est, quia vnusquisque dextro oculo cernit, vt dextra manu, & pede vtitur, & qui sinistro oculo, manu, aut pede pro monstro habetur. At si dextrum oculum clauderit, illico baculus ad dextram partem accedit. Tertium erit argumentum quòd natura duos oculos alterum alteri fecit, vt alter à dextris, alter à sinistris hominem ab incurstantibus defenderet, & id in animalibus clarius apparet, nam per semipedem inter se distant, vt in bubus, equis, & leonibus videre est; in auibus alter alteri oppositus est, vt si à dextris, vel à sinistris videndum sit, virtus visiva velocissimè accedens, animal sua munia obire possit. Vnde non simul videre possunt rem eandem. Et si quis situm oculorum in homine inspiciat non in recta linea sunt, vt sine oculorum contorsione rem eandem inspiciant, & si in recta linea videntur in radice tamen cohærent. Sed quæso quæ tam dira hominum insania est imaginari spiritus deferre spectra per foramina neruorum optico- rum, & naturales spiritus intellectualia simulachra deferri? quomodo per foramina neruorum opicorum transeunt, si nobis diligentissimè intuentibus vix occurrerunt, & adeò tenuissimi, vt obtutum effugiant, si verè foramina dici possunt, & sunt Medicorum plerique, qui perforatos esse negent? Quomodo se simul circa cerebrum se decussant, si se vix tangunt, immo alter ab altero distat? Sed quæ larvæ eorum intellectum præstringunt, vt putent per tam longum iter deferri imagines per lineas quasdam ad libitum concinnatas, vt eundem semper situm conseruent? Strabones ab ortu naturæ gemina nõ conspiciunt. Aphrodisæus dicit quòd oculos non sursum, deorsumq; deprauatos habent, sed dextrorsum, & sinistrorsum, quod enim oculi suum obtinent situm, idest directum, radij eundem in locum profluant, atque identidem




dem referant necesse est, quod contrarium est antedictis. Quod linearum illa falsa sit imaginatio, ponamus vt strabo, qui pupilas contra se positas habet, quomodo eueniet illa linearum positio, quin rem duplicem non videant? his enim A veniens ad dex-



trum oculum transfret per G in R, mox in O, at ad sinistrum A per D, per N ad O itidem, sed R in dextra dextri oculi, N verò in dextra sinistrum oculi, & sic ordo visionis peruerteretur, vt dextra sinistra, & sinistra dextra viderentur. Præterea obliquè aspicientibus omnia eo more peruerterentur hoc modo.



Esto conspicienda magnitudo ABC, veniant C ad dextrum oculum per pupillam I ad Q, mox ad commune sentiens I, sed C idem ad sinistrum oculum per F pupillam ad L, mox ad idem sentiens R, non coincidit igitur T, sed labitur in R, sic A dextro oculo in R, in sinistro vero in T, conuersa & contorta omnia videntur, vana igitur & puerilis eorum imaginatio, sed ne illis vaniores videamur, omittendos putamus. Galenus quod utroque oculo videamus, ita demonstrat, sed profectò si ita nos medicinalem artem docuisset, de nobis actum esset. Inquit enim. Quæ oculo dextro cernimus, alibi apparent quàm quæ sinistro; & quæ sinistro videmus, alibi quàm quæ dextro, at quæ utroq; oculo, in horum medio, idq; exemplo demonstrat.



Esto dextra pupilla A, sinistra B, magnitudo visenda D C, ex utraq; pupilla A B visione illapsa videamus D C, sed à pupilla dextra E F, à sinistra G H. At si vno oculo videatur, aliter eveniet, nam sinistro oculo clauso B, magnitudo C D in sinistrâ partem videbitur H G, clauso verò dextro, magnitudo C D videbitur in F E, si ambo simul referentur in C D videbitur. At si qui demonstrationem lineis non assequatur, hoc vtatur experimento. Stans iuxta columnam utrumq; oculum vicissim claudat, & quum dextrum clauserit, quædã eorum, quæ in dextra columnæ parte videbantur, non videbit, & quum sinistrum clauserit, quædam quæ prius viderat sinistro, nunc dextro non videbit, &


si vtrosq; aperuerit, vtrasq; partes videbit. At si à columna paululum digressus vtrumq; oculū aperire, ac vicissim claudere incipiet, & columnam intuebitur, illam repente transilire videbit, si dextrum clauferit, versus dextram partem veniet, si sinistrum, sinistram versus, & simul vtriusq; aspicienti medium locum videre putabitur eius, qui seorsum vtriq; abscondebatur. Sed horum causa alia est, quàm ipse putat. Dum oculo A circulum D C inspicio, quia dextro oculo inspicio, semper eodem loco erit, at si dextrum claufero, dextrum eundem circulū in F E videbo, vt diximus, & si dextrum, & sinistrum claudemus mox binis inspiciemus, si alibi quàm suo loco videbuntur, hoc ex refractione eueniet, vt diximus, quia vni rectè, alteri obliquè cadit. Quòd visio per spiritus non fiat, qui referant imagines primo sentitui, clarum est, argumentaq; quæ afferunt ridicula, & prorsus exhibilanda, frustra enim fiunt per plura, quæ per pauciora fieri possunt, nos apparentias absq; eorū ope seruabimus. Dicunt quòd clauso vno oculo spiritus ad alterum accedunt, ob id surgere, & pupillam dilatari, hoc falsum est, nā si lentè clauferis non eueniet, si verò digito premes, turgidulum fieri alia ratione contingit, nam vbi presseris, ibi acurrit sanguis. Cur autem compresso digito oculo simplex res geminata videatur, ratio est, quòd vbi compressio, ibi virtutis concursus, oculus delicatissima partium pars est, ibi virtus visua occurrens, binis diuisa oculis geminatam rem conspiciamur. Idem autem eueniet, si conatu, & vi binis oculis rem vnā conspiciari velimus.

*Refractionem obliquam duplici modo accidere posse. Prop. 2.*

**D**IXIMVS superioribus libris obliquam refractionem maxime adiunare visionem, nam ita insensibiliter visuæ rectæ pyramidi adnectitur, & ordinatè, vt refractè videns homo se rectè videre putabit, & hæc à dextris, & à sinistris rectam pyramidem ambit. Et exemplum iam adduximus. Secus autem in altera refractione, nam quum homo visuam virtutem vtroq; oculo diuidit, & cum conamine aspicit, oculos peruertit, nec situm seruant à natura ordinatū, & irregulariter cadunt, vnde  
 appa-



apparitiones rerum mirabiles eueniunt, & lógè à suis locis res-  
videntur, & ex oculorum duplicitate, duplicata sin<sup>ga</sup> ularis ima-  
go rei conspiciabitur. Exemplum.



Sit oculi centrum A, centrica verò A C, veniat rei videndæ spe-  
ctrum à sinistris in dextrum citra centricam, & sit E, pupilla B,  
erit linea deferens formam E F, refrangetur in G, in contrariū,  
extensa erit in D, trahatur à centro A cathetus per E, & occur-  
ret G D in D, ibi erit imago rei.


---

*Simplicem magnitudinem vtriq; oculo, citra centricam obliquè inci-  
dentem geminatam videri. Prop. 3.*

**D**IXIMVS simplicem esse naturalem videndi virtutem, &  
simpliciter intuendo, simplicem rem binis oculis conspe-  
ctam simplicem videri. At si naturalem hanc virtutem diuide-  
re velimus, quod nō eueniet sine conamine, distorquendo situm  
oculorum, vt vniciuiq; oculo suæ virtutis pars ascribatur, con-  
tingit rem vnica duplicatam à duobus oculis videri. Cuius  
rei exemplum.

Sit visâ magnitudo A, oculorum centra B C, & inspiciant fir-  
miter punctum H iuncti, oculos cōtorquendo, conantes vtroq-  
oculo H videre. Tunc punctus A cadit dextro oculo in N D. re-  
frangitur in contrariam partem à centrica H E. peruenit in E

T 2 exten-




extenditur, erit  $EL$ , trahatur cathetus ex  $C$  ad  $A$ , occurret  $EL$ , in  $L$ , igitur  $A$  à dextro oculo videbitur in  $L$ . Eodẽ modo cadat  $A$  sinistro oculo citra centricã in  $P$ , descenderet in  $F$ , sed refrangitur in  $G$ . extẽditur in  $L$ , deducta catheto ex  $B$  &  $A$  occurret extensæ prius lineæ in  $I$ : sic punctus  $A$  videbitur à sinistro oculo in  $I$ . Sic clauso oculo dextro  $C$ , non videbitur  $L$ , & clauso  $B$ , abscondetur  $I$ , sed oportet, vt centrica firmiter aspiciat  $H$ , & ambobus referatis, videbuntur  $IL$ , &  $A$  peribit. At si oculi in suũ situm redeunt, & oculi consueto more aspiciant, peribunt  $IL$ , & solum  $A$  videbitur, at si denuo virtus diuidatur, descendet  $A$  ad  $I$ , &  $L$ .

---

*Simplicem magnitudinem vtriq; oculo eis centricam obliquè incidentem geminatam videri. Prop. 4.*

**P**OSSVMVS & alio modo simplicem magnitudinem obliquè oculis incidẽtem geminatam videre, differtq; à superiori, quod hic clauso oculo dextro peribit sinistra imago, & clauso sinistro peribit dextra, idq; eueniet quod ibi citra centricam, hic eis oblique oculis incidit magnitudo. Exemplum.

Sic



Sit oculus dexter C, sinister B, res videnda A, cadat tis centricam C A, in pupillam N, & sit A N ! nō venit in D, sed refrangitur in E, extenditur in I. Trahatur cathetus ex C A, occurret extensæ in I, igitur in I videbitur magnitudo A. Occurrat eodem modo A sinistro oculo per O pupillam, venit non in F, sed refrangitur in G, extenditur in L, ducta catheto B A: occurret extensæ in L, sic A videbitur in L. Sic clauso oculo B aboletur L, & clauso C peribit I, sic virtutem diuidendo vi, videbitur A diuidi, & ad duplicatum iter accingitur, nam ab oculo C videbitur egredi ad L, & ab oculo B egredi ad L, & virtutem vniedo, & oculos ad vsum conuertendo, I & L ad A redeunt.


---

*Vtriq; oculo duplicem magnitudinem obliquè incidentem simplicem videri. Prop. 5.*

**H** AEC conuersa est præcedentis, ibi enim simplex magnitudo duplex videbatur, hic duplex simplex videbitur. Causa est, quod in contrarias partes axis cadunt lineæ. Exemplum.

Sic






Sit vna magnitudo visa I. cadat ad oculum dextrum C, citra centricam in N, & sit I N, veniet in E, sed refrangitur in D, extenditur in A, cathetus verò I C occurret D N in A: pūctus igitur L videbitur in A. Alter punctus L eodem modo cadat in O pupillam, & sit L O G, refrangitur in F, extenditur in A, & à puncto B, & L extēdatur cathetus B L, occurret O A in A, punctus igitur I videbitur in A, duplex igitur magnitudo I L videbitur simplici loco à binis oculis in A. Sic clauso oculo B, aboletur A dimidium, clauso verò C, peribit A dimidium. Et si L magnitudo nigra fuerit, L alba, videbitur magnitudo in A alba nigra; scilicet alba ex parte B, nigra ex parte C.

---

*Vtrique oculo binæ magnitudines rectè, & obliquè incidentes, ternæ videntur. Prop. 6.*

**S**I rectè oculus vnam aspiciat magnitudinem, refractè verò alteram, alter verò oculus refractè vnam aspiciat, duæ illæ magnitudines tres videntur.

Sit




Sit dexter oculus C, aspiciat directè A, & obliquè B punctū qui cadat cis centricam in D pupillam, veniret in M: sed frangitur in E, extenditur in F, extensa catheto occurret EF in F, punctus ergo B videbitur in F. Idem punctus B cadat obliquè oculo H, per pupillā O, relabitur in L, exetndatur IG, occurret catheto exeunti ex H ad B in puncto G, punctus ergo B videbitur in G, sic A B magnitudines videbūtur in G F A ter, sic clauso oculo H, occultabitur G, & videbitur A F à dextro, clauso verò C asconderetur A F. & videbitur G A.

*Ut binæ magnitudines duplicatæ videantur. Prop. 7.*

**V**TRIQUE oculo potest magnitudo altera rectè, altera obliquè occurrere, sic binæ magnitudines quatuor videbuntur. Exemplum.

Sit dexter oculus H, sinister C, & magnitudines binæ A & B. vterq; oculus directè, & æquidistanter suam magnitudinem in opposito existentem aspiciat, oculus H A, oculus C ipsam B. obliquè verò B occurrat oculo dextro H cis centricā in pupilla G, descenderet in L, sed lex refractionis contorquet in I, dirigitur in rectum in M: ducta catheto ex N B, occurrit iam directæ in M. sic punctus B, videbitur in M. Eodem modo A videbitur



bitur in N, ab oculo C: & quāto oculi vehemētius contorquen-  
tur, virtusq; visiva intenditur, eò puncta M N se magis appro-  
pinquabunt. Sed maximè animaduertendum, quod magnitudi-  
nes M N videntur minus coloratæ, & languidæ, quia per refra-  
ctionem videntur. Et si B magnitudo nigra erit, & A alba: vide-  
bitur N nigra, & M alba, & si H oculum clauferis, peribit A N,  
si C ipsa M A.

---

*Binæ magnitudines vtriq; oculo obliquè cadentes quatuor videntur.*

*Prop. 8.*


**P** O S S V M V S, & alio modo demonstrare, vt binæ magnitu-  
dines oculis nostris quaternæ videantur, aliter quàm su-  
periori sermone retulimus, nam ibi altera recta, altera obliqua  
cernebatur, hic verò vtraq; magnitudo vtriq; oculo obliquè ca-  
dit, & si altera alba, altera nigra sit, cohærentes alba nigra me-  
dia videbitur. Cuius exemplum.

Esto



Esto dexter oculus G, sinister H. magnitudo obiecta ipsi G, sit A alba. Et magnitudo obiecta ipsi H nigra sit B, oculus igitur G aspicit B cadit in pupillam P obliquè, veniret in N, sed labitur in M ex refractione. Extendatur ex P in C, & cathetus ex G B occurrat ei in C, videbitur igitur nigra magnitudo B in C nigra. Eidem oculo G etiam obliquè cadat magnitudo alba A in pupillam S, veniret in O, sed frangitur in P, extendatur P S in F, trahaturq; cathetus ex A G, occurrat P F in F, igitur magnitudo alba A videbitur in F. Eodem modo ab oculo H magnitudo alba A, videtur in D alba, & magnitudo nigra B videtur in E nigra. Vnde si claudatur oculus G, aboletur alba F, & C nigra, & si claudetur oculus H, peribit D alba, & E nigra, at si intentius spectabuntur A B, & visus conetur diuidi magnitudines apparentes in C D. coibunt, & videbitur alba nigra, scilicet alba ex parte D, nigra ex parte C.

*Si tres magnitudines in longitudine lineæ ponantur in oculorum prospectu, apparebunt quinque. Prop. 9.*




**S**I in longitudine regulæ, quæ oculis perpendiculariter opponatur, tres chylindri opponantur, & medius directè  
V oculis

oculis cadat, extremi autem obliquè, chylindri quinque cōspiciuntur.

Sit regula A D G, tres chylindri in ea siti A D G, sinister oculus I, dexter H. Inspiciat H dexter oculus directè D. Et cadat à puncto A ad pupillam T linea A T, veniet in S, refrangitur in R, extendatur T R in C, ducatur cathetus H A, occurrit ei in C, oculus ergo H videbit A in C. Sic postremus chylinder G occurrat eidem oculo H, per pupillam T veniet in P, refraçtio cōtorquet ad Q, extendatur Q T ad E, cathetus ducatur ex H G, occurreret prius extensæ in E, igitur G in E videbitur. Eodè modo oculus I videbit A in B, & G in F. Clauso oculo H, peribit chylinder C E, & clauso I, peribit B F.

*Si bini oculi obiectæ regulæ remotiorem partem rectè aspexerint, obliquè proximiozem ex interiori parte, bifida videbitur. Prop. 10.*

**S**I regula oculis rectè opponatur, at pars vna naso, altera in rectum porrigatur mensura vnus cubiti, & oculi rectè




remotiorem partem aspexerint, obliquè inferiorem, dico inferio-

feriorem partem naso propinquam bifidam videri, cuius causa est, quod ea pars, quæ oculis, directè aspicitur, suo loco videtur, quæ autem obliqua, non suo loco.

Esto regula A E D, naso D opposita perpendiculariter, oculus dexter B, sinister C. Inspiciat vterq; directè A remotiorem partem, quippe suo loco videbitur, radio centrico C A, B A. Sed pars E, venit obliquè ad oculum B, per pupillā L, veniret in N, sed frangitur in L, extenditur in G, occurret catheto E B in G, ergo punctus E videbitur in G, & linea E A, videbitur A G. Eodem modo punctus E oculo C videbitur in F, & A E videbitur A F, vnde A G, & A F bifida apparet. Clauso oculo B, abscondetur A G, & clauso C, abscondetur A F.

*Si bini oculi obiectæ regulæ proximiorē partē aspexerint directè, obliquè, verò remotiorem, remotior pars videbitur bifida. Prop. 11.*

**R**EGULA oculis opposita è regione nasi, vt vna pars naso alia in rectum porrigatur naso perpendiculariter, & oculi




inferiorem naso partem proximiorē aspexerint, superior lineæ pars obliquè inspecta bifida videbitur. Ratio est, quæ oculus rectè, suo loco, quæ obliquè, nō suo aspicit loco. Exemplum.

V 2      Esto



Esto regula oculis opposita A E D, dexter oculus B, sinister C, uterq; directè aspiciat punctum E. suo loco E videbit, oblique verò aspiciat A. Cadat linea incidentiæ dextro oculo A I, veniret in L, labitur in N, extèdatur N I in G, trahatur cathetus ex B A, occurrerit lineæ B A in F, punctus ergo A videbitur in F. & iniunctis E F lineæ A E, videbitur E F. Eodem modo cadat oculo dextro C punctus A per H veniret in O refrangitur in M extenditur, & occurrerit catheto C A in G. punctus A videbitur in G, & ducta lineæ G E, videbitur A E, E G. Sic lineæ E A ab utroq; oculo videbitur E A, G A & clauso oculo C aboletur lineæ G E, clauso verò B peribit F A.



*Si bini oculi obiectæ regule mediam partem aspexerint rectè, at inferiorem superiorem quàm oblique, decussata in medio videbitur. Prop. 12.*

**H** A E C propositio ex utraq; composita est, nam prius in remotiori

motiori sui parte recte inspecta, in inferiori bifida videbatur, & post inferiore recte inspecta superior diuisa, nunc inspecta media sui parte, vtraq; pars superior, & inferior bifida videbitur, veluti in medio decussata.

Esto recta linea visa A E T, sinister oculus C, dexter B aspi-  
ciat sinister C, directe punctum E, videbit illud suo loco E. Pars  
longinquior A, vt diximus, cadat vltra centricam in dextram  
oculi partem I, veniet in M, reflectitur in P, extēditur in G ipsa  
P H, cathetus erigatur ex re inspecta A, & centro C, occurret  
P G in G, ergo pars A videbitur in G. Pars regulæ inferior T,  
veniet in pupillam I, procederet in L, sed refractione labitur in  
S, extendatur I S, venit in D, mox ex re visa T, & oculi centro T  
extendatur cathetus C T, quousq; occurret lineæ S D, occur-  
ret in D, ergo punctus T videbitur in D, ergo linea G E D, vi-  
debitur linea A E T ab oculo C. Eodem modo à dextro oculo  
B punctus A videbitur in F, & T in R, & linea A E T videbitur  
F E R decussantes se in E. Sic clauso oculo sinistro C, peribit li-  
nea G E D, & clauso dextro B, peribit linea F E R.





# LIBER SEPTIMVS.



## P R O O E M I V M.

**S**UPERVNT adhuc de visione problemata quedam, scilicet de his, quæ intra oculum sunt, & extra videri putantur, curioso discenti valde necessaria, ob id nos duximus explananda, ut eiusmodi errores ad posteros in infinitum non propagentur. Multi enim sunt, qui disquisitionum tædio præediti, quæ ab alijs scripta sunt, non considerantes, pro veris assumpta, quæ falsa, erroneaq; sic falsis innixa fundamentis, falsissima sunt, quæ deducuntur. Quæ conscribenda duximus, hæc sunt.

---

Colores, culiccs & alia quæ intus in oculo sunt, foris videntur.

Prop. I.

**I**N aliis quoq; sensibus euenire videmus, ut quæ intus sint, foris existimemus. In auribus ex sufflato spiritu intus fieri videmus bombos, tonitus, & sibilos, quos foris existimamus.

Sic



Sic & in oculis euenire videmus; affectis enim tunicis, vel humoribus, multa foris conspiciuntur, quæ intus habemus. In hyposphagmate suffunditur ceratois sanguine, vt aspicientes cuncta subrubra arbitrentur. Hypochyma, siue glaucosis est in glaucum mutatio crystalloidis humoris præ humiditate, & in morbo quoq; regio oualis humor croceus euadit, vt idola per eosdem humores pertranseuntia crocea, defædataq; conspiciantur omnia, sic & si alius color eorum perspicuitatē interturbet, vtpotè plumbeus, fumosus, tenebrosusq; eiusdem coloris spectra refert. In suffusionibus prauis humores descendunt in pupillā, vel biliosi vapores sursum ducti, vnde languentes exiguos culices, araneorum texturas, lanarum vellera ob oculos versari perperam vident. Et in cornea si alicuius morbosæ tabis vestigia subsident, vel vnea tunica quæ substernitur ceratoidi, aliquo foramine peruia erit, quæ foris spectantur omnia, & perforata, & fenestrata videbuntur, vel cōcaua: nam quæ videre nequimus, concaua putamus. Vnde quamplurima intus sunt, quæ foris opinamur.

---

*Splendorum imagines quædam ante oculos versari apparent, quæ intra oculum sunt. Prop. 2.*

**C**ONTINGIT nobis sæpè tussiensibus, aut euomentibus, aut in oculis percussis, vt splendorum imagines quasdam foris videamus, quæ tamen non foris, sed intus habeamus, quorum quidem rationem antequam aperiamus, maiorum placita referre non pigebit. Empedocles, vt diximus, ignem in oculis esse dicebat, Plato ignis participes oculorum orbis Deos fecisse, qui non vreret, sed illuminaret, lumenq; aliquod oculis inesse, etiam si exiguum; animalia multa, quæ noctu vident, argumento esse, quando in tenebris eorū coruscant oculi, & contortis quoq; oculis nostris circulum quendam intus planè intueri. Sed Aristoteles id refellit, hoc non ignis ratione apparere, sed expolitionis, nam quicquid lænigatum, densumq; est, sui natura fulgorem habet, sed non eiusmodi, vt actu medium lucidum efficere valeat, vnde quum nigricans illud in oculorum meditullio Crystallinū existimo politum maximè sit, mirum non

non esse debet, si splendorem retineat, quod si celerius agatur oculus, fulgere percipiat, in quiete non ita. Hoc ideo euenire, quia celeri, & festina agitatione, quod vnum, simplexq; est, quodammodo duplum videatur, in eo enim motu nigricans in alium transfertur locum, in quem fulgorem prius emiserat, & priusquam is deficiat, videt, vt extrinsecus illatum, quo fit, vt videns, & res visa vnum existens, duo quodammodo censeantur: quod si tardior esset motus, prius euanesceret coruscatio, quam nigricas illud dilaberetur. Et in tenebris hoc præcipue fieri, quum interdiu luminis copia splendorem illum exiguum abforbeat, euandumq; reddat. Hæc Aristotelis opinio aliquibus friuola visa est, quum ea pupillæ claritas, neq; etiam moto oculo ab opposito vidente vnquam visa fuerit, neq; simul esse posse, vt suo existens peculiari loco sui fulgorem conspici possit, tanquam alio loco residentem, & vnum esse videns, & re visa. Quibus Alexander obijciens respondit, pupillam magnitudine non carere, fieri enim posse, vt illius quota pars sit videns, alia verò, quæ videatur, idemq; per diuersas sui partes videns sit, & visum, quum fieri non possit, quod vnū duo sint. Sed aliter sensit in suis problematibus, existimans & ipse hanc rationem fallacem, & ad visuos spiritus refert: abductio enim ventris, & pectoris sursum humores, & spiritus compellit, qui cum ad oculos veniunt, visionem conturbant, deprauantq; , vt foris illas imagines ementiatur. Vnde si vapor oblongiori ductu est, imagines etiam hac forma apparere. Item si bilis vaporem illum excitat, aurum imagines imitantur, si pituita albi suspicio occurrit. Ad summum pro figura, caloreq; causæ visa imaginamur. Alio etiam problemate causam reddens, cur qui in fronte percutiuntur, igne videant? Dicit spiritus visui accommodatus per ictū extenuatus ardet, profectusq; in aerem, talis videtur, qualis per ictū redditus est. Sic enim est duobus lapidibus, aut ferris mutuo attritis aer interueniens ictu extenuatus maiorem in modum in ignem conuertitur, quod idem, & in nubibus euenire certum putat. Sed pudet, profecto pudet insigniores hos naturæ interpretes tā puerilia effutire? Quod læuigatio in oculo splendorem efficiat, quod res celeriter motu suum splendorem loco, quo discessetat derelictum aspiciat, quod pars vna lucida sui partem alteram lucidam conspiciat, quod



quod nigricans (siue pupilla) quę non nisi oscitatio, & inanitas pelliculę vueę est, lucida sit, quod vapores ex pectoris cōpressionē, istūve accendātur, & spiritus aquei ignescant, quod spiritus, & humores ascendant ad oculos, qui in suis tunicis conclusi sunt, ex cuius ore, nisi mente capri hęc possunt excidere? Sed veritatē indagare tentandum nobis est. Dicimus igitur aqueum humorem à Natura lucidum constitutum, vt lucem affinem suam extrinsecus insinuantē recipiat, & quasi oculi portitor speciem ab extimo lumine adductam ad intimum crystallinum traiciat, in quo videndi vis sita est, idq; hoc manifestario argumēto probari potest. Si ad hirquos manu oculos comprimās in aduersam partem orbem igneū luminosum, & in medio nigrum intueberis, & si canthos tēporibus premes, ad hirquos lumen videbis. In quiete id non conspiciamus: nam crystallino directē opponitur pupillę hiatus laxus, præcipuē noctu, quum comprimis oculum, crystallinum humorem illum conspiciaberis sub tela vueę, & nigrum in medio existentem, rotundum pupillę foramen est. Præterea quum lucentes felis oculos noctu conspicerem, vidi totum oculum illuminatum intus, eratq; aqueus humor, nam si crystallinus esset, nō nisi crystallinum clarum vidissem. Memini etiam quum puer essem, & anatomicis administrationibus nauarem strenuam operam, quum die humanum oculum secuissem, reliquias noctu aqueo humore madefactas quasi lucere vidisse, & causam ignorasse. Auerroes libro de sensu, & sensili dicit in oculo esse lumen proprium, sed non declarat quo resideat loco. Augeę micantes oculos celebrat Apollonij interpres. Augusto adeo nitescabant oculi, vt si intentius aliquē intuitus esset, cogeretur is, ceu splendoris nimietate caligaret, vultum submittere, quod si crystallinus lucidus esset, id non accideret, quum in profundo lateat. Vnde in oculi percussione à suo loco dimotus crystallinus, vel aqueus humor, quasi igneus scintillat. Idq; dum experirer ipse ex diutina oculi compressione, læsus oculus, si cito casu aliquo reuoluatur oculus, igneū orbem in parietibus oppositis coruscantem video. Sed in sequenti hęc latius explicabuntur.



*Noctu quædam foris videri, quæ intra oculos adsunt.*

*Prop. 3.*

**T**IBERIVS Cæsar prægrandes oculos habuit, & qui (quod mirum esset) noctu etiam, & in tenebris viderent, sed ad breue, & quum primum à somno patuissent, demum rursus hebescebant. Hæc ex Suetonio. At Plinius. Tiberio Cæsari eam oculorum naturam fuisse, vt expergefactus noctu paulisper haud alio modo, quàm luce clara contueretur omnia, paulatim tenebris sese obducentibus: nec alij genitorum mortalium fuisse naturam. Sed quod mirum in Tiberio Cæsare dicit Suetonius, nec vlli mortaliū Plinius: hanc ipse oculorū naturam sortitus sum, plerosq; habui amicos. Et complures etiam legi eiusmodi naturæ cōsortes. Sed in huius disquisitione maiores nostros cōsulamur. Aphrodisæus querit cur per noctē inter dormiendum repente oculos aperiamus, & lucē percipimus? redditq; rationē, quia spiritus vidēdi coactus amplificatusq; in dormiendo vniuersus larga copia erumpit per tenebras, atq; elucet, itaq; speciē quandā lucis meritō potest conspiciari. Et alibi causam reddens cur animalia quædā noctu cernant, alia minimē? etiam ad visuos spiritus reddit. Inquiēs. Qui spiritum visuum crassiorē habent, quàm vt aerem permeare vsq; ad rem videndam valeat, solis absentia refrigeratur, & per noctem crassescit, vt interdū videre nō possit, at interdū aeris beneficio, qui tenuis, & calidus videt, feles verò hyænæ, & vespertilioes spiritū quidem illum visoriū tenuissimum, & lucidissimum habent, ita vt per noctem modicē incrassescēs, idoneus ad rerum conspectum reddatur, interdū verò supra modum extenuatus expanditur, & euanescit. Leones acutiuscula luce præditi sunt, argumento pupillæ, quæ præfulget, atq; humidæ partes oculorum, quæ dilucidissima est, (humorem aqueum puto) ob id per solem ingredi acriorem non patitur, & ignem etiam interdū eā ob rem fugiunt. Mihi autē videtur ob pupillæ laxitatē, & aquei humoris perspicuitatem euenire. Videmus enim in nocti uagis animalibus, vt fele, noctua, bubone, & cæteris pupillas ultra modum dilatari, vt sola pupilla sine iride, & albugine conspicua oculi pars videatur. Præterea eorum aqueus humor pellucidissimus est, vt præsentī inspectione patet. Et qui pupillis latis præ-

Præditi sunt, noctu tuto ambulant, vt ferè in tenebris videant, Præcipuè in iuuentute, quando humor pellucidior est. Audiui<sup>a</sup> ab amico, qui tribus mēſibus obscuris carceribus oclusus fuerat, & poſt videre cœpit in tenebris, paulominus, ac ſi in lumine eſſet, quod euenerat, & pupillæ dilatatione in tenebris, ac carceribus exclusus, per multos dies cęcutiebat. Quū ego puer eſſem nocte intempeſta expergefactus interdum cubiculum totum, & quę in eo erant ſupelleſtilia clariffimè conſpiciebam, & id tandiu durabat, quandiu immotas palpebras haberem, in iuuetute crebrius, in ſenectute rariùs, quia aqueus humor craſſeſcens tenebroſior redditur. Sed præteritis annis, quum id accidiffet, animaduerti facie cubili impreſſa recubuiſſe, & quum puluinar molle, oculi prominentes, capitis pondere, oculi in ſomno vehementer comprimebantur: idq; quum iterum tentarem, & oculos vehementiùs intus comprimerem, apertis oculis ſplendorem quendam maximum, ſed ſupelleſtilia nō videbam. vnde animaduerti ex oculorum compreſſione pupillam dilatari, & pupillam, vel cryſtallinum à ſuo loco dimoueri. Hic igitur perſpicuus humor veſtabulum eſt ſpecierum rerū in cubiculo exiſtentium ad cryſtallinum, & hic illuminati aeris vice fungitur, vnde quę intra oculum ſunt, extra in parietibus mentiuntur.

---

*In cerebri diſtillationibus, iris circa lucernam apparet, quæ intra oculum cauſatur. Prop. 4.*


**A**RISTOTELES in meteorologicis ait circa cādelas, vt plurimum Auſtralibus flantibus hyeme tota iris fit, & maximè manifeſtam fieri humidus oculos habentibus, nam horum viſus propter debilitatem refrangitur: idq; fieri aeris humiditate, & ab euaporatione à flāma deſluente, & miſta, tunc enim fit ſpeculū, & propter nigredinem, fumoſa eſt enim euaporatio illa. Sed iris lucernæ ab ea in hoc diſfert, qđ id lumen non albū, ſed purpureū apparet circulariter, & irinum, non autē puniceū, eſt enim, & viſus paucus, qui refrāgitur, & nigrū ſpeculū. Seneca. In balneis quoq; circa lucernā tale qđdā aſpici ſolet, ob aeris denſi obſcuritatē, frequentiffimè autē Auſtro, quū celū maximè



graue, & spissum est. Alexander, & reliqua Peripateticorū turba ab eo eadem. Profectò huius seculi pluries calamitatem deplorauī, vt si aliquis primo erret, omnes mox suas captiuantes opiniones, primum errorē sequuntur, sed quomodo id fieri possit, quamplurimis diebus aduigilaui, tandem multa cōtrariari cognoui. Et primo. Si lumen candelæ oblongum, vel pyramidale est, cur igitur iris nō est oblonga, vel pyramidalis: si ab omni luminis parte æquales linæ proiiciuntur? Secundo. Si circa candelam est, cur accedendo minuuntur, recedendo maiores fiunt? Quod contrarium esse deberet, nam quæ longius distāt, minora videntur. Tertio papyrum perforando, & opponēdo luminī candelæ, & papyrus sit media intra oculum, & candelam, tunc non circa candelam videtur iris, sed supra papyrū. Quarto si Aristotelica causa eueniret, non videretur iris, nisi Austro flante, & ære humido existente, & oculis ophtalmia laborantibus, sed solū oculis laborantibus semper videtur iris, vel calido, vel sicco aere, flantibus septentrione, Zephyro, & alijs, non ergo ex illa euenit causa. Sed veritas est, quod iris non circa candelam sit, sed intra oculum, nam si circa candelam, non iam ex dictis experiētiis, nec in medio aere fieri potest, non alibi igitur quā intra oculum, & si intra oculum non alibi, quā in humore aqueo. Radij enim lucernæ pertranseunt humorem aqueum, qui non tunc lucidissimus, & pellucidissimus, vt in sanitate, sed in ophtalmia, vel distillatione laborantibus fit roscidus, & quasi guttulis congelatus laterales radij pertranseunt, & se refrangentes intra oculum colores generant, vt culpis illa tricolor efficiatur, nam primo lumine flauus, postremo, quod crySTALLINUM tangit, purpureus, vel cæruleus, viridis in medio, qui omnes ad refractionum loca percurrentes, circulum circa candelam rotundum efficiūt, quia rotunda pupilla est, & qui primus crySTALLINUM tãgit, superior efficitur halurgus, qui ceratoidem flauus, & luminī proximior. Clarioris intelligentiæ gratia exemplum apponemus.

Sit candelæ A B, cuius radij perpendiculares pertranseunt irrefracti, obliquus B F, ferit pupillam F, refrangitur à cornea in contrariam partem quia eis centricam G N, & accendit ad G, crySTALLINUM, extenditur in D, cathetus ex luminis centro N, & re visa B, trahitur, occurritq; F D in P: ibi ergo color proximior cry-





crystallino cæruleus. Vnde circulus  $PEDQ$  cæruleus. Si enim ex oculi centro traheretur cathetus, nō concurreret cum linea incidentiæ. Causa, quod quanto te elongaueris à lumine, eò maior circulus iridis augefcit, est, quod pyramidis lineæ quanto magis producantur, latiore spatium intercipiunt. Quod solum suffusionibus, distillationibus, vel ophtalmia laborantibus videatur circa candelam iris, & non Euro, vel Austro flantibus, vel aere humecto existentibus, & candela fuliginosum aerē faciente, consulant Medicos, & præcipuè Demosthenem medicum, dicentem in suffusionibus, vbi ad pupillam humores descendunt, offundunturq; aliqui circa lucernam circuli vidētur.

---

*In vertigine omnia circumuerti videntur, quæ firma manent, sed humores intra oculos mouentur. Prop. 5.*

**T**HEOPHRASTVS vertigines fieri putat, libro  $\pi\epsilon\pi\iota\ \delta\alpha\lambda\upsilon\gamma\omega\nu$ , vel quum spiritus alienus circa caput venerit, vel ab humiditate, vel à circulari capitis motu, hæ causæ cerebrum inuadentes, vel afficientes afficiunt, vt omnia circumuolui videantur, nil enim in visu differt. Vtrum intrinsecus, aut extrinsecus mouens sit. Aristoteles in problematis rationem reddēs, cur ebrijs omnia circumferri videantur, dicit quod visus mouetur à vini calore, & videntur res moueri, nihil enim interest an visus moueatur, an res cōspectui obuia. Circulariter moueri videntur, quia res visa conus basis est, & quum visus rem con-

spe-

spectam nō deferat, circumferri videt. Aphrodisæus clariùs loquitur. Vinum haustum vaporosam spirituum exhalationem ad cerebrum mittit, qui spiritus quū digeri, & consumi nequeant, prius quàm tēporis spatium concoquantur per cerebrū voluuntur, & perturbati ita per conspectiuos nervos ad pupillam profuunt, faciuntq; vt obuiæ res tales videantur, quales ipsi sunt: affectum enim interiorem foris esse imaginamur, quo fit vt vertigine tantisper tentemur. Mihi verò aliter videtur: nā fieri non potest, vt spiritus ad cerebrum perueniētes per opticum neruū transeant, cuius tam angustus est aditus, si verè aditus est, vt vix quicquam admittat, & in oculū intromissus à retiformi tunica, & à crySTALLINO præpeditur, ne in aqueum humorē pertranseāt, nisi enim illuc peruenierint, non perturbabunt visionem. Neq; res secundum circulū se mouentur, qui basis est visionis, vt Aristoteles inquit, quia falsum est, & res se habet aliter in visu. Nulla res extra videri potest intra oculū, nisi quæ in aqueo humore, aut cornea fuerit. Incalescente igitur cerebro aut vino, aut aliquo symptomate facit, vt vicina quoq; ferueant, oculi enim cerebro maximè propinqui sunt, igitur incalescunt, quæ calescūt in vaporem soluuntur, qui si liberè spatium datur, in aurā abit, si concluditur, nam ceratoide consespitur, circa eam vertuntur, vt accidit in bullientis aquæ lebate, incalescens enim vno latere circumuertitur aqua, sic vapores radialem pyramidem commouentes, facit vt res à suo loco moueri videantur, non circulariter, vt dicunt, sed à dextro ad sinistrum, vt semper pergat ad sinistrum, & nunquam perueniat. Idem accidit respiciēdo lapides sub aquis fluuij delabentis, nam moueri, & excurrere videntur quum suo loco non redeant, & quanto longiùs res cōspecta erit, eo magis circumuolui videtur, proprius verò minus.

---

*Res vna, lmo oculo conspecta geminata videri potest. Prop. 6,*

**A**RISTOTELES in problematis rem vnā plures videri posse probat, idq; multoties vinolētis accidere, atq; euenire, vt quum visus cōmoueat, nunquam quiescat in re conspecta, & quod eodē tempore variè cernitur, aliqua prius, aliqua serius occurrunt. Visus enim visibilia percipit tēpore interposito,



fito, id ergo quū sepiſſimè contineat fieri viſum, videbitur res repetita, vt duo ſint. Sed obſcurè admodum Ariſtoteles loquutus eſt, veritatem naſti lucidioribus verbis rem aperiemus. Diximus in præcedenti, quòd res circumferri videbatur, quæ ſuo loco manebat, quia vapores ab humore aqueo eleuati intra oculum circumferebantur, nunc cadē de cauſa ſi vapores non circumuoluuntur, ſed rectà mouentur, vel tumultuariè pulſantes, & commouētes pyramidum latera, res vna quę hoc modo videbatur, eodē quaſi temporis momento, alibi conſpicitur, & quia viſio, & diſcretio, vt Ariſtoteles dixit, ſit in tempore, quia in ea viſione citiſſimus eſt motus, res vnà plures vidētur. Exemplum habemus in igne, quē ſi aliquis citiſſimè circumuoluet, circulus igneus apparebit, & in trochis, qui citiſſimè circumuertuntur, punctus in baſi, circulus videbitur ſic, & in mola piſtrini. Vnde ex vehementiſſima motione vaporum in aqueo humore, duæ res videntur vna. Auerroes in ſenſu, & ſenſili dicit viſum nō videre, niſi habuerit integrum organum, & non perturbatum. Iracundus quoque in hora ſuæ iræ ex feruenti corporis, & ſanguinis calore viſus intercipitur, & ſimplicem rem duplicem videbit, nam vt ebrietas, ita ex iræ excandefcentiā vapores ex aqueo humore ſuſcitantur. Auicenna plures cauſas aſſert, præcipua innititur his, quod vbi coeunt optici nerui, ibi duæ imagines duorum oculorum videntur vna, ſed vapores, vel humores ex cerebro descendentes, & neruos concutientes faciunt, vt res vna plures videantur. Pentheus furijſ agitatus quę ſimplicia erant duplicata videbat. Virgilius.

*Eumenidum veluti demens videt agmina Pentheus.*

*Et Solem geminum, & duplices oſtendere Thebas.*

Et Ariſtoteles etiam cauſam ad opticum neruum refert. Initia conſpectus à vino commouentur, & totum caput ſollicitatur, & quum initia conſpectus mouentur, idem ſe applicare non quit, ſed quaſi partem rei objectæ, viſ vtraq; conſpiciendi attingit, meritò igitur res vna ſuſpicionem recipit geminationis, quod idem & oculo ſubter oppreſſo ſolet euenire, conſpectus enim mouetur initium, vt ei coire cum altero non amplius liceat, ſed hic motus extrinſecus eſt, vini autem intrinſecus eſt, nec quicquam intereſt, idem enim ſequitur qualitercunque aſpectum commoueris.



*In delirijs multa simulachra videntur, quæ nusquam sunt.*

*Prop. 7.*

**A**IT Aphrodiseus. Qui per febrem arduam delirant, atq; infaniunt, ijs de cerebro ipso vapores ad conspectorium spiritum funduntur. Auerroes in colliget. Quod propter aliquam ægritudinem, aut propter timorem, aut mestitiam soluitur quidam vapor, qui cerebrum peruadit, imprimendo in illud optatæ, aut formidatæ rei simulachrum, mouetq; vna spiritum animale, & motus ad imaginationem vsq; peruenit, deinde eodem spiritu communẽ sensum mouet, qui particulares vnde res, quæ intus agitur, foris existimatur. Hæc Auerroes. Sed humor melancholicus, vel mania vim habet aliquando, vt idola reseruata in memoria in vigilia videantur, quæ in somno videnda erant. In somno feruntur idola ad communem sensum, qui est in corde, sic nobis repræsentat præterita, ac si præsentia essent. In furore verò, & mania quum organa intus perturbentur, neq; suum seruant ordinem, ea nobis extrinsecus videntur, quæ oculis non aspicimus, non enim verè videntur, sed imaginatione, Philosophi phantasmata vocant, & exteriori sensorio deferri dicunt. Memini quum ipse ardenti febre laborarem, & iam morti propinquus, videbam propè cubile heremitam è sacello egredientem, ac campanas pulsantem, quumq; eum rogarem ne importuno sonitu cerebrum excrucicaret, mihi in ludibrium linguam exerebat, qua de re maximè angebar, neque ea phantasmata ante oculos mihi videre videbantur, sed veluti somnium vigilantis. Sic fuit & phantasma Cai Cæsij, quando sibi in medio pugnae in campis Philippicis Cæsar apparuit minabundus, & cuius vultu ob terrorem aufugiens dixit, quid aliud superest, si occidere virum parum est. Orestes fur ijs agitatulus semper videbat matrem ab eo occisam, & furias perferre. Vnde inquit apud Euripidem.

*O mater obsecro te ne mihi immiseris  
Sanguinolentas puellas, & serpentibus horridas  
Ipsæ enim, ipsæ iam proprius me impetunt,  
O Phæbe necabunt me aspectu canino truces  
Terribiles inferiorum Sacerdotes tremende Deæ.*

*Virgi-*

Virgilius.

*Aut Agamemnonius, scænis agitatus Orestes,**Armatam facibus matrem, & serpentibus atris,**Quum fugit vltices sedent in limine diræ.*

Sic &amp; multa fieri accidunt, quæ à dæmonibus putantur.

*Phantasmata foris videri possunt, quæ sunt intus. Prop. 8.*

**N**OS quibuscumque propinatis possumus facere, ut quis ea foris videat, quæ intus in cerebro, & in imaginatione sunt, idque facillime ex iam adducta ratione, E vino, & cibis sursum feruntur vapores, secum naturam editarum rerum ferentes, atque cerebrum inuadentes imagines, & phantasmata imprimunt, ex quibus orta sunt, at si venenosa quædam admiscuerimus, & organa, & rerum ordines perturbabunt, ut quæ intus fiant, foris putet, nec affectus discernere poterit. Quum puer essem mandragoræ vinum mancipio meo propinaui, & non multo temporis intervallo horribilia phantasmata se videre dicebat, à bubus cornibus impeti, quod non alia ratione contigit, nisi quia bouinam carnem paulo ante comederat. Maniaco solauo, vulgo bella donna dicto, & stramonio in vini spiritu propinatis, cum quorundam animum, & quadrupedum cerebro, effeci, ut qui id hauserant, se in eiusmodi animalia conuersos dicerent, & admirationem, risum, & cachinnum spectatoribus patebant maximum, de quibus alibi pertractauimus: & simile videtur id arte factum, quod euenit natura in febribus. Nec mirum si aliquando foras aliquid putamus fieri, quod intus habemus.

*Aliqua maiora videri, quæ verè non sunt. Prop. 9.*

**Q**UO videndi instrumentum aqueum futurum, iam supra demonstraui, sed Deus Opt. Max. ne per aquam in visu deciperemur, ad eam tenuissimam illam creauit, ut vix ab aere tenuitate defferret. Sed hæc aqua in distillationibus cerebri, & in suffusionibus crassescit aliquando, ad eam ut veram visionem conturbet, ut non solum irides videamus, sed res aliquanto maiores,

Y quam



quàm sint, & in visu facillimè decipimur, vnde putamus res foris maiores esse, quæ non sunt, sed humor oculi crassior factus. Et idem est crassio oculi humore videre res in suo esse, quàm sano oculo pyra, vel cerasa aquis merfa, nam multo maiora, quàm sint videntur, vt diximus. Valerius Flaccus.

*Qualis in Alcidem, & Thesea Rhæsus iniqui  
Nube meri, geminam Pholoen, maioraq; cernens  
Astra ruit.*

---

*Affectiones in oculis seruatas, in conspectis rebus videmus. Prop. 10.*

**D**ECIPIMUR quoque in visu, quum affectiones vehementium visibilium adhuc in oculis seruamus, & alias res inspicendo, eiusmodi effectibus affectas videmus, alteratis enim instrumentis, non instrumenta, sed obiecta putamus alterata. Exemplum erit, quum Solis fulgorem, aut globum aspiciamus, aut reflexam lucem ex speculis: vel politis corporibus, amoto enim Sole, remanet adhuc in oculis splendoris affectio, & quæcunq; spectamus primo flaua, rubraq; , mox viridia, cæruleaq; : & quousq; affectio illa oculis asseruatur, eousq; obiecta alterata conspiciuntur. Qui diu rotas circumuoluentes aspexerint, & si aliò transferant oculos, etiam rotata vertigine omnia circumuolui videbit, quia adhuc in oculis species illa rotationis asseruatur. Sic etiam quum rapidos, & præter fluentes fluuios spectaueris, quæ deinde videbis etiam aufugere putaueris, dum affectionis reliquæ in oculis perdurabunt.

---

*Ascendentem solem quasi circumuolui videri. Prop. 11.*

**R**EMANET hoc absoluamus problema, quod non medio-  
cris literaturæ viros distorsit, cur ascendentem solem inspicendo, illum quasi in se ipsum circumuolui videmus, sic etiã & descendentem in occasu, idem etiam euenire videmus in cuiusq; fulgoris repentino occurfu. Cuius ratio est, quia ex repentino cum solis, cū cuiusq; fulgoris occurfu, pupilla, vt diximus, illico constringitur, cuius constrictu humor aqueus commouetur, & quia circularis pupilla, circularis eius erit commotio,


com-



commotio enim humoris in causa erit, vt quæ foris videantur, circumuolui appareant.

*Rerum apparentium distantias intra oculum distingui. Prop. 12.*

**Q**VAE hucusq; rationes adduximus, non aliò nostra intendit intètio, nisi vt demonstraremus quomodo nos distinguimus magnitudinum distantias, scilicet vt res vna ab altera distet, res tam arduæ difficultatis, quod inquirentium philosophorum animos nò parum distorsit. Sed aliorum opiniones repetamus. Aristoteles nò alio modo res inter se distare comprehendendi posse dixit, nisi inter vtramq; intermedio cognito, cuius opinionem tum cæteri philosophi, tum perspectiui sequuti sunt. Plotinus Platonice quæritur cur remotissimæ à nobis magnitudines, & si inter se distantes stadio videtur minori inter se spatium distare: atq; quod vbi confusus formarum cernimus varietatem, ibi nec quantitatem interualli discernimus, vt alibi longius prosequuti sumus. Nobis verò rem tam arduam perpen-



dentibus, ita diiudicare visum est. Quemadmodum in speculis conuexis res oppositæ omnes in semetradio ex cetro ad circumferentiam perspiciuntur, ita & in oculo ad conuexi speculi

formam conformato enenire existimamus: nam res quæ speculo propinquior est, proximior superficiei apparebit, & quæ longius centro vicinior, sed verè rei visæ punctus est vbi linea formam oculo referens, cathetum à speculis centro ad visam rem ductam interfecabit. Cuius exemplum apponamus.


Sit conuexum speculum D E F, oculus A, res visa altera longior B, altera propinquior L, per punctum speculi D video rem B, quia angulus A D C æqualis angulo C D B, extendatur A D in lōgum quousq; occurrat catheto ex H centro speculi ad rem visam B, & erit in G, sic res visa L per punctū E videtur ab oculo A: quia anguli A E I, I E D pares sunt, extensa A E occurret eidem catheto in F, propinquior speculi superficiei D E. Sed hæc ad oculum traducamus afferamusq; exemplum.



Sit oculus G L I D H, centrum eius F, sint duæ magnitudines altera remotior A, altera propinquior C, sit centrica F E D B, & veniat A magnitudo ad L pupillam, descendet in D, ad centricam in F B, & C per L pupillam extendatur in E, sublimior est E ipsa D, quia quanto depressius venerit, eò altius feriet centricam, & quanto dexterior punctus erit, dexterior cornea, & crystallinum feriet, & ibi oculus discernit veritatem, & estimabit foris. Sed de his fusius in libris de speculis. Hinc etiam prouenit cur natura rotundum oculum affirmarit, quia omnem figuram capere potest, non autem planum.



# LIBER OCTAVVS.



## P R O O E M I V M.

**S**UPERIORIBVS libris de conue-  
 xa, & concaua corporum refractione di-  
 ximus, ex ijs enim, nec aliunde adductis  
 primordijs Specillorum tractationē ag-  
 gressi sumus. Res ardua, mirabilis, uti-  
 lis, iucunda, nec ab aliquibus adhuc tentata. Utilitatis  
 equidem amplitudinem nequeo satis mirari, quum qui  
 ferè lumine orbatī sint, eorum ope, etiam ad longissimam  
 distantiam elongent visum, nec eorū causam cognoscunt.  
 Nos ijs præcognitis, mirabiliores eiusmodi effectus asse-  
 quuti sumus, ut longa loci intercapedine distracti, minu-  
 tissima quæq; conspiciari possimus, ne hoc nostro instituto  
 intactum omnino aliquod relinquamus. Sed lectorum ve-  
 niam præcamur, si quæ minus probata, omīssa, & manca  
 in lucem prodeunt, arduum est enim sine duce in tenebris  
 per ambages ambulare. Sed rem aggredia- ur.

Lucem



*Lucem ex refractione multiplicari. Prop. 1.*

**L** V X diaphanum corpus per uadēs multiplicatur in corpore ipso, sed quomodo id eueniat, inquirere tentandum. Vittelio id euenire dixit ex radiorum coadunatione, & coarctatione, vt videtur in phiala aquæ plena, quæ nō solum maius lumen ostendunt, sed vrunt. Sed iste homo nescit aliud esse refractione loquitur, nam est, quæ non vnit, vt in corporibus planis diaphanis. Nos autem dicimus multiplici id ratione euenire. Primo quia in ipsa refractione est simul reflexio: nam extrema aquæ superficies leuigata est instar expoliti, & prænitentis speculi, vnde ex ea reflexi radij circumfusum aerem sublustrāt, parietesq; oppositos lumine vulnerant, immo ex aquæ motu mouentur & illi. Virgilius.


*Sicut aquæ tremulum labris vbi lumen alienis*

*Sole re percussum, aut radiantis imagine Lunæ*

*Omnia peruolitat late loca, iamq; sub atris*

*Erigitur, summaq; ferit laquearia tecti.*

Et ex superiori radiorum reflexione etiam in corpore diaphano splendor acquiritur. Secundo euenit ex refractorum radio-




rum reflexione, nam ex offensante vltima vasis, vel corporis superficie

perficie reflituntur ad radij, & ad summam superficiem delabuntur, & ex superiori iterum ad infimam. Sic ex multiplici, & mutua superficierum reflexione maius lumen ingeritur. Vt videmus in speculis Soli, vel candele oppositis, ex mutua enim superficieru reuerberatione radiorum ex obliquo, quamplurime cōspiciuntur candelę, & si vnica existat. Exemplum.

Esto oculus B, candela A, speculum, cuius suprema superficies F G, ima I H, candelę lumen ferit L, reflit ad oculum eius imago per lineam L B, peruenit ad C, reflit per lineam C B, mox relabitur ad D, reflit per D B, sic etiam ex E, vnde quatuor locis eius imaginem videmus, & quanto obliquior visus, eius multiplicior figura. Est & alia causa, quod lumen lucidū corpus per uadens, eius luciditate induitur augeturq;. Lux transiens rubrum vitrum rubra perspicitur, & si vitrum impurum, minuitur lumen, sed per nitidum crySTALLUM, clarior, splendidiorq;, ex his per crySTALLINA specilla clariora omnia, & nitidiora conspiciamus. Per clariora igitur diaphana corpora illabens lumē, augetur, multiplicaturq;.

*In specillis conuexis inuersionis punctum inuenire. Prop. 2.*




PVNCTA

**P**VNCTA concursus refractarum linearum tam conuexi, quàm concaui corporis, sunt puncta inuersionum. Puncta concursus secundo libro prop. 3. determinauimus in crySTALLINA pila, & punctus inuersionis non alius, quàm concursus radiorū ex oppositis in circulo partibus, vti ex sinistra in dextram, aut ex dextra in sinistram, & sursum, deorsumq̃. Exemplum.

Esto vitrea semisphera C I G E, & incidat radius D E, tangēs latus exagoni C E, quē supra E sunt, ad rem nostrā non faciunt, nam intra crySTALLI corpus refranguntur, quē infra I minus: nam languescunt circa diametri lineam A B, radij ergo incidentes intra spherę partem G I, & intra perpendicularem lineam L B refranguntur, ibi sunt inuersionum puncta, & ibi radiorum coadunatio, & concursus.


*In conuexis specillis posito oculo in puncto inuersionis magnitudinis, imagine specillum complebitur. Prop. 3.*





Est opposita magnitudo  $AB$ , conuexum specillum  $GH$ , veniat  $B$  punctus ad  $I$ , per secundam secundi, frangitur in  $L$ , & per quintam refrangitur ad  $M$  oculum. Eodem modo punctus  $A$  veniat ad  $N$ , frangatur ad  $O$ , mox refrangatur ad oculum in  $M$ . Extendantur catheti ex punctis rei visa  $A B$ , & per centrum inferioris superficiei specilli  $Q$ : Sic  $A Q$  occurret  $ML$  in  $D$ , &  $B Q$  occurret  $MO$  in  $E$ , totum specilli spatium occupabitur imagine  $AB$ , & nil determinatum, sed omne confusum videbit, est enim oculus in  $M$  inuersionis puncto.

*In conuexis specillis magnitudo posita in puncto inuersionis, eius imagine totum specillum occupabitur. Prop. 4.*



**E**ST VISENDA magnitudo  $AB$ , centrum inuersionis  $Q$ , propter magnitudinem  $AB$ . Veniat punctus  $B$  ad  $I$ , frangitur ad  $L$ , ex  $L$  frangitur ad oculum  $M$  longè existentem. Eodem modo  $A$  punctus venit ad  $N$ , ex  $N$  ad  $O$ , & ex  $O$  ad oculum  $M$ . Extendantur  $MO$ ,  $ML$  ad cathetos ex centro  $C$  productas, & puncta  $A B$ , sic occurret  $CB$  ipsi  $ML$  in  $D$ , &  $CA$  ipsi  $MO$  in  $E$ , occupabitur ergo totum specillum.

*In conuexis specillis magnitudine, & oculo in puncto inuersionis positis, imago specillum totum occupabit. Prop. 5.*

**S**IT magnitudo AB prope punctum inuersionis Q, accedat punctus B ad specillum GH in puncto D, refrangatur ad L, mox ad oculum peregrabit M. Extendatur ML quousq; occur




rat catheto extentæ ex centro C, & per punctũ B, & concurrent in puncto D. Eodem modo A veniet ad N, refrangetur ad O, veniet ad M, extendatur MO vsq; ad E, quo loco occurret catheto ex CA directæ, magnitudo igitur AB occupabit totum specillum ED.

*In conuexis specillis magnitudine specillo propinqua, oculo propè, aut procul posito semper recta videbitur. Prop. 6.*

**E**STO magnitudo AB propè specillum HL, accedat punctus B ad specillum N, refrangitur ad O, refrangitur ad Foculum, elõgetur FO in E, & trahatur cathetus ex CB occurret FB in E

in E, punctus B in E videbitur. Sic A venit in O, & in R, & in F oculum, extédatur FR, occurret catheto ex CA in D. A B magnitudo recta videbitur in D E. Elongetur oculus in G. Venit punctus B ad I, ad P, ad G oculum, elongetur G P occurret eadem catheto in T. Eodé modo A venit in M, mox in S, inde ad G: elógata G H, occurret catheto eidé CH in V, etiã recta magnitudo videbitur, & minor, quanto oculus magis elongabitur.


*In cõnuexis specillis oculo specillo propinquo, magnitudine propè, vt procul posita, semper recta videbitur. Prop. VII.*



**E**ST o magnitudo specillo propinqua A B, veniat punctus B ad specillũ C, refrangatur ad D, ex D refrágatur denuo ad E, extenditur ED in F, trahaturq; cathetus ex G centro, & B, & occurret ED in F. Eodém modo punctus A occurret catheto ex G A in H, & recta erit magnitudo. Remanente oculo in suo situ, elongetur magnitudo A B in I L, veniat punctus L ad M, inde refrangatur ad N, & ex N ad E, extendatur EN in O, & trahatur cathetus ex G per L, occurret ei in O, ibi videbitur L. Eodem modo L videbitur in P.




*In conuexis specillis magnitudine, & oculo longè positis, inuersa videbitur magnitudo, & propinquior. Prop. 8.*



**M**AGNITUDE AB longè existente, & oculo E. Veniat B ad C, refrangatur ad D, & ex D ad oculum E, extēdatur ED quousq; coincidat cum catheto, quæ extendatur ex puncto B, & centro circuli inferioris superficiei F, & puncto A, & erit G. Eodem modo A punctus ad H, ad I, ad E oculū, extentaq; EI, coincidet in M cum catheto FB, videbitur inuersa, & minor, & propinquior.

*In conuexis specillis quanto oculus, & magnitudo magis elongabitur, minor videbitur, at utroq; accedente maior. Prop. 9.*

**E**X superiori propositione quanto magis magnitudo AB recesserit, eò incidentiæ lineæ ad specillum angustabuntur, & cathetus ex centro circuli, & rei visæ veniens declinuius veniet, & res minorabitur, contra verò in accessu vtriusq; incidentiæ lineæ dilatabuntur, & catheti magis rectæ accedentes, lineas formas deferentes excipient, & imagines maiores videbuntur.



Veniat prior longinquior magnitudo A B, cuius punctus B, venit ad D, refrangitur in E, mox ad oculū F, elongetur E F quousque coeat cum catheto ex B, & centro circuli C, erit in G. Ex alia parte punctus A ad H, mox ad I, mox ad F, extenta I F coincidet cum catheto ex A C in L, erit magnitudo A B, G L, vt in præcedenti. Accedat magnitudo A B proprius, B veniet ad M, ad N, ad F, extenta N F, coincidet in O cum catheto ex B C, sic A in P, maior est magnitudo O P, quàm G L.

---


*In specillis conuexis magnitudo intra centrum oculis quanto ei propinquior tanto maior. Prop. 10.*

**S**IT magnitudo remotior à circuli centro A, ipsa B C, veniat punctus C ad L, inde ad N, mox ad oculū T, extendatur T N vsquequò coeat cum catheto ex A, & puncto rei visæ C, & coabit in I. Sic punctus alter B, videbitur in H. Sit verò magnitudo proprior ipsi A ipsa D E, veniat E ad M, inde ad O, tandem ad oculum T, extendatur T O quousque cum catheto ex A, & E, & erit in F, ex altera parte erit G, erit igitur F G maior ipsa H I.


*Magni-*







*In conuexis specillis magnitudine binis oculis opposita duplex videbitur.* Prop. 12.




**M**AGNITUDO A binis oculis opposita HE duplicata, videbitur. Veniat punctus A ad C, ex C refrangatur ad D, & re-

& refrangatur denuo ad oculum E dextrum. Idem punctus veniat ad specillum F, mox frangatur ad G, & refragatur ad oculum H sinistrum. Trahatur cathetus ex A puncto rei visæ, & specilli centrum B. erit ABLI, occurrit extentæ ED in I. & HG in L, ab oculo igitur dextro E videbitur magnitudo A in I, ab oculo sinistro H videbitur in L, clauso dextro peribit imago I, clauso sinistro L.

---

*Conuexis specillis soli oppositis ignis accenditur. Prop. 13.*



**C**ORPVS solare à quo radij profluunt æquidistantes A B C D E F G, labuntur ex specilli superficie extrema H I L M N O P ad imam se refrangentes Q R T V, inde exeutes ad perpendicularẽ omnes coeunt D M S X propè puncta S X, ibi ignis accenditur, vt diximus in pila chrystallina.

---


*Senes conuexis specillis clarius vident. Prop. 14.*

**D**VPLEX est causa cur senes conuexis specillis clariùs, & perfectiùs cernant. Primo quia in senectute relaxatur pupilla, nec solum pupilla, sed omnia membra, & membrorum retina

tinaeula, vt laxiùs lotium, & fæces retineant, ex laxitate igitur pupillæ radij liberiùs vagantur, & rem laxam, & minus certam cryſtallino reddunt: at conuexis ſpecillis ſimulachri radij coeunt, & arctiùs pyramis colligitur, vt vidimus in præcedenti, vnde naturæ vitium rependunt congregando ſpecilla conuexa ſimulachra. Altera cauſa eſt, quod ſenibus vitreus humor fæculentior, & impurius redditur, vt in prima propoſitione huius libri probauimus, intro permeans lux per cryſtallum clarior, fulgidiorque redditur, & naturæ defectus alter ex pituita reſarcitur.


*In concauis ſpecillis res ſemper minor videbitur. Prop. 15.*

**S**IT magnitudo AB, venit A punctus ad concauum ſpecillū DE, in punctum I, & ex I frangitur ad M per tertium quinti noſtri. Ex M refrangitur ad G per quartum ſupradicti noſtri in contrariam ſcilicet partem, extédatur GM, occurrit catheto ex C, circuli extimi centro, & puncto A in O. Eodem modo B ad H venit, frangitur ad L, refrangitur ad F, extenditur ad N, vbi occurrit catheto ex CB in N, ſemper ON erit minor AB, quia franguntur intus.






*Longè oculo à concauo specillo seposito, magnitudo visa minor euadit, ab oculo proprius admoto, maior priore, sed non ipsa magnitudine. Prop. 16.*



**M**AGNITUDO AB, cuius pars NB. Veniat punctus B ad M, refrangitur ad L, labitur ad I oculum longe sepositum elongetur IL, venit ad D, occurrit catheto ex C centro, & B in D. igitur B in D videbitur, satis minor ipsa NB. Accedat proprius oculus in H. Veniat alter punctus A in F, fugit in G, refrangitur in H, elongetur HG in E, occurret catheto in E, maior erit NE ipsa OB.

*In specillis concauis magnitudo obliquè venient longe à suo loco videtur, & interdum vtraq; conspicitur. Prop. 17.*




**S**IT magnitudo G, veniat ad specillum D F, frāgitur ad C, refrangitur ad oculum H; elongetur H C quousq; occurrat catheto ex G magnitudine, & E centro, & occurrit in A, ibi igitur videbitur G. Ex oculo etiam H videbitur G magnitudo extra specillum D E in G, vtranq; igitur magnitudinem vidēt veram, & veræ simulachrum.

*Specillo concauo soli opposito ignis non accenditur.*

*Prop. 18.*

**E**STO sol, cuius radij æquidistantes, & perpendiculares ABCDEFG. cadant recti ad concauam superficiem specilli, A H, B I, C L, D M, E N, F O, G P. & H frangatur ad Q, I ad K, L ad S, N ad T, O ad V, & P ad X, & refrangatur Q ad

Aa 2 ZR.



Z. R ad I. Sad Z. D M mansit directe T ad 4. V ad 5. X ad 6. nō igitur vniuntur, sed in contrariam partem dilatantur.

*Visu debiles concavis specillis acutiùs vident. Prop. 19.*

**I**VVENES, qui arcta sunt pupilla se vitreo humore, qui in oculo continetur non claro, duo requirerent, & quæ simulachra dilatarent, vt refarciretur vitium pupillæ, & quodammodo vnirent, & quòd lucem clariorem redderent, duo hæc præstat concavum specillum, nam & simulachrum quodammodo vnit, vt ex refractionibus intra viri soliditatē apparet, & quodammodo aperiret, vt videmus lineis in aduersam partem refugientibus: & lux pertransiens visum multiplicatur.




LIBER





# LIBER NONVS.



## PROOEMIUM.

**U**O QVEMVR hoc libro de iride, & de coloribus, qui ex diaphani & fulgidi mixtura exoriuntur, in quorum investigatione plus quadraginta annis toto animo insudauimus, & Dij faxint, vt aliquid boni nacti simus. Res difficilis, admirabilis, & humanum captum excedens, ob id veteres Poetae Tauri filiam vocauerunt. Sed negotium auspicemur.

---

Lucem coloris expertem esse. Prop. 1.

**L**Vx sui natura splendida, tenuis, & coloris experts est. Splendida quia ea splendente cuncta nitent, & videntur. Tenuis est, quia nullo temporis momento pellucidam raritatem transmittit. Nullo colore intaminata est, quod colorum omnium hypostasis futura erat. Rationes, quibus nosmetipsos persuademus excolorem esse, hæ sunt. Recipiens debet esse denudatum à natura recepti, materiam primam quia quamq; formam acceptura erat, ideo omni forma orbatam dicit. Chamæleon nullo co-

Io colore spectatur, vt omni momento versi coloris mutationis esse possit, nam subinde colores mutat, totoq; corpore reddit quoscunque attigerit. Sic & polypus. Superiori libro de visione, diximus lucem omnem visibilis obiecti colorem indui, eundemq; nostris obtutibus, deferre, vnde si aliquo colore conspurcaretur quomodo sincera, non spuria, adulterataq; è corpore fluentia simulachra oculis remittere potuisset? Lux enim haudquaquam inoffensa perspicuitatis per rerum colores illabens, seseq; eis permiscens, falsa colorum specie visum nostrum deludit, in sepum accensa, pro cæruleo viride, pro viridi flauum, pro flauo album, & omnia deniq; sua citrinitate defædat. Pictores, & textores qui colores lucernis seligunt, falluntur, alterum pro altero substituentes. In officinis ærarijs, lumen albedinem fuscam, roseum squallidum, & tandem spectantium ora diro pallore effusa repræsentat. Idemq; in accenso sulphure euenit. Altera ratio. Lux est colore viduata quia tenuissima, ne dicam incorporea, nam color corporis est accides, quomodo igitur colorata esse potest, si est corporis expers? etsi colorata esset videretur. Lux per duo foramina transiēs intra cubiculum, vt nil in medio attingat, non videtur, igitur sine colore. Sed è Sole vnde emanat, sorditudinis nescia per cælestes orbes pura transmittitur, at sublunari hoc mundo per elementa fluens, tingitur, inficiturq; , vt oculis nunquam sincera occurreret nostris. Non igitur lux alba, vt Aristoteli visum est, nisi eius affectatores pro alba excolore interpretarint: sed debent, qui docent castigatè loqui, ne ipsi, & legentes in præcipites salebras incidunt, nullibi enim alba, pallidaq; lux conspiciatur, nisi accenso in sulphure.

---

*Colores fulgidos haudquaquam ex luce, & opaco fieri. Cap. 2.*

**L**UCEM fulgorem tantum ex colore diximus, nunc autem quomodo ex luce fulgidi colores oriātur vestigare tentandum. Sed primum maiorum placita discutiamus. Putabant veteres ex opaco, & varia lucis positione colores fulgidos fieri, in exemplum adducebant columbarum ceruices, quæ utcunq; deflectantur, varias colorum species demonstrant. Disertissi-



me Nero Cæsar dicebat.

*Colla cytheriacæ splendent agitata columbæ.*

E varijs quoq; coloribus pauonû ceruix, quoties aliquo deflectitur, nitet, ex varia lucis positione, quam prout rectam, vel obliquam receperint, ita coloratur. Lucretius.

*Qualis enim cæcis poterit color esse tenebris*

*Lumine qui mutantur in ipso, propterea quod*

*Recta, aut obliqua percussus luce resulget?*

*Pluma columbarum quo pacto in sole videtur:*

*Quæ sita ceruices circum, collumq; coronat.*

*Namq; aliàs fit vti rubro sit clara pyropo:*

*Interdum quoddam sensu fit, vti videatur*

*Inter cæruleum virideis miscere smaragdos.*

*Caudaq; pauonis, larga cum luce repleta est,*

*Consimili mutat ratione obuersa colores:*

*Quin, quoniam quoddam gignuntur luminis ictu,*

*Scilicet id sine eo fieri non posse putandum est.*

Et Cicero Academicarum quæstionû secundo ait. In columba plures videri colores, non esse plus imo. Sed puerile profecto putandû est splendidas columbarû penintulas vnius esse coloris, & varijs lucis ictibus illustratas differêti specie sese oculis exhiberi, nã & diuersi inibi sunt colores, vt si aliquas è collo pennulas extraxeris clarè contueberis. In dextra enim parte halurgum in sinistra viridem, infra rubidû, supra nigricantem colorem pennularum partes radiâtes, et si stet vario etiam lucis circumflexus eosdem semper conspicias, at si collum contorqueat, pristinus color, qui prius nobis erat conspicuus obliteratus delitescit, inde ad suum locum rediens, vernaculus denno reuiuiscit. Si collum supra obuertit, purpurascit, si conuertit, opacatur, non igitur ex opaco à luce colores effici poterunt. Aristoteles & Peripatetici omnes ex opaco, & luce fulgidos colores gigni consitentur: sed hoc falsum est, quia opacû lucem repercutit, non recipit, nec cum eo lux poterit se commisceri. Sed error insimulandus, quum per opacum eius affectatores diaphanum intelligant. Sed cur diaphanum luci peruium, opacum imperuium definiunt?



*Colores fulgidos ex luce, & densiore aeris diaphano generari.*

*Prop. 3.*

**C**OLORES alij ex mutua elementorum commixtione nascuntur, & hi dignum per se tractatu studium habēt, & alibi de eis locuti sumus, nam & fulgidi nō sunt. Sunt & quasi fulgidi colores alij, qui ex vaporibus, nubibusq; ex luce gignuntur, quum densa, coactaq; & temerē ex diuersis partibus composita non pellucēt, nec lucē transmittunt, sed summa cute recipiunt, vt in solis ortu, eius lucis occurſu multos colores trahi, alios rubeos, alios virides, alios aureos, vel nubis partem rubei, & partem ignei coloris infici. Sed de his posterius loquemur. Sed & alij colores ex lucis, & densioris aere diaphani refractione orientes, & hi pulcherrimi sunt, fulgentes, floridi, hilaresq;, & adeo nitent, vt à pictoribus fingi non possint: gignuntur enim ex sole, & substantia perua, & ars illos æmulari nequit, quia ex terrestri, & obscura substantia suos parat colores. Diximus ex densioris aere diaphano nasci, nō ex quouis, nam vbi sol per tenuissimos cælestes orbes, & eiusdem materiae totos illabitur, purus, sincerusq; resilit, ac vbi ad ima per impura elementa, per rosidas aspergines, per vitrum, & eiusmodi densioris aeris perspicui corpora varijs coloribus conspurcatur, fædaturq;, & ex nimia lucis, & diaphani densioris mistura varia oriuntur colorū discrimina. Diximus refractione, nam quum radij ad perpendicularum feruntur, tantum est illis virium, vt infracti permeent, nec fædari patiuntur, & si inficiuntur, saltim colores non nisi ex visus refractione spectari necesse est. At si per inæquale densioris aere diaphanum ferantur, qui plus intimius penetrarint, obscuriori colore inficiuntur, qui minus clariori. His experimentis nos rem ita nobis persuademus. Lux per crystallinū prismā permeans minus diaphanū densius passa, dilucidior nitet, plus verò meraciore colore languet. Idem in phiala aquæ plena, idem & sub aquis posito speculo. Idem quoque fistula aliquo loco rupta aquam per tenue foramen elidi, quæ sparsa contra solem, vt media sit inter solem, & aspersam aquam, faciem arcus repræsentat. Idem etiam accidit, vt Plutarcus admonet, si quis aquam ore conceptam

ptam in cubiculo efflet contra solem, sicut fullones, quum os aqua impleuere, & vestimenta tendiculis diducta leuiter aspergunt, apparet varios edi colores in illo aere asperso, quales in arcu fulgere solent. Causam igitur esse in diaphano aere crassiore non dubitabis, nunquam enim fit arcus nisi in nubilo.

---

*Maiorum opiniones de varijs iridis coloribus. Prop. 4.*

**S**ED cur ex luce, & densione aere diaphano colores tā varij, & multiplices exoriantur, acriter, diuq; priscorum Philosophorum animos torfit. Anaximenes colores fieri autumauit varios, radios Sole suos in nubem eiaculante, densam, crassam, atramq; , cogi enim eos super eam nubem, quam penitus dirimere non valeant. Anaxagoras Solis irradiationem densa nube reperiuti. Metrodorum quum trans nubem sol splenduerit, nubem quidem caruleam reddit, splendorem verò rutilat, Plutarco referente. Seneca hæc. Quidam esse aiunt aliqua stillicidia, quæ solem transmittant, quædam magis coacta, quàm vt transluceant, itaq; ab illis fulgorem reddi, ab his vmbra, & sic vtrius intercurfu effici arcum, in quo pars fulgeat, quæ solé excipit, pars obscurior sit, quæ excludit, & ex se vmbra proximis fecit. Sed hoc falsum existimat, poterat vmbra, & lux causa videri. Si arcus duos tantum haberet colores, quid ergo istis duo colores faciunt luminis, atq; vmbra, si innumerabiliū ratio reddenda sit? Sed varietas non aliā ob causam fit, quàm quia pars coloris à Sole est, pars à nube illa, humor autē modo ceruleus, lineas, modo virides, modo purpuræ similes, & luteas, aut igneas ducit, duobus coloribus hanc varietatem efficientibus, remisso, & intento. Hinc apparet duas causas esse arcus, solem, nubemq; , quia nec sereno vnquam fit, nec ita nubilo, vt sol lateat. Ergo nunquam ex his est, quorum sine altero nō est. Parianus igneum colorem à Sole, caruleum à nube, reliquos ex horum misturis. Nicolaus Peripateticus colorum diuersitatem ex diuersitate partium nubis euenire dixit: nam vbi terrestris pars combusta cum humido misto, rubeus oritur color, vt coloratur flamma in lignis viridibus, vbi verò humidum aquosum multū apparet, viror, vbi natura tenuis & aqua; albus. Al-



bumafar ex aqua cæruleum colorem, rubeum à Sole, viridem, & purpureum ex horum miftione. Sunt qui dicant lucem coloris femina fecum ferre, eaq; ex elementis per quæ tranfit. Ex igne ruborem, ex terra viriditatem, ex aere cæruleum, ex aqua, aëteum colorem. Albertus partem ex his, partim ex fe multas affert infanias. Dicit enim in Iride duplicem humoré reperiri, alterum grauem, & terreftrem, fætulentū, alterum leuē, fumidum, & fubrilem, hic in fublimem nubis partem scandit, ille grauis in imo nubis fubfidens, vt grauium natura, aer autē humectus, ac fpiffus in meditullio fiftitur. Est & nubs prima, fupremaq; , fi fol his quatuor nō fe immifcuerit, non generabitur iris. Ex humore in quo aliquid fumīdi vaporis eft, fit rubeus, vinofusq; color, vt in parte fuprema nubis ex humido aquofo indigefto terreftri inferior pars viret, in medio vbi aer miftus, fit color ex rubeo, & viridi miftus, fcilicet croceus, & hic color variatur: nam fi nubs erit fubtilis, minus habens de fubtiliterreo, erit color pallens, fi verò de vtroq; plus, erit magis croceus, fiue puniceus. Sed præcipuum colorem cæruleum omifit, & cætera in fequentibus refellentur.

*Flauum colorem ex multa luce, & minima denfioris diaphani parte generari. Prop. 5,*

**S**ED generationes colorum aggrediamur. Sed ne colorum nominum ambages legentium mentes interturbent, principio femper declarabimus colorum nomina. Multiplex colorum facies; appellationes incertæ, & exiguæ. Flauus color dicitur. Pleraq; funt, inquit Fauorinus, in oculorum fenfibus, quàm in verbis difcriminata. Flauum colorem voco non eum, quem Virgilius in frondibus olearum videri dixit, nec quem Pacuuius in aqua & puluere. Inquiens.

*Cedo tamen pedem lymphis flauum puluerem.*

*Abluam.*

Sed qui in paleis nondum maturis, & in croco valdè aqua diluto confpicitur, hicq; color ex robustiffima luce, & ex minima diaphania aere denfioris parte progigni, hisq; argumentis perfuademus. Sed dum per tenuem aerem fertur, flauo colore induitur:



duitur: dum Borea spirat, quia purgatio, & pullucidior redditur, dilutiori flauo nitet, si Austro vel nebulis addenferetur, meraciori rutilat. Mane exoriens Sol per crassiores vapores transiens, adeo coloratio nitet, ut lux aurea videatur in Meridie dilutior. Robustus ignis in siccis lignis accensus, flauus videtur, in medio flammæ, ubi simplicissima est, flaua est lux, nam ab imo conspurcatur à pabulo, in superiori parte à fumo. Carbo ubi diutissime igni excanduit, ut interior nignities assumpta sit, flauet, visu forti luce vehementer inspecta, si aliò oculos diuerteret, flaua primum, mox viridia, postremo cærulea omnia conspiciens, quia vehemens primò lux cum obscuriori aere collata flauet, mox languescens, viridis tandem cærulea relaxata soluitur. Sol per crystallini pismatis aciem primam pertransiens flauo colore tingitur, quod dignoscet eam partem digito velando, remouendoq;. Nullus ergo color luci proximior, quam flauus, ob id vehementissima lux Solis nullum aliū sibi colorem usurpat, nisi flauum, vel aureum. Alexander ait. Luteus color magis ad album, quam phœniceū accedit, quod ex hoc euenit, quum lumen retunditur in luteum, siue pallidū transit. Reliqui Peripatetici flauum colorem non ex vehemēti luce, sed ex paucio densioris aere diaphano gigni, sed ex rufi, & viridis coloris vicinia, quod & falsissimum est: non enim ex duobus fuscis coloribus rubro & viridi clarus exoritur, & luculentus? Præterea si vitrum rubrum supra viridem collocaueris, ac oculis obieceris, prospectus inde color non flauus erit, neq; pictores vnquam ex viridi, & puniceo flauum colorem efficiūt. Et si Solem dicat per fumum visum, vel per nigrum puniceum videri (quod verissimum est) non deberet prima iridis circumferentia punicea videri, quia & ibi adest lux minus passa, neq; in nigro, neq; per nigrum videtur, transitq;. Pudet referre neutericorum de sanguine cocto, & incocto similitudines, quid enim commune habet color ex elementorum mixtura cum eo, qui ex luce, & densioris aere diaphani generatur?

---

*Cæruleum colorem ex languidiori luce, & ex multo diaphano aere densiore nasci. Prop. VI.*

**D**IXIMVS proximiorē luci colorem flauū, & ex ea, quæ vehementissima luce rutilat, & ex minimo densiore aere

B b 2 diaphano:

diaphano: contra lux quæ hebet, languetq; & ex multo densiore aere diaphano cæruleum colorem ementitur: est enim colorum omnium opacitati proximior, vbi enim caligat lux, aut extinctioni proxima, decoloratur, fuscatur, & cærulea fit. His argumentis persuademus. Flamma, quæ oleo, sæpo, vel viridibus lignis proxima est cærulea est, quia ibi oriri incipit, ideo imbecilla est, & ibi etiam crassius alimentum, id est tenebra: ob id vbi crassius elementum, & lumen imbecillius, ibi cæruleus color, siue nigricanti proximior. Præterea Sol diutius intuitus oculos claudendo flauus, mox viridis, tandem in cæruleū abit, & soluitur lumen, quia Solis fulgor multis tenebris obrutus, imbecilliorq; factus cæruleus apparet. Postremus etiam color, qui in vitreo prismate videtur, cæruleus est, quia in trianguli basi crassiore, scilicet sui parte imbecillis radius resiliens, tenebris fit proximior: nam ater color, tanquā abnegatio, & priuatio spectandi est. Aer cominus obseruatus, & pellucida corpora nullū nobis colorem exhibent, eminus tamen omnia conspecta, vbi Solis illuxit splendor, cærulea videtur. Si cælum intuebimur pellucidū corpus, vbi radius lumine deficitur, tenebris ferè interceptus, cæruleo colore offunditur, & cæruleus color ob id à cælo dicitur. Et mare à longè intuitum etiam tale videtur. Si à montibus Sole illustratis elongamur, primū flauī, mox virides, tandem cærulei videbuntur, quū longius absunt, ob nimiam luminum longinquitatē acies hebescit, & caligatis aer intercedens efacit, vt cæruleus conspiciatur. Addunt alij, quæ per refractionem spectantur, à maiori visus distantia spectantur, quum curua linea recta sit longior, quare non iniuria nigriora videri. Sed id falsum: nam linearum differentia, vel minima est.

*Ex colorum vicinia intimos iridis colores progigni, & iidem ex flauo, & cærulei mixtura. Prop. VII.*

**Q**UOTIES igitur lucidi, & densioris aere diaphani mixturæ variæ coierint, innumera ferè proueniunt colorum discrimina: nam vnus ex alterius vicinia cognationem contrahens, tertium efficit, & ex hoc iam orto & altero, alius subinde si ad lucem accesserint, perluuntur, ad opacum reuerso colore coligant,



coligant, & adeò alter-alterum sensim subit, vt indiscriminati videantur, vt rectè à pictoribus dicatur eiusmodi colorum speciem ex & non dum exprimi quisse, quā & à similibus auspicentur, & in diuersissimos abeant. Sed eos enumerare nostri nō erit instituti, nisi extremos & intermedios aliquos. Medius igitur inter flauum & cæruleum colores viridis est, qui non ex mutua lucis & densioris aere diaphani mistione nascitur, sed ex vtriusq; mistura. Hi Soli bini colores ex lucis mistione nascuntur, ceteri ex vicinia. Quod ex flauo, & cæruleo corole fiat viridis, hoc solo argumento patebit. Si cæruleum vitrum super flauum apposueris, & oculis subieceris, viridis color auspicabitur, sic & in opposito pariete, & pictores ex cæruleo ex flauo viride colorem conflant. Hinc clarè patet error dicentiū, quod ex prima luce passa fiat puniceus color, & ex puniceo & viridi flauus: nā cæruleus, vt puniceus viridē vel flauum non cōficiunt.

*Rufum colorem non ex lucis refractione, & diaphano aere densiore gigni, sed nigrae nubis contrapositione. Prop. VIII.*

**S**ED declaremus primo quid per rufum colorem intelligamus. Eius multæ sunt species. Russus color à rubore nominatus est, sed aliter in igne, aliter in rosa, aliter in palmæ fructus, aliter in croco rutilat. Has rufi varietates latina oratio singulis, propriisq; vocabulis non demonstrat, nisi ruboris appellatione. Græci *ερυθρον* sanguineum, *πυρρον* flammeum, *ξανθον* croceum, & *φαινικον* phæniceum. Omnes hi colores vel rufum acuunt intenduntq; vel remittunt: nam aliquorum mistura remittuntur. Phæniceum dicimus, & spadis coloris species, quam in fructu palmæ arboris non admodum Sole incocti visitur, & spadica alij vocant auullos è palma termites cū fructu. Nos rufum sue roseum languidum vocamus, quem in extimo, & supremo iridis ambitu videmus ex valida radiofa incidētia, & densa nubis nigredine nascitur, non ex mistura, vt diximus lucidi, & densioris diaphani aere, sed in sola superficie, vbi adsit nigredo. Inquit Seneca. Rubida fit nubes Solis incurfu. Nostrā opinionem his rationibus persuademus. Si niger extinctus carboni igni proiciatur, vt extrema tantum superficies igniatur,

tunc



tunc carbo rufo colore rutilabit, lux enim in summa superficie vix herens infra nigredinem demonstrat, adeo ex luce & nigredine nascitur: at vbi carbo diutius igne steterit, vt intus, extra optimè ignitus, tunc croceus euadit, & ad flauum tendit. Idè in ferro, & alijs metallis videre licet. Fabri ferrarij qui ferrum temperant, roseum colorem obseruant, demonstrantè ignitionem in summa tantum superficie, non intima excanduisse. Flamma accensa in re crassissima, nigerrimaq; nigerrimū fumū efficit, flammæ apex quo eiusmodi fumo commiscetur, tunc rubra videbitur. Typographi qui ex combusta pice fuliginem parant, dum pice comburitur, relucet flamma sub nigerrimo fumo sanguinei coloris. Fuliginosæ omnes flammæ rubræ videntur. Puniceus color qui quasi dilutus robur est, Aristoteles ait, exoritur vbi flama viridium lignorum fumo cohæserit. Si candela in tenui oleo accensa est, apex puniceus videtur. Splendidum, inquit, si nigro, aut per nigrum videatur, puniceus apparet: per caliginem, & fumum visus puniceus apparet. Ex nigri, & flauo mistione puniceus efficitur, quasi croceus intensus. Vbi flauus color intenditur & fit meracior, tunc fit purpureus. Sol flauus est, ob id per fumum inspectus, puniceus visitur, & candelæ flamma flaua est, per fuliginem punicea videtur. Lux conspecta per foramen nigri panni rubescit, sic etiam in cubiculo nigro. Mane Sol exorians si crassas nubes, & aqua prægnantes, nigrescentesq; peruaderit, & radij eius nubis ob densitatem penetrare nequeunt, roseo colore nitentes conspiciet. Ob id non semper roseus color in extima iridis superficie videtur, nec est de eius essentia, sed tunc conspicitur, quum nubes ex eius regione nigerrima adfuerit, & Sol eam percutiens, nec penetrare valens, tunc circulus primus rubeus spectabitur. In cry stallino prismate non videtur roseus color, quia ibi opposita non adest nubes nigra, sed si nigrum pannum apposueris, puniceus coloratior videbitur, vnde potius ex iusta positione, vel oppositione, quàm ex lucis & diaphani aere densioris nascitur. Sunt quidam, qui quæ scribant ignorant, dicentes flauum colorem esse intensionem, meracioremq; , puniceum vero dilutionem, remissionemq; , & in flauo lucem magis tenebras passam, in puniceo minus. Bone Deus, quæ nubes caliginosa eorū oculos, & mentem obsidet, qui discernere nequeant croceum colorem,

lorem, qui in croco est, & puniceum magis esse tenebrosum, quàm flauum, idest palææ colorem luculentiorē, tædet profecto, & pudet eorum rationes refellere.

*Halurgum colorem non ex luce, & aere densioris diaphani missione, sed ex vicinia crassi, & cerulei coloris nasci.*

*Prop. V I I I I.*

**H**ALVRCVS color is intelligitur, qui violaceus vulgò dicitur, quiq; in violis spectatur. Dicitur enim vulgò paonaceus, quod in collo paonum reperiatur. Resplendet etiā in amethysto, purpurei species, vel iathini, & fit quū cæruleus color diluitur, & in vinum abit. Hic non ex mutua lucis, & diaphani refractione nascitur, sed ex vicinia, nam rufus color, & cæruleus halurgum colorem componunt postrema iridis circumferentia, quia cærulea est, quum ei fit obuiam nubs nigrima, cum Solis colore mista colorem rufum efficit, vt diximus, ex colore ruffo illo, & cæruleo fit halurgus. Hic semper non videtur, quia ex iridis essentia non est sicut rufus, sed quando vtriq; nigerrima nubs opponitur. Hoc modo probamus. Si vitrum rufum supra cæruleum posueris, & per illud inspexeris, obuium parietem halurgo colore intinctum conspicias. Pictores halurgum ex rubro, & cæruleo fingunt.

*Iridem non tricolore, sed bicolore, aut multicolore dicendam. Prop. X.*

**E**X variegata iridis coloria, multi sunt, qui varios eos colores dixerunt. Homerus πορφυρεὴν ἴριν dixit, quasi sub purpureo colore rubrum, cælureum, & halurgum conclusisset, qui adhuc à multis purpureus color dicitur. Aristoteli πρῖνος est, ex puniceo, viridi, & halurgo, quia hi præcipui colores præcipuè spectantur in ea. At si simplices colores enumerare voluissent, bicolorem dicere oportuerat, ex flauo, & cæruleo duo extrema, vnum ex multa luce, alterum ex flauo scilicet, & cæruleo: nam viridis ex vicinia extremorum fieri diximns; optime igitur



igitur Parianus igneum à Sole colorem iridem trahere cæruleum à nube, reliquos ex horum mixturis, nec nisi duos simplices colores esse. At si omnes colores, qui ferè semper in iride spectantur, enumerare velis, & rufus, & halurgus pètacolor dici deberet. Si colores notandi sunt, qui intus in medio ex vicinia fiunt, innumerabiles propè, & infiniti sunt: nam radius solaris sensim nubem penetrans, & continuò se remittens, infinitos colores causat, tanto lasciuiantis Naturæ attificio, & ornatu, ut colores omnes, qui maxime commendantur, & in floribus visuntur præcipue suo nitore prouocent. Videmus in eo aliquid flammei aliquid lutei, aliquid cærulei, & alia in picturæ modum subtilibus lineis ducta, ut ad dissimiles colores sint, scire non possis, nisi cum primis extrema contuleris. Nam commissura decipit, usq; adeò mira arte Naturæ conspiciuntur. quod à simillimis cepit, & in dissimilia definit. Ouidius.

*Qualis ab imbre solet percussis solibus arcus*

*Inficere ingenti longum curuamine cælum,*

*In quo diuersi videant cum mille colores:*

*Transitus ipse tamen spectantia lumina fallit.*

Usq; adeò quod tangit idem est tamen vltima distāt, ob id Hesiodus ex multiplicitate coloris *πολυχρῶμον ὕδωρ* vocauit, quasi multi nominis aquam. Virgilius eum sequutus, mille pro infinito dixit.


*Mille trahit varios aduerso Sole colores.*

*Contra Aristotelem in generanda iride nullam reflexionem  
necessariam. Prop. XI.*

**I**AM diximus colores quomodo generentur, nunc ad alias difficultates accedamus, & primum quomodo & Sole, & nube orientur, mox ad rotundationē peruenturi. Aristoteles satis prolixè probare nititur reflexionē fieri ex oculi nostris ad Solem per nubem: quam opinionē Plutarchus quoq; sequitur. Seneca ex Aristotele hoc modo. Nubis iam in guttas versuræ, nec dū tamen pluit, singula stillicidia singula specula esse, à singulis ergo imaginē reddi Solis. Deinde multas imagines, immo innumerabiles, & deuexas, & in præceps transeuntes confundi, itaq;



itaq; arcum multarum imaginū Solis confutionem esse. Hæc sic probat. Pelues mille die sereno pone, & omnes habeant imaginem Solis, at contra ingens stagnum nō habebit nisi vnā imaginem, quia omnis circumscripta læuitas, & circumdata suis finibus speculum est, ergo stillicidia illa infinita totidem specula sunt, totidemq; Solis facies habent, hæc contra intuenti perturbatæ apparent, nec dispiciuntur interualla quibus singula distant, spatio prohibente discerni, vnde pro singulis apparet vna facies turbida ex omnibus. Ab omni enim lenitate acies suos radios replicat, nihil leuius aqua, & aere, ergo ab aere spisso visus noster in nos reddit, longè autem visum nostrum nobis remittit, qui crassior est, & peruinci non potest, sed radios nostrorum luminum morantur, & eo, vnde exierint, reflectit: sed quia parua sunt Solis colorem, sine figura exprimunt. Deinde quia iu stillicidijs innumerabilibus, & sine interuallo cadentibus reddatur idem color, incipit facies esse non multarum imaginum intermissarum, sed vnius longæ, atq; continuæ. Sed hic multa sunt refellenda. Primò quòd non ex oculis per nubem ad Solem fit reflexio, sed contrario modo, vt probauit libro de anima. Sed hæc abeant, quia leuia sunt. Secundo dicimus ad iridem generandam non esse necessariam reflexionem, sed refractionem, ex guttis enim, stillicidijsq; & corporibus diaphanis non fit reflexio, sed refraction, reflexio enim, à densis, politisq; coporibus, quomodo igitur ibi fieri potest reflexio, si nulla adsunt densa corpora, sed tantum diaphona?



Et si per reflexionem fieret iris, neq; ad nostros oculos perueniret.

Cc



diuerſa dixerunt, & vbi diſcordia, ibi doctiſſimorum virorum caligant intellectus. Plato in Thæteteto irim Thaumantis, ideſt admirationis filiam eſſe tradidit, non abſurdè eius originem explicans. Plutarchus ab eo à Thaumante genus eam ducere mortales rei miraculo adductos finxiſſe, adludente videlicet ad nominis originem fabula. Cicero libro de natura Deorum. Cur arcus ſpecies nō in Deorum numerum reponitur, eſt enim pulcher, & ob eius ſpeciem, quia cauſam habet admirabilem, Thaumante dicunt eſſe nata. Plato in Cratylo *ἱρις* ab eo, quod *ἱρις*, ideſt loqui, quod nuntia eſt. Ab Heſiodi interprete irim dici, quo *προφορικὸν λόγον*, ab *ἱρις*, quod eſt dico, videntes enim eum, admirantesq; orationem proferimus. Albumaſar autem arcum dæmonis vocat, pro dæmone idem quod angelus intelligens, ideſt arcus angelicæ conſiderationis, tanquā ad eius notitiam humanus intellectus non perueniat. Plinius nubis cauitatem cauſam eſſe circulationis dixit. Maniſeſtum eſt radium Solis immiſſum cauæ nubi, repulſa acie, in Solē refringi. Parianus Artemidorus adiſcit, quale genus nubis eſſe debeat, quod talem Soli imaginem reddit. Si ſpeculum, inquit, concauū feceris, quod ſit ſectæ pilæ pars, ſi extra medium conſtiteris, quicunq; iuxta te ſteterint, vniuerſi à te videbuntur propriores tibi quā ſpeculo. Idem, inquit, euenit, quum rotundam, & cauam nubem intuentur à latere, vt Solis imago à latere diſcedat, propriorq; nobis ſit, & in nos magis conuerſa. Contra hæc Seneca. De ſpeculis duæ opinionones ſunt, alij enim in his ſimulachra cerni putant, ideſt corporum noſtrorum figuras à noſtri corporibus emiſſas, ac temperatas, alij imagines aiunt non eſſe in ſpeculo, ſed ipſa aſpici corpora, retorta oculorū acie, & in ſe rurſus deflexa. Sed nil ad rem hæc pertinent, quomodo res videamus, ſed quomodo imago ſimilis debet è ſpeculo reddi. Deinde ſi velis ſpeculum aeri cōparare, deſoportet mihi eandem læuitatē corporis, eandem æqualitatem, eundē nitorem, atqui nullæ nubes ſimilitudinem ſpeculi, per medias ſæpè tranſimus, nec in illis non cernimus, qui montium ſumma conſcendunt, ſpectant nubem, nec tamen imaginem ſuam in illa cernunt. Poſſidonius contra eos, qui irimi imaginē Solis dicunt, cauā nube cōceptā dicūt, ait. Id, ſi ita eſſet, deberet imago ſe ingerere noſtris obtutibus ex profundo nubis per tantum interſtitij, quantum




ab occidente est ad ortum, hoc est à Sole ad nubem, quæ speculum Solis dicitur, id verò esse falsum evidens comprobatur experimentum, quum sæpius visatur iris longè ante nubis superficiem, in qua apparet. Præterea extra speculi centrum imagine apposita cauo speculo obuersa videtur, ideo rotunda Solis circumferentia sursum versa nobis infra versa videri deberet: sed hoc absurdissimum est. Contraria huic opinioni Nicolai Peripatetici est, ait enim aer, terra, & aqua accedendo, & aer recedendo semper in orbem suas curuabunt superficies, & elatos vapores à frigore in nubem conuersos, Sol feriès eius imaginem, vt conuexum speculum arcualem ostendit. Sed hoc etià falsissimum est, nam ascendentes vapores recta à terra ad cælum tendunt, vt ascendentes videamus, nec totum hemisferiũ complent, vt conuexam superficiem recipiant, sed partem ad nos proximã: alia quoq; accidit absurda, quæ pudet refellere.

*Iridem circularem apparere.*

*Prop. XIII.*


**Q**UIA iris in sublimi apparet, iter nobis ad eam perscrutandam intercitur, ideo ex his, quæ in his inferioribus videmus, ad ea quæ in sublimi fiunt, ascendere conabimur. Sed causas rotundationis aggrediemur. Sed vt facilius hæc difficilima intelligantur, aliquas præpositiones præmittamus oportet. Primò quod radij à Sole in pyramidis modum iaculantur, non illos dico, qui à centro se diffunduntur, nam hi nos perpẽ-



dicu-

diculariter feriunt, & si verè ita non sit, à mathematicis tamè ita accipitur, quum minima sit differentia, sed qui à lateribus mouentur, nam diximus libro de lumine, ex omni luminosi parte lumen progredi. Exemplum.

Esto Sol A B, à lateribus radij veniant A I, B H, decussantes se in foramine C D, in opposito pariete rotundam efficiunt figuram B C H, A D I. quæ sit H I. Secundo pupilla nostra rotunda est, & in puncto coeunt radij crySTALLINI, & quum per rotundum foramen à puncto se diffundantur, pyramidem efficiunt habentem conum in oculo in amplo spatio basim circulearem, vt iam clarius diximus libro de visione. Tertio & quod valde refert, quòd non sub quocunq; angulo videntur, quæ refracta videntur, sed statò, constitutoq;: nam res quæ sub aquis sunt, sub angulo statò refractò videntur, vt libro diximus de refractione. Lucidioris gratia cognitionis exemplum apponere non grauabor.



Sit nubes ex aduerso ex addensato aere asperginosa, iam iam in guttas versura, & in pluuiam casura E D M I, aut caua, aut conuexa, aut recta nil refert, sed sit perpendicularis. Sit fulgès astrum A, ex aduerso feriens nubem in puncto E, quæ si eiusdem diaphanitatis cum aere esset, transiret in C, at quia densioris, refrangitur, & relabitur in M: & erit refractus radius EM. Hic continet differentias colorum. Sit oculus noster respiciens in B, diuidatur in tres æquales partes E M, & tota nubs E D P G, P G O H, O H M I. Igitur radius E P in prima nubis parte se intingens, eum colorem indui diximus, qui luci proximior, idest

ideſt flauus, vltima pars nubis OHMI, à radio debiliſſimo cō-  
 ſoſſa. OM in cæruleū, quaſi abnegationis & extinctionis lucis  
 ſe intingit, medius POGH æquē valens, colorabitur eo co-  
 lore, qui ex vtroque componitur, ideſt viridi. Sed penitus vi-  
 deamus colorationis modum, & quantitates angulorum. Pun-  
 ctus E liberē ad oculum venit. P. verò ad F veniens, refrangi-  
 tur, & ad B venit, extenſa igitur BF, relabitur in R, perpendi-  
 cularis igitur ex PG veniet, elongetur quouſq; coeat cum BF,  
 & erit in R, punctus igitur P videbitur in R. Sic punctus O ve-  
 nit in N, accedit ab B, elongetur NB, relabitur in S, vbi coit  
 cum perpendiculari HO: punctus igitur O videbitur in S. Sic  
 punctus M venit per Q in B, relabitur in T, ibi coit cum CM,  
 & punctus M erit in T. Sed ſi vniuerſa nubs EDM I à Sole illu-  
 ſtratur, cur igitur ſola puncta EPOM videntur? Dicimus ra-  
 dium noſtrum BE, conſtruere angulum cum catheto ED, ſcili-  
 cet BED, qui ferē ſemirectus eſt, vel minimum ab eo diſtans:  
 nam quum linea Horizontis in qua Sol A, oculus B, & centrum  
 iridis D ſemper ſit, erit angulus BDE rectus, & ſi rectē me-  
 timur diſtantiam AB, ſemper eſt ſemidiameter iridis, vt patet  
 in viſione iridis in cælo apparentis, & in iride, quam paulò  
 poſt dicemus: Eſt ergo BD æqualis DE, angulus igitur BED,  
 ſemirectus. Idem & dicendum de angulo BRG, BSH, BTI,  
 & ſi æquales non ſunt, tamen parum à tali angulo recedunt.  
 Docuit me Plutarchus. Si quis Soli aduerſus aquam ore ſumat,  
 & ita inſputet, vt ſtillicidia reperiſſum in Solē habeant acti-  
 tum, comperit cæleſtis arcus imaginem factam. Et Seneca. Vi-  
 di quum fiſtula aliquo loco rupta eſt, aquam per tenue for-  
 amen elidi, quæ ſparſa contra Solem obliquē poſitum, faciem  
 arcus repræſentat. Idem videbis accidere, ſi quando volueris  
 obſeruare fullonem, quum os aqua impleuerit, & veſtimenta  
 tendiculis diducta leuiter aſpergit, apparet varios edi colo-  
 res in illo aere aſperſo, quales in arcu fulgere ſolent. Ego igi-  
 tur cum in cubiculo ore aquam efflarem ex oppoſito Solis, ex  
 aſperginolo aere illo iris videbatur circularis, diſtans ab ocu-  
 lo meo per iridis ſemidiametrum, & ſi oculos in altum attolle-  
 bam, attollebatur iris, & ſi deprimebam deprimebatur, ſic è  
 lateribus, oculiq; motum ſequebatur, & per totum illum aſper-  
 ginolum aerem oculos mouendo, mouebatur iris. Aſtantes qui  
 mecum




mecum erant, illam non videbant, nec nisi qui post tergū erant, in linea, quæ per Solis, oculi, & iridis cētrum transiret. Intrans quoq; Sol per fenestrā, quando erat obliquus, maior videbatur. Præterea; iridē floridissimam pluries aspexi in Tyburtino fluuio, nam ab alto cadens, circumadiacentem aerem totum irrorat, vbi accedendo, recedendoq; fit maior, & minor ad oculi distantiam. Ex his concludendo, iridem non videri nisi sub angulo constituto. Cuius hæc diffinitio. Iris est radius Solis refractus ab aere roscido, veniens ad oculum sub angulo constituto. Hic patet dicentium error, oportere nubem esse concauam, vel conuexam, quum in aere, in cubiculo irrorato, non conuexa, vel concaua nubes, sed recta, vel irregularis est.

---


*Iridem non nisi sub constituto angulo videri. Prop. XIII.*

**N**Os ad hoc demonstrandū aliquibus mathematicis demonstrationibus vtetur. A duobus pūctis in diametro circuli sumptis, quorum alterum in extremitate, alterum in centro, plures quàm duæ rectæ lineæ non constituentur ad easdem partes, ad aliud, atque aliud circumferentiæ punctum.



Nos sic probabimus. Esto semicirculus, cuius centrum K, diametri extremitas G, ab his duobus punctis ad circumferentiam M duæ rectæ GM, KM, dirigantur, duæ lineæ dico ab eisdem signis GK, ad eandem partem M, duæ aliæ rectæ lineæ non constituentur ad aliud punctum, quàm M. Si fieri poterit constituatur, & sit ad R, & sit GR, KR. Quia sicut se habet GM, ad MK, sic GR, ad RK, & permutatim quoque, sicut GM ad GR, sic KM ad KR, sunt autem KM, & KR, æquales (nam ambæ ex centro) ergo GM, ipsi GR æqualis, quod est  
contra

contra 18. primi elementorum, & 7. tertij. Igitur non nisi vna iris videri poterit in eo aere illuminato, quia alius angulus, non æqualiserit ei. Omnia igitur hæc in vnum coniungendo, si solum ab vno puncto oculi sub statto angulo fieri posset refractione, circumuoluendo punctum illum non nisi circulū efficiet. Rotunditas igitur iridis erit ex sectione pyramidis visualis vni-formis cum sectione pyramidis radiorum solis in superficie plana nubis, quum tunc refractione vndique æqualis fiat, existentibus Solis centro, oculi & iridis in linea vna. Id hoc modo depingemus.




Sit Meridianus AFB DCH, diameter AIC, nubes opposita FEH. Sol A pyramidaliter feriat eam AF, AB, AL, AD, AN, AH, oculus in L, & ex oculo pyramis radiosæ concurrat cum eadem Solis nube, vt IF, IL, ID, IN, IH, quæ quum vndiq; æqualis secans pyramidem Solis, erit communis sectio circulus FBCDHN L, anguli omnes æquales cum lineis oculi, & diametro iridis IFM, IBM, ID M, ILM, INM, IHM, sic enim radij Solis. Hæc demonstratio videtur Aristoteli de iridis orbitate, vt loco vbi de halone. Sed ex alijs non percipitur, sed non tam clara, & facilis, & de industria occultata.

*Iridem apparere centro Solis, oculi, & iridis in vna linea  
existentibus. Prop. XV.*

**N**VNQVAM igitur oculus iridem videre poterit, nisi in vna linea Solis centrum, respicientis oculum, & iridis steterint, nam si aliter starent, impossibile esset, ut anguli æquales refractionis ad nostrum oculum constitui possent, quos causam dicimus iridis esse necessariam. Aristoteles pro centro oculi ponit centrum Horizontis, siue mundi, sed longè distat terræ centrū ab oculo, sed oculi centrum in superficie terræ, & rectè intuenti semper pars maior semicirculi iridis videbitur. Argumenta quæ me ad id impellunt, sunt, experimenta visa in iride in cubiculo facta, ex aqua ore insufflata, & Sole, quod nunquā iris apparebat, nisi Sol retro stans; oculus, & iridis visæ centrum in vna eademq; linea starent, & dum aer irroratione, & guttulis madebat, eleuando, deprimendoq; caput, eleuabatur, & deprimebatur iris, & circumstantes familiares eam non videbant, nisi qui oculos propè meos haberent, & qui mouebantur, videbant iridem moueri, & qui starent stantem. Idem euenit in iride, quæ in fontibus apparet, qui ex alto in præceps dalapsi, vel è fistulis in aerem guttulas eijcientes, aerem irrorant, & vbi desit irroratus aer, vel angulorum idonea positio, ibi & deest iridis circumferentia, & coloris repræsentatio. Præterea si oculus eleuabitur supra terræ superficiem, maior pars iridis videtur, & si multum integrum circulum, etiam Sole in Horizonte existente. Præterea dum aerem irrorarem, oculum supra mensam ponebam, & non nisi circuli semissem videbam, & secundum proportionem eleuationis circuli à tabula, pars iridis videbatur. Vnde si quis supra montem ascenderit, clarum est, quod aut totum iridis circulum, aut maiorem semisse videbit. Memini dum Hispanijs essem, in ecclesia super Montem ferratum dictum, moueri infra nebulas videbam, & pluere, quum ego in sereno cælo supra essem, & vidi irides plusquam semicirculares, sed non perfectè memoror an perfectas viderem. Esto Sol in Horizonte, oculus supra montem





Esto A fulgens astrum, oculus supra montem B, erit iridis centrum supra Horizontem, & erit C axis semidiameter DC, & quanto erit maior super axem DC, tanto erit maior semicirculi portio. Nec putetis obsecro, quod omnes oculi vnam iridē videant, & quod omnes oculi sint vnus oculus, nam quot oculi sunt, tot sunt iridis visiones & quisq; suam singularem videt, & si putent omnes eandem videre, & dum mouetur oculus, mouebitur & iris, & si in longa distantia differentia est parua, vel minima, vt inferius dilucidius exponetur. Querit Seneca cur arcus non impleat orbem, sed dimidia eius pars videatur, quum plurimum porrigitur, incuruaturq;? Dicunt aliqui. Quū Sol sit multo altior nubibus, à superiore tantum illas percutit parte, sequitur vt inferior pars earum non tangatur lumine, ergo quum ab vna parte Solem accipiant, vnam partem eius tantum imitantur, quæ nunquam dimidia maior est. Sed hoc falsum, quia si Sol nubem à superiori parte sit, totam percutit nubem, & si superior sit Sol, superiori parti nubium affunditur, nunquam terra tenus descendit arcus, atqui vsq; ad humum demittitur. Ipsi cauam nubem faciunt, & festæ pilæ partem, quæ non potest totum orbem reddere, quia ipsa est pars orbis. Sed hoc quoq; falsum est, quia nubem semper cauam quærunt, quū sint aliquando planæ, & tumentes.

---

*Quod moto oculo mouetur iris.*


Prop. XVI.

**H**Oc maximè animaduertendum, quod qui ambulant, & iridem aspiciunt, singulis passibus, singulæ fiunt novæ, & videbuntur, vnde semper secum ambulantes videt. Multo-  
ties

ties expertus sum, dum Italiam peragrarem, & plano in agro obequitarem, vbi iridem in cælo conspicabar, additis calcari-  
bus citato cursu currebam, & mecum currentem iridem nou  
nisi magna cum voluptate videbam. Amici, qui mecum erant,  
idem facientes, idem experiebantur, Philippus sodalis Plato-  
nis, vt Alexander refert, ad quodcunq; latus se verteret, ipsa  
iris transferebatur, & ambulans iris mutari videbatur, vt re-  
cedentem sequeretur, & insequentē aufugeret, crocodili mo-  
re. Legitur apud Geometras quod Philippus Menedæus obser-  
uauit opticum illud admirabile, quod insequentes fuigiat, fu-  
gientes insequatur. Cuius causa non alia est, quam diximus,  
quod in aere toto roscido, & à radijs Solis verberato, refra-  
ctoq; , vbi anguli constituti in oculo fiant, ibi & videbitur iris.


*Ex Solis eleuatione, & depressione, eleuatur & depremi-  
tur iris. Prop. XVII.*

**D**E iridis eleuatione, & depressione Aristotelis demon-  
strationes omittemus, difficillimè enim percipiuntur ab  
ijs, qui mathematicas ignorant, & mihi videntur aliqua præ-  
supponere, quæ aliter se habent. Sed his exemplis rem diluci-  
diorem reddemus.



In prima figura sit Sol oriens A, eius radius A D, A F, erit iri-  
dis diameter D E F, oculus B, sub angulo A D B, erit iris, & ob-  
seruauit abstrulatio in maxima altitudine occidēte Sole in fine  
Augusti 24. gradibus eleuatam. In secunda figura eleuatus Sol  
in A, circulus iridis nobis apparebit minor, & si pyramis eadē  
D d 2 A D F,

A D F, & quantum erigitur A, scilicet A H supra Horizontē, tanto iris deprimitur sub Horizonte, scilicet E G, & idem erit angulus ADB, qui primus. In tertia Sol maximè eleuatus, vt minima videatur, nisi D C, & reliqua pars sub Horizonte F G, angulus quoq; idem erit A D B. Non tamen hoc mirum omittam. Existente Sole è latere, & oculo in centro iridis, ita etiam vt cētrum Solis, oculi, & iridis in eadem sunt linea, ad latus oculos reuoluendo, tunc non videtur iris circularis, sed crus vnum descendens, & colores à latere videntur, ex alto descēdentes, vt prima tenia flaua, post viridis, & tertia cærulea videatur. Id nō solum in cubiculo, ore aquam efflaudo semper video, sed fontibus, vbi stillis aerē asperginosum reddunt, vbi paulatim ad iridis centrū accedendo, oculis tamen animaduertendo ne emphasis euanescat, & in centro circuli constitutus ad dextra reuoluendo, videtur iridis crus ferè rectum propè oculos. Commorans ruri multoties accidit eiusmodi visionem cōspicere in iride à nube facta, vt minus viginti quinq; passibus à me longè abesset. Multoties quoq; in quadam valle nebulosa, quum ego essem in sublimi vidi idem crus valde infra descēdere, & ego potius rationes ad sensum distorqueo, quam sensum ad rationem, quod video enim certum est, quod disputo incertum.



Esto astrum A, centrū iridis B, oculus vero C extra cētrum iridis, obliquū crus iridis DFG, eius diameter DBE, oculus C, respiciens crus iridis FG, radij CF CG, suis coloribus splendēt. Nec audiendi sunt blasterones, dicentes non esse necessarium oculi, centrū Solis, & iridis esse in vna linea. Et si pro exemplo addant iridem lucernæ videri extra lineam connectentem centra. Sed exemplum est falsum, nam iris lucernæ alterā causam habet, quam ipsi ignorant, & iam nos supra manifestauimus.

*Maiorum*




*Maiorum opiniones cur iridis portiones quo minores, eò maiores  
videri. Prop. XVII.*

**D**I X I M V S Oriente, vel Occidente astro iridis semiorbem videri, eo verò ab Horizonte sublato minorem videri, sed portiones maiores semicirculi semper in meridie videri propè Horizontē, quàm dum in sublimi apparēt. Aristoteles problema soluere spondit, sed promissum non absoluit. Sui clarissimi affectatores varijs rationibus id tentarunt, vt dicemus. Olympiodorus asserit, quando iris semiorbis apparet, is in tenuissimo aere est super terram in sublimi, at vbi prona terram tangit, vbi ingens vaporum spiratio adest, amplioris formæ videtur. Omnia enim per aquā videntibus, longè esse maiora. Litteræ quamuis minutæ, & obscuræ per vitream pilam aqua plenam maiores clarioresq; cernuntur. Poma formosiora quàm sint videntur, si innatant vitro. Sydera ampliora per nubem aspicienti cernuntur, quia acies nostra in humido labitur, nec apprehendere multum fideliter potest, quod manifestū fit, si poculum adimpleuerit aqua, & in id conieceris anulum, quicquid igitur videtur per humorē, longè amplius verò videtur. Altera ratio. Quando in sublimi est longius à nostris oculis abducta est, modo quæ longius videntur, minora videntur, at iris quum Horizonti proxima videtur, proximior & nostris oculis erit, & quæ proximiora, maiora videri. Sueffanus dicit, quo quando sol est in Oriente, aut Occidēte ob multos vapores Horizontis lumen minus clarum est, vnde iridem minus apparentem, & visibilem facit. Contra verò in meridie vbi eleuatus, & à vaporibus liber plus illustrat, & facit vt res maiores videantur, quàm sint. Sed hæc postrema ratio satis erronea, & contra rationem experientiæ. Olympiodori rationes & si veræ sint, non tamen ad rem faciunt, nam apparens arcus à summo vsque ad imum, semper æqualis & congruus apparet, & quæ in vaporibus mersa sunt, eodem modo vt summum videntur. Neque rationes attingunt scopum, nam & si quæ sub aquis cernuntur maiora conspiciantur, in hac portione in imo conspecta, videtur non solum maior, sed aliter disposita, quàm est in summo. Cardanus dicit quòd oculus iudicat iridem, quò humilior est  
eo ma-

eo maior videtur, quoniam distantiam intelligit. Quibus ver-  
bis nihil absurdus, quum sensui tribuat, quod est ratiocina-  
tionis. Plinius. Idem sublimes humili Sole, humilesq; sublimes, &  
maiores Occidente, vel Oriente, sed in latitudinem diffusi, me-  
ridie exiles, verum ambitu maiores.

*Opinio propria quare iridis portiones breuiores, maiores  
videantur. Prop. XVIII.*

**S**ED ratio vera à Mathematicis petenda est: nam teniolæ  
illæ, siue fasciæ, quæ in iridis circumferentia circumductæ  
sunt, dum in sublimi videntur, obliquè videntur, secus autem  
euenit, quando sunt circa terram, nam rectè videntur, & vbi  
in sublimi contractæ videbantur, hic in imo explicatæ. Quod  
exemplo clarius patebit.



Esto Sol A in hac prima figura, saucians nubem roscidâ ECFD  
supra Horizontem erectam. Radius A feriens nubis partem E,  
veniret in G, sed labens propter refractionem, in F peruenit,  
oculus existens in B videt puncta extremarum teniarum, erit  
BE, BF, & sub angulo EBF videbit tres iridis colores in li-  
nea EF. Secus autem eueniet in secunda figura, nam Sol ascen-  
dens puta ad 42 gradus in A, & sit nubs in eadem distantia à  
B, oculo in L, & eiusdem latitudinis LFIM feriat Sol nubem  
in I, radius non procedit in G, quoniâ nubs densior, refrangi-  
tur in F, trahatur linea à puncto B in I, & altera ad punctum F,  
finis refractionis, videbitur igitur linea colorata IF sub angu-  
lo IBF, qui maior est superiori angulo EBF, ibi enim obliquè,  
hic directè, vt patuit in superioribus, vt quæ obliquè viderètur  
longè minora, quàm quæ directè, si omnia proportionè fiant.

*In iride*


*In iride caelesti sunt apparentes non veri colores. Prop. XIX.*

**I**N QVIT Plutarchus meteoricarum affectionum alias esse ex substantia, vt imber, grando, alias ex specie nullam habere substantiam, vt arcus. Possidonius non putat veros colores: nam si vllus esset in arcu color permaneret, & videretur eò manifestius, quò proprius, sed imago arcus è longinquo clara est, interit quum è vicino est ventura. Sed his non consentit Seneca, sed dicit nubem colorari, & eius colorem non vndiq; videri, nam ne ipsa quidem nubes vndiq; apparet, nubem enim nemo, qui in ipsa est videt, nec mirum si eius color non videtur ab eo, à quo ipsa non videtur, atqui & si ipsa non videtur, est tamen color, itaq; non est argumentum falsi coloris, & si ipsa accedentibus apparere desinit. Idem enim euenit nubi, nec ideo falsa est. Præterea dum dicitur tibi, nubem Sole suffectam, non dicitur immixtum esse colorem, velut duro corpori, & manenti, sed fluido, & vago. Insuper dicis omnes fulgores paulatim discuti, huius repentina facies, & interitus. Respondetur proprium esse speculi, quod non per partes struitur, quod apparet, sed statim totū fit, æquè cito omnis imago in illo aboletur, quàm ponitur. Pythagorici dicunt non esse veros colores, quod diu non permaneant, neq; id euenire subiecti ratione quod in dilapsu sit constitutum. His respondetur non veriorē esse hominem diuturnioris vitæ, quàm qui statim productus commoritur. Aristoteles, Alexander, & alij, non veros colores vocant, sed *συμμορφας*, qui enim ex refractione sunt colores, mendaces colores sunt, non enim vbiq; nec à quocunq; oculo videntur, vt diximus, sed in eo angulo oculo constituto, & si quis esset in eo loco, vbi colores sunt, eos non videret. Veri colores dici debent, qui ex elementorum misturis componuntur. Sunt etiam veri colores, qui ex refractione Solis in crystallino prisma vidētur, qui & si refractione lucis, & diaphani aere densiores causentur, vidētur in pariete, & ab omni oculo, & ab omni situ conspiciuntur.



*De duplici iride nostrorum maiorum opiniones. Prop. XX.*

**N**Ec minus difficultatis habet geminatę iridis disquisitione, recenserebimus maiorum opiniones, quàm varię, & à veritate aberrantes. Obseruauimus anno 1590. Sole Occidente superioris iridis eleuationem XXXXII graduum, & inferioris XXXVII. vt quatuor graduum esset vtriusq; intestitiū. Nicolaus peripateticus dicebat binas irides aliquando videri, & esse à Sole, & Luna genitas, vt Sol vnā, alterā Luna gigneret, sed quam futilis sit hęc opinio, arguit experientia, quod absente Luna à nostro hemisphærio duplex iris visa est. Alia fuit opinio opti-  
corum temporis Alexandri, quod hęc secunda iris esset reflexio primę. Albertus exemplum affert, probatq; hanc opinionem eiusmodi experimento. Fiat vitreus arcus in tres partes diuisus, cuius suprema circumferētia rubea, media flaua, tertia viridis, & decenter aptatus teneatur contra Solem, vt ab eo in opposito pariete ijdē colores reflectantur. Imaginatur nanq; colores primę iridis transfundi, vel reflecti in alia nube à prima distanti, & sic duplicatam iridem videri. Sed opinio multipliciter falsa est. Primo si colores ex prima transmitterentur, colores essent eodem ordine constituti, vt primi, sed quia contrario modo. Eadem fuit Cardani opinio. Sed latius refellitur à Scaligero. Dicunt alij geminatas irides, ex geminata nubium oppositione, quia non plus quàm duę esse possunt, altera in media aeris regione, altera in ima; inferior habet guttas maiores, quia crassior materies, inferior minores, quia subtilior, ob id languidior color: & hęc est quoq; Alexandri opinio, aliter quàm Aristoteles verba sonant, inter-




pre-

pretando. Dicit enim quod à secunda iride fit refraçtio à prima ad Solem, quod in textu abest, sed refraçtio à prima. Sed si id esset, colores eodẽ modo ordinarentur, vt in subiecto exẽplo. Sol A, ferit primam nubem B C in B, oculus F. Videt B C colores, sic Sol idem feriens superiorem nubem D E, & oculus F vidit refractionis lineam D O, sic duplex colorum ordo.

*Duplicem iridem posse apparere. Prop. XXI.*

**N** VNC nostram afferemus opinionem, & fortasse Aristotelis germanam, quam ex obscurissimis inuolucris vix elicimus. A Sole enim binæ apparant irides, vna quidem interior, altera exterior, interiorem comprehendens, sectioq; maioris circuli est, quæ certè languidiores colores ostendit, etiam situ aduersa primæ. Interior iris superiorem circumscriptionem puniceam, secundam viridem, tertiam porrò cæruleam habet. Sed exterior & secunda iris exteriorem quidem circumscriptionem cæruleam, secundam viridem, intimam verò puniceam, vt ambarum iridum propinquæ inuicem positæ sint puniceæ. Et hanc secundam irim fieri refracto visu ex nube exteriore ad primam irim, ob id etiam languidiores esse colores ferunt, vtpotè à secunda facta refractione. Amplior enim à minori, & interiori periferia incidit ad Solem. Propinquior enim visus existens refrangitur à periferia propinquissima primæ iridi, propinquissima autem in exteriori iride, minima periferia est, quare hæc habet colorem puniceum, contigua autem & tertia secundum proportionem. Nos exemplo rem obscuram clariorem reddemus. Dicimus ergo solarem radium vehementissimum facillimè primam nubem penetrare, & si nubs tenuis, & adhuc validus erit, etiam in oppositam nubem resilire, idoneam tamen luminum refractioni, & in nubem immergi, & colores eodem modo generare, hoc tamen intersit inter primam & secundam refractionem, vt colores inferioris iridis infra spectentur, superioris verò superius, & sic contrarij erunt colores.

Esto Sol A, percutiar nubé B  
 CDEFGHI, Solis radius A F,  
 erit FG prima pars flaua, GH  
 secūda viridis, HI tertia pars  
 cærulea, erit oculus M, ergo  
 FMG videt flauum, GMH vi-  
 ridem, G M I cæruleum, & si  
 voluatur nubs circū circa fa-  
 ciet tres circulos, flauum, vi-  
 viridem, & cæruleum. Radius  
 igitur prior A F L, refractus  
 F I, adhuc validus & robu-  
 stus transiit nubem alteram  
 occurrentē N O P Q RSTV,  
 & percutit pūctum R, transi-  
 ret in X, sed relabitur in V, di-  
 uiditur nubs in tres partes,  
 prior R S N O flaua, S T O P,  
 secunda viridis, T V P Q cæ-  
 rulea, & quia lineā diuisa RS,  
 ST, T V ex inferiori parte vi-  
 deri non potest, vt in prima  
 ab oculo M videbitur ex su-  
 periori, vnde prior pars &  
 non firma R S videbitur, secū-  
 da ST, tertia T V, vt angulo  
 superiori V M T videatur cæ-  
 rulea pars T V Q P, angulo  
 S M T videtur media pars S  
 T O P, & angulo S M T vide-  
 tur prima pars R S N O fla-  
 uam, si igitur circumducantur  
 puncta R S T V, faciet qua-  
 tuor circulos, tres tenias cō-  
 tinentes, quarum maior vlti-  
 ma cærulea, secunda viridis,  
 tertia flaua, & maior flaua,  
 secunda viridis, tertia cæru-  
 lea, vt concava superioris &  
 onuēxa inferioris flauæ sint teniæ.






*Interstitium inter duas irides esse excolorem.*

*Prop. XXII.*

**D**Ivortsit Alexandrum doctissimum Peripateticum difficillima quæstio, cur media nubes, quæ inter vtramq; iridem iacet, excolor sit, & non tota punicea. Idq; evenit quod nō putabat duas irides in duas diuersas nubes fieri, in cuius medio aer est, & non nubes asperginosa. Euenit quoq; alia ratione quia anguli, qui colores videre faciunt, non sunt illius quantitatis, quæ ad colorum visionem requiritur, nam radij illi oculares eo modo nubem feriunt, quo inferiorem, sed contrarij primis, & iidem sunt. Nam supremam iridem videbamus angulo V A R, infimam verò F A I, trianguli similes & proportionales, ita vt binas irides videre nō refragatur primæ positioni.



*Iridem ex lunari radio generari posse.*

*Prop. XXIII.*

**S**ENECA ait arcum in nocte non fieri, aut admodum raro, quia Luna non habet tantum virium, vt nubes transeat, & illis colorem suffundat, qualem accipiunt à Solē perscriptæ. Aristoteles fieri posse non inficiatur, sed Luna plena, & in occasu, vel ortu posita, dixitq; annorum spacio quinquaginta bis apparuisse. Neuterici nulla ratione hoc dictum putant, nam in vno anno bis visam scribunt, qui Aquilone flaute, & Luna in meridie constituta. Plinius non fieri noctu, quamuis Aristoteles prodat aliquando visum, quod tamen fatetur idem nisi quartadecima Luna posse. Ego autem noctu fieri posse non inficior, nam aqua in Lunæ lumine noctu ore insufflata iridem generabat, sed exilem, & penè perspicuam, vnde multo maius à lunaribus radijs fieri assentirer. Arati interpres Theui & Ana-

ximenis referens opinionem super affectione huiusmodi. Et notu, inquit, fieri astringit, sed perraro quoniam non semper plenilunium.

---

*Quibus temporibus videri solcat. Prop. XXIIII.*

**A**RISTOTELES ait, post autumnale æquinoctium qualibet hora diei arcum fieri, æstate non fieri, nisi incipiente, aut inclinante iam die. Cuius rei causa manifesta est. Primum medio die Sol calidissimus nubes euincit, nec potest ab his imaginem suam accipere, quas scindit. At matutino tempore, & vergens ad occasum, quum minus vinum habeat, minus calidus est, & ideo à nubibus, & substineri, & reperi potest. Deinde quum arcum facere non solent, nisi aduersus his, in quibus facit nubibus, quum breuiiores dies sunt, semper obliquus est, itaq; qualibet diei parte, etiam quum altissimus est, habet aliquas nubes, quas ex aduerso ferire potest. At temporibus æstiuis supra nostrum verticem fertur, itaque medio die excelsissimas terras rectiore aspicit linea, quam ut illis nubibus possit occurrere, omnes enim tuuc sub se habet. Plinius. Fiunt autem hyeme ab æquinoctio autumnali die decrecente, quo rursus crescente ab æquinoctio nemo non existunt, nec circa solstitium longissimis diebus, bruma verò, hoc est breuissimis diebus frequenter, Aestate per meridiem non cernuntur, post autumnæ æquinoctium quacunque hora.

---

*Iridem serenitates, & pluias posse præfagiri. Prop. 25.*

**S**Trabus inter sacros interpretes non obscurus, retulit in iride diuinæ clementiæ præfagia inesse, duos habere colores cæruleum, & rubrum, qui duo exprimunt iudicia, vnum aquæ, quod præterijt, alterum ignis, quod venturum creditur in fine sæculi, ob id cæruleus color extrinsecus, rubeus verò siue igneus introrsum visitur. Et Deum Opt. Max. dixisse Moyfi. Arcum meum ponam in nubibus, & erit signum fæderis inter me, & terram. Sed hoc falsum esse scripturarum periti inquirunt, & signum illud ad placi-

placitum fuisse ex diuina institutione, vt esset iris attestatio fæderis ipsius in Noe post diluuium, quo in reliquum terra non fore peritura. Inquiunt præterea Deum mundo cladem neq; igni, neq; aqua mûdo illaturam, quod inibi color rubeus visatur, qui fit ex humido inflammato, quo significatur humectam naturam non præualere, quùm ignis in arqum suum vim præferat. Cæruleus verò color, qui & ipse iridem visitationem facit. cōstatq; ex aqueo indigesto, igneã vim haud ita præcellere videtur præmostrare. Addunt etiam irim non apparere, nisi vbi parum disserenauit, partim humoris persistat densitas, serenitatẽ verò ex calido prouenire, ac sicco, quod igneæ cōgruit virtuti, humoris densitatem ex frigido, humidoq; quæ aquæ proprietates est. Hæc verò natura diuersa quùm simul fiant, victoriam in equilibrio positam planè insinuant. Sunt qui probent, apparente iride xxxx annis nõ venturum iudiciũ, quia in eo sunt duo colores, rubeus, & viridis, rubeus ex humido inflammato, & significat aqueã naturam igneã non præualere, quùm ignea in iride nonnihil sui habeat, viridis color ex aqueo indigesto, significatq; igneam naturam aquæ non præualere ex simili causa, quare ea apparẽte, nec diluuium, nec conflagrationem posse esse. Non enim diluuium nisi summa siccitas præcesserit, & ea existente non fit iris, simili ratione conflagratio futura nõ erit, nisi in signis humidis præcesserit, & si humiditas sit, non erit arcus, non deest pars ignea, scilicet rubeus color. Sed hæc euanida sunt: nam sicut diximus, rubeus color iridis & cæruleus non causatur ex humido inflammato, vel indigesto, vt putabant veteres, & ignotis causis, eius quoq; præfagia ignorantur. Quocirca, inquit Plutarchus, fabulantur illum capite taurino sorbere flumina, Virgilius,

*Et bibit ingens*

*Arquus.*

Quum aduērat imber, non easdem vbicunq; apparuerit minas affert. A meridie magnam vim aquarum trahet, vinci enim poterunt vehementissimo Sole, tantum est illis virium. Si circa occasum refulsit, rorabit, & leuiter impluet, si ab ortu, circa uesurrexerit, serena promittit. Plinius contra hæc. Arcum ne pluuios quidem, aut serenos dies cum fide portendit. Poetæ al ludentes ad id, quod diuinæ mentis præfagium iris esset, Deorum nunciam sinxerunt. Vnde Virgilius.

*Irim*



*Irim de cælo misit Saturnia Iuno .*

Et humoris ancillam dicebant, quod aera per Iunonem figurabant. quod aerea impressio esset, nomenq; ab irim deduxere, quod est nunciare. Extat & rusticanum præfagium, quod si fuerit color rubens in albido, significari fertilitatem, cuius ratio est, quia is color ex materiæ raritate causatur, vbi radius Solis fortius agat, rara autem materia facile à Sole resolui potest, quo eueniente non insequuntur iuges pluuiæ, quibus impediri solet fertilitas, quod etiam falsum reijcimus ex superiori ratione. Ptolemæus in quadripartito. Iris etiam quæ quandoq; videtur, quum in serenis temporibus apparuerit, aerem hyemalem præsignabit, quumq; in temporibus hyemalis aeris formabitur, serenum nunciabunt. Sed quod aqua, vel serenitatem nunciet, etiam imperiti sciunt, qui eius generationem cognoscunt ex materia roscida. Quippe primò eleuatur vapor, dein à frigore densatur in nubem, mox residentes partes conuertuntur in aquam, nec diu post insequitur pluuiæ, eo tempore concipitur iris: pluuiæ dum ad ima fertur, euanescere incipit, vertitur in pallorem, visunturq; in nubibus virgæ intermixtæ descendentes, vnde quum visitur arcus, dicitur vulgo è mari plurimū bibere. Plautus iocosissimè de anu vini vas exiccante, ait. Ecce autem bibit arcus, pluet hercle hodie. Sed si ex serenitatis, & pluuiarum vicissitudine aliquid iudicij nancisci poterimus, post pluuias serenitatis præfagium, quia vires aquarum plenitudine exoneratæ, plus lucis habent ad Solem concipiendum. Vespertina sequentis diei serenitatem spondet, quia vesperi ficior est. Matutina futuram pluuiam ostendit, quia vas nocturni humoris fert plenum. Sed Aratus geminatam irim pluuiarum euidentem prognosticum dicit.

*Ἡ δὲ δύμιν ἔξασσε διὰ μέγαν οὐρανὸν ἴρις*


Confirmat & illius interpres Theon. Inquiēs. Quum multa fuerit imbrum consipatio ex priore iride, altera fit circumscriptio consimili, imbrem portendit pluuium.

---

*In prismate cristallino iridis colores videri. Prop. XXXI.*

**D**IFFICILLIMAM rem aggrediemur. Virgula quidem fieri solet stricta, & triangula. Nascitur crySTALLUS exagona,

Sit crystallinum prisma directè opponens aciem Soli  $H N L M$   
 $O$ , acies  $H I$ , Sol  $A B C D E F G$ , cadat radius  $G M$ , in extremâ  
 aciem, reflectitur in oppositam partem  $M Y$ , sic radius  $F E$  re-  
 flectitur in  $E Z$ , & tertius radius transiens circa aciem  $I D$  re-  
 flectitur  $\delta$  &, & radius  $D Y$  in  $Y H$ . Sic & alia parte radius  
 A L in



A L in L T, radius B  $\alpha$  in  $\alpha \nu$ , radius C B in  $\beta X$ , & ex vtraq; paries, vel pavementum cubiculi colorabitur. Idem eueniet si oculis opposueris prisma, nam tres colores eosdem videbis in oppositum parietem. Sed semper extremos colores rubeum, & halurgum vbi vmbra aliqua, nam hi colores aliter fieri non possent, medij colores in medio plano, vbi lux, & videntur res coloratae rotundari, nam alia ratione, quam in oculo aequales anguli causantur, nam diximus non possibile iridem videri, nisi in aequalibus angulis, & semirectis. Idem eueniet in phiala aquae plena, & in omni re, in qua radius pertransiens diaphanitatem corporis inaequaliter transit, vt vnus radius Solis magis altero profundetur.



*Virgarum colorem eisdem causis provenire . Prop. XXVII.*


**A**RISTOTELES causam perscrutatus, ait, Quum ex obliquo Solis fuerit aliqua nubes materiam habens inæqualem, ut aliqua in parte sit densa, in aliqua autem rara, & rursus aliqua aquosior, in aliqua aerosior, tamen ad Solem ab eiusmodi facta refractione, per pusilla quidem specula non cernitur figura solaris: at Solis color intus apparet in parte nubis aliqua rutilans, in aliqua verò viridis, in aliqua flauus ob nubis inæqualitatem, & speculorum dissimilitudinem. Vocant bacellos huiusmodi ostensiones, quod per rectas quasdam spectentur lineas. Auerroes & Sueffanus has virgas se nunquam vidisse fatentur. Plutarchus virgas esse dicit affectiones quasdam, quæ partim per substantiâ, partim per specië fiunt, quippe in nube quidem cernitur, sed colore non proprio, sed alieno, cuius speciem præferunt. Seneca virgas nil aliud esse dicit, nisi imperfecti arcus colores, nam facies quidē illis picta, sed nihil curuati habent, & in rectum iacent, fiunt autem iuxta Solem ferè in nube humida, etiam se spargente, itaq; idem est illis, qui in arcu color, tantum figura mutatur, quia nubium quoq;, in quibus extenduntur, alia est. Mihi autem experiēti duobus modis fieri contigit, & de his puto Aristotelem intellexisse. Primo claudendo cubiculi fenestras, & per foramen Sole transeunte, videtur eius radij quasi virga, vel bacellus per obscuritatem transire, huic aquam ore insufflando videbitur virga, vel radius ille coloratus irinis coloribus, sed per longum, eo modo quem diximus, quando homo existat in centro iridis vèrtens se ad latus, ore aquam proiciendo, videtur iris dependens, & irinis coloribus coloratû, teniæ à summo ad imum dependentes, flaua primo, viridis mox, postrema cærulea. Aristoteles ait oportet insipientem esse à nubis latere, quod ab iride est differens: quæ querebat Solem à tergo in eadem linea cum iridis centro. Alio quoq; modo experti sumus. Bacellum ligneum accipientes, sed præstat, vitreum, & aquam insufflando bullis, & guttis operiemus, & Soli per longum oppositum, videbimus quasi opalum coloratum, qui lapis irinis

coloribus decoratur, vnaquæq; enim gutta dictis coloribus colorabitur. Vnde si aer roscidus, & radij Solis per densam nubem penetrando eiusmodi coloribus induuntur. Ob id Aristoteles querebat aquosam & bullosam nubem.

*Halo iisdem causis coloratus videtur.*

*Prop. XXVIII.*

**V**Tex Aristotele habetur. Halo fit diu circa Solem, noctu circa Lunam, & vbiunq; sydus est, fit ex refractione, & ex nube roscida, quæ sit inter oculos nostros, & astrum, & videtur hic circulus circa astrum, quasi astri corona. Causa rotunditatis est eadem, quæ in iride: nam ab astro ad nubem trahitur linea, quæ refracta ad nostrum oculum peruenit, nec vnumquam peruenit nisi anguli, qui sunt incidentiæ & refractionis sint æquales. Exemplum apponemus.



Esto Sol A, oculus noster C, nubes roscida GFEDNMLIH, radius oculum & nubem penetrans A G B C, radius à Sole ad nubem A E, & ex E ad oculum C, sic A I ad oculum C. Sic A F, F M, ad C, & A H, H N ad C, æquales sunt omnes lineæ à Sole ad nubem, nec esse æquales possent omnes, nisi ad circumferentiam essent, & inde à nube ad oculum æquales, & lineæ à centro ad circumferentiam æquales E B I, T B M, H B N, necesse est igitur halonem rotundum videri, angulus enim B I C, & B E C æquales, & B N C, & B M C, & reliqui æquales, qui anguli, ut diximus

mus in iride, sunt in causa; vt colores ex refractione videantur, aliter tota nubes colorata esset. Plutarchus. Area hunc in modum conficitur. Quum inter Lunam, aliudue sydus, visumq; nostrum crassus aer, nebulosusq; interuenit, ab illo visus noster confestim reflectitur, laxiusq; circūfunditur, quo deinde in syderis orbem incurrente, duntaxat secundum circumferentiam, continuò circulus videtur circa sydus existere. Huiusmodi autem vñtatus circulus area propterea dicitur, quoniam illic assidue est area, esse ibi eiusmodi simulachrum videtur, quo nuper visus crassior inciderat. Seneca. Coronæ vbicunq; fiunt, vbicunq; sydus est. Arcus nō nisi contra Solem, vnde coronam si diuiseris, arcus erit, & fiunt ab omnibus syderibus. Nos halonem vidimus opposito specillo, siue lenticulari portione inter oculos nōstros & candelam, vel Solem: apparent enim iridis colores circumcirca, quia vndiq; ibi anguli æquales. Sed color puniceus non videtur circa flauum, quia ibi nulla adest tenebra.

---

*Ex Solis reflexione in opaca nube etiam colores causari.*

*Prop. X X V I I I I.*

**D**IXIMVS colores, qui ex refractione nascebantur, nunc autem qui ex reflexione. In reflexione lux multiplicatur, & splendescit, quum densius diaphanum, siue nubes densior sit, quā vt penetrari possit, quorum mistione colores nascuntur. Sed non tam pulcherrimi, vt irini, sed obsoleti, & obscurioris coloris. Quum enim nubes lucem non transmittunt, extrema superficies cum varia lucis mistione colores gignit. Aureus color videtur fieri ex regeſto Solis flauo lumine in densam nubem multiplicato: vel à flauæ lucis continuata densitate: multiplicatur enim lux ex reflexione, vt diximus, nam simplex incidit, duplicatus, quum resilit. Id in stellis videre licet, nam ex ea densitate reflexo Solis lumine, color aureus spectatur, at in nebulis, quæ non solidæ, vel caliginosæ croceus color gignitur. Color verò cæruleus videtur vbi tenuis lux in denſo diaphano, idemq; euenit in reflexione, quod euenerat in refractione. Ideo Philosophi qui putabant iridis colores ex nubis

E f 2 natura




natura causati, dicebant flauum colorem in summo nubis', vbi tenuis erat nubes, cæruleus in imo, vbi crassior. Si igitur in solis opposito nubes crassæ diaphanitatis, vt radium obtenebret, cærulei coloris tincta conspicietur. Sic ex æqua vtriusque potentia, & lucis, & crassitudinis, viridis exoritur color, videlicet ex modicè crassâ nube, & modico lumine. Rubeum colorem iam diximus in iride generari ex densissimo lumine, & nigro nubis colore reflexo. Nubes caliginosa Sole suffusa albanitet, at in aquam conuersa & iam casura, nigerrima apparet.

*Aeris colores in eclipsi videri.*

*Prop. XXX.*

**E**TERRA continuò vapores prodeunt, & pars ea vaporum quæ tenuior, leuiorq; summa petit, quæ fœculentior, grauior, & iu imo subsidet, media in medio residet, vt videantur quasi tres circuli terram circundantes, in supremo tenues, in imo terrestres, in medio mediæ naturæ. Sed animaduertendum non semper eiusdem rationis esse vapores, nam secundum tempora, & cælestes cursus variantur. nam aliquando tenues, tenuissimi fiunt, & sic fœculentiores purgatiores, contra autem aliquando vt qui prius terrestres grauesq; fuerint, adeò grauiissimi facti, vt inferioribus existentibus grauioribus, prius leuium circulus terrestres contineat, aliquando verò misti, & simul conturbati. Euenit igitur, vt Sol eos feriens splendidus varios gignat colores, vt diximus, sed nobis, qui in eis versantur inconspicui. In lunari enim eclipsi, vmbra Sole in Lunæ faciem immittente, antequam terreni corporis vmbra ad Lunā perueniat, colores hi ex Solis lumine, & vaporum causati Lunæ vultum prius feriunt, & ex eorum coloribus vaporum qualitates terram obsidentes cognosci possunt. Exemplum addemus.



Erit terræ globus AD, circulus primus crassos vapores continens D, secundus medios C, supremus, in quo tenuissimi B, sit umbra vaporum feriens Lunæ faciem E, quæ quia primum & supremi circuli est rubri coloris Lunæ faciem fœdabit, in H verò dimidium medij circuli ut rubei, & viridis coloris Lunæ facies maculetur, in F verò duorum circularum colores subibit, rubri, & viridis, in G autem trium circularum colores rubri, viridis, & cærulei. Ex his coloribus naturaliter futuri anni, vel instantis qualitates præcognosci possunt. Alibi Astrologorum opiniones refellemus.

*Ex luce, & densiore cali parte lacteum circulum fieri.*

*Prop. XXXI.*

**P**LUTARCHVS Philosophorum opiniones referens hæc habet. Pythagoreorum quidam stellæ esse efflagrantiam à sua sede deciduæ: hunc autem, qua peruolitarit tractum circulariter perussisse, quo tempore aurigante Phæthonte cælum conflagrasse dicitur. Quidam Solem iam inde sub initio illac iter fecisse. Sunt qui speculari esse visum putent, Sole fulgores  
in cæ-

in cælum referente: quod in arcu cælesti, & in nubibus contingit. Metrodorus Solis transmeatu fieri, esse enim hunc solarem circum. Parmenides spissi, rariq; mixturam lacteum reddere colorem. Anaxagoras terræ umbram hac cæli parte consistere, quum Sol terras subiens, cælum vsquequaq; illustrare nō potest. Democritus stellarum collucientiam multarum, paruarum, cōtigarumq; inter se collustrantium propter cōstipationem. Aristoteles horum multas opiniones refellit. Quod non sint stellæ ibi existentes probat quod planetæ omnes sub Zodiaco labuntur. Quod non sint stellæ remissioris lucis: quum à Sole non aspiciantur, translatō Sole deberet transferri lac. Qui dicūt esse reflexionem Solis ad oculos nostros, falsa dicūt, quia ibi non adest nubes, vt in iride, & halone: & si esset reflexio præsupponit immobile speculum, at cælum semper mouetur. Aristoteles dicit esse aride exhalationis flammigantiā permultæ, & continuæ. Sed hæc opinio omnium pessima: quomodo igitur exhalationes, quæ vagæ, ab initio mūdi semper eodem loco steterint. Possidonius ignis coagmentationem sydere quidem rariorem, splendore verò densiorem. Cardanus dicit esse ibi cæli densa substantia, syderum rara, contrarium dicens; nam quod lucet densus est, rarum peruium: cælum esse rarum putet ex luminum transmissione, astra densa esse ex Lunæ natura, cum obiectu lumen Solis aufertur. Sed vera ratio est, quod pars ea cæli densior sit alijs, vt lumen Solis recipere possit, non autem transmittere, vt Luna & ceteræ stellæ.

F I N I S.



Ego Fridericus Metius legi opus Domini Ioannis Baptiste Portæ Neapolitani, qui inscribitur, De Refractione Optices parte: & nouem continet libros: quorum primus agit De Refractione, & eius accidentibus. 2. De Pile Crystalline refractione. 3. De Oculorum partium anatome, & earum munijs. 4. De Visione. 5. De Visionis accidentibus. 6. De Cur binis oculis rem vnā videamus. 7. De his quæ intra oculum fiunt, & foris existimantur. 8. De Specillis 9. De coloribus & refractione, scilicet de Iride, & lacteo circulo. In quibus nihil inueni à pietate alienum, nihil bonis moribus contrarium, sed potius Auctoris doctrinam, & solertiam sum admiratus, in quorum fidem propria hæc scripsi manu. Romæ iij. Id. Mart. An. Domini M. D. X C I I I. die scilicet festo Gloriosi Gregorij Magni.

Fridericus Metius qui supra manu propria.

*Imprimatur.*

*P. Antonius Vicesgerens.*

*Imprimatur.*

Fr. Bartholomæus de Miranda Sacri  
Palatii Magister.

---

*Imprimatur.*

*Ardicinus Biandrà Vic. Gen. Neap.*

M. Cherubinus Veronensis August. Theol.  
Archiep. Neap. vidit. Reg. fol. 3.

*[Faint handwritten notes at the bottom of the page]*

1875





2564-006



